

爾雅義疏

冊一



線  
802.11  
7537  
v.1

舊籍



由國家圖書館數位化、典藏

爾

雅

義

疏



四部備要

經部

上海中華書局據家刻足

本校刊

桐鄉 陸費逵 總勤

杭縣 高時顯 輯校

杭縣 吳汝霖 校

杭縣 丁輔之 監造



802.11  
7537  
v.1

上諭

光緒七年十二月二十四日內閣

奉

上諭前據順天府府尹游百川呈進已故戶部主事郝懿行所著書四種當交南書房翰林閱看據稱郝懿行學問淵博經術湛深嘉慶年間海內推重所著春秋比春秋說略爾雅義疏山海經箋疏各書精博邃密足資攷證所進之書即著留覽欽此

爾雅義疏

上諭

中華書局聚

國家圖書館



002452211

101311336



珍做宋版印

奏摺

順天府府尹臣游百川跪

奏爲代進前戶部主事解經之書恭摺仰祈

聖鑒事竊維爲學莫先於研經而著書尤貴乎析義臣籍隸山東

稔知同鄉前戶部主事郝懿行所著春秋說略十二卷春秋

比二卷爾雅義疏十九卷山海經箋疏十八卷並附圖讚一

卷訂論一卷積數十年之精力而成其書頗爲賅洽伏念春

秋有褒譏之義說經之門戶宜分爾雅爲訓詁之宗名物之

異同必辨郝懿行窮源竟委曲引旁徵曾博極乎羣書求折

衷於一是至如山海經一書劉歆駭其神奇郭璞稱其靈化

又欲事刊疏繆辭取雅馴既富揅羅復精辨覈可謂殫心典

籍無愧通方該主事係山東棲霞縣廩膳生乾隆丙午優貢

戊申舉人嘉慶己未進士戶部江南司主事髫齡勵志皓首



窮經迹其成書有裨實學今其孫現任順天府東路同知郝  
聯薇收存原稿校繕成編臣謹代進呈以備

採納伏察康熙年閒胡渭進禹貢錐指乾隆年閒顧棟高進春秋  
大事表均蒙

聖祖仁皇帝

高宗純皇帝錫以嘉予摻入

四庫今郝懿行所著等編儻蒙

皇上帝學之餘

俯賜乙覽則儒生稽古之榮當與胡渭顧棟高並傳於藝苑矣謹  
將裝成書三函計十六本恭摺隨同上進伏乞

皇太后

皇上聖鑒謹

奏



爾雅義疏序

學者有志治經必先明古字古言古字者倉頡古文及籀文也古言者三代秦漢所讀之音與今不同也自隸書行而古字漸亡六朝以後之韻書出而古言漸亡就晚近之心思耳目求往古之制度文教以致微茫沈晦殆逾千載恭逢

盛世經學昌明則有傑出之士綜易詩離騷凡漢以前有韻之文皆得本音而別其部居明其通段日積月久相與引申復有通儒就許書所存之古籀又博采自古鍾鼎遺文以始一終亥之義依類而編之分合而辯之俗儒以爲模黏影響而能一皆就理悉合六書有是

二者斯能訓故通而五經立爾雅二十篇

本漢志今爾雅十九篇愚意以爲釋詁文多舊分二

篇又詩正義引爾雅序篇云釋詁釋言通古今之字古與今異言也釋訓言形貌也詩正義但疏詁訓二字之義所引不全則爾雅尚有序篇今則訓故之淵海五經之梯航也然至唐代但用郭景純之注


而漢學不傳至宋邢氏作疏但取唐人五經正義綴緝而成遂滋闕

漏乾隆閒邵二雲學士作爾雅正義翟晴江進士作爾雅補郭然後郭注未詳未聞之說皆可疏通證明而猶未至於旁皇周浹窮深極遠也迨嘉慶閒棲霞郝戶部蘭皋先生之爾雅義疏最後成書其時南北學者知求於古字古言於是通貫融會諧聲轉注段藉引端竟委觸類旁通豁然盡見且薈萃古今一字之異一義之偏罔不搜羅分別是非必及根原鮮逞胸臆蓋此書之大成陵唐躒宋追秦漢而明周孔者也翔鳳昔在嘉慶辛未滯迹京邸始識先生時接言論每致商榷輒付掌錄不以前倂而輕後生時所纂山海經箋疏不涉荒怪而惟求實是已行於世爾雅則未卒業一官不達九原難起後於湘中得太傅阮公所輯經解一再瀏覽得其大端後制府陸公單行其書與阮本無異嘉興高君又得足本以校阮陸兩本多四之一或云刪去之文出高郵王石渠先生手或云他人所刪而嫁名於王夫說一經之文必合衆家之議前此者未必是後此者未必非惟在學



者求其本根不立門戶同歸康莊是以河帥楊公得高君之本而爲  
流播於時剗剗僅半而河帥卽世茲胡君心耘始續成之而後郝氏  
一家之言遂有完書誠盛事也咸豐六年八月後學長洲宋翔鳳謹  
記

一  
珍  
做  
宋  
版  
印





爾雅郭注義疏上之一

棲霞郝懿行學

釋詁第一

辨別文字解釋形聲故諸篇俱曰釋焉詁者說文云訓

故言也从古聲古故也从十口識前言者也釋文引張揖雜字云

詁者古今之異語也然則詁之為言故也故之為言古也詁通作

故亦通作古釋文詁兼古故二音是也又引樊光李巡本釋詁作

釋故詩周南釋文亦云樊孫孫等爾雅本皆為釋故說文言部引詩

日詁訓漢書藝文志作故訓詩烝民云古訓是式蓋古訓即故訓

故訓亦即詁訓並字異而義通矣此篇自始也以下終也以上皆

舉古言釋以今語其間文字重複展轉相通蓋有

諸家增益用廣異聞釋言釋訓以下亦猶是焉

初哉首基肇祖元胎俶落權輿始也尚書曰三月哉生魄詩曰令終

有俶又曰俶載南畝又曰訪予

落止又曰胡不承權輿胎胎未成亦物之始也其餘皆

義之常行者耳此所以釋古今之異言通方俗之殊語

此釋始之義也說文云始女之初也釋名云始息也言滋息也按

始與治通書云在治忽史記夏紀作來始滑漢書律曆志作七始

詠是始治通也初者裁衣之始哉者草木之始基者築牆之始肇

者開戶之始祖者人之始胎者生之始也每字皆有本義但俱訓

始例得兼通不必與本義相關也初既訓始觀禮及檀弓注又訓

故者故亦古也古亦始也始與治通故下文又云治故也哉者才

之段音說文云才艸木之初也經典通作哉尚書大傳云儀伯之

樂舞龔哉詩云陳錫哉周鄭俱以哉為始也郭注下文茂勉引大

傳茂哉茂哉釋文或作茂才書云往哉汝諧張平子碑作往才汝諧哉生魄晉書夏侯湛傳作才生魄是才哉古字通又通作載陳錫哉周左氏宣十五年傳亦云載始也載哉通爾雅釋文哉亦作栽事詩載見辟王傳亦云載始也載哉通爾雅釋文哉亦作栽中庸栽者培之鄭注栽讀如文王初載之載栽或為茲茲栽哉古皆音同字通也首者與鼻同意方言云鼻始也豎之初生謂之鼻人之初生謂之首是首鼻其義同特言此者人生之始首鼻居先也胎者一切經音義一引爾雅舊注云胎始養也漢書枚乘傳云福生有基禍生有胎服虔注基胎皆始也通作殆詩殆及公子同歸傳殆始也釋文殆作迨始也爾雅釋文胎孫炎大才反本或作台是台迨殆俱胎之段音矣倣者說文云始也又土部城一曰始也則其義同釋名云荆豫人謂長婦曰孰孰祝也祝始也是孰與倣音義又同也落者詩訪予落止逸周書文酌篇云物無不落毛傳及孔晁注竝云落始也落本殞墜之義故云殞落此訓始者始終代嬗榮落互根易之消長書之治亂其道胥然愚者闕於當前達人燭以遠覽落之訓外又訓始名若相反而義實相通矣權輿者廣雅疏證以為其萌權濬之段音則與才落義皆相近詩不承權輿文酌篇云一輪勝權輿周月篇云日月權輿大戴禮誥志篇云百草權輿皆以權輿連文古書多段借今略為標舉如基肇祖三字俱訓為始詩夙夜基命禮孔子闕居基命作其命書丕丕基漢石經作不其儀禮士喪禮注古文基作期是期其通基也肇乃屨之段音說文屨始開也詩后稷肇祀禮表記作北祀是北肇通屨也祖古金石文字作且書黎民阻飢史記集解據今文尚書作祖飢索隱據古文作阻飢詩六月徂暑箋徂猶始也是徂阻通祖矣凡聲同之字古多通用



林丞天帝皇王后辟公侯君也

詩曰有壬有林又曰文王丞哉其餘義皆通見詩書

說文云君尊也儀禮喪服傳云君至尊也鄭注天子諸侯及卿大夫有地者皆曰君逸周書諡法篇云賞慶刑威曰君從之成羣曰君白虎通云君羣也羣下之所歸心也然則君之言羣凡羣衆所歸皆謂之君矣林丞者衆也又訓君者衆之所歸斯謂之君與君羣義同也林者詩有壬有林毛傳用爾雅楚辭天問篇云伯林維經王逸注及漢書律曆志竝云林君也丞者釋文云本又作蒸蒸烝古字通詩文王丞哉毛傳烝君也釋文引韓詩云烝美也美與君義亦近凡臣子於君父以美大之詞言之故皇謂之大亦謂之美亦謂之君烝謂之衆亦謂之美亦謂之君凡有數義而皆通斯爾雅諸文之例也不明乎此則窒矣林亦盛大之詞與烝同意故平都相蔣君碑云於穆林丞以二字連文其義與單文同也天與帝亦訓爲君者天帝俱尊大之極稱故臣以曰君焉易說卦云乾爲天爲君左氏宣四年傳云君天也驕冠子道端篇云君者天也是皆以君爲天之證古者稱君或言昊天或言天王或言天子其名異其實同也說文云帝諦也王天下之號也風俗通引書大傳云帝者任德設刑以則象之言其能行天道舉錙審諦諡法篇云德象天地曰帝是帝本天之號又爲王者之稱故詩上帝板板上帝甚蹈毛傳皆以上帝爲王矣皇者說文云大也从自自始也始皇者三皇大君也諡法篇云靜民則法曰皇詩有皇上帝毛傳皇君也凡詩之皇尸皇祖土昏禮之皇舅士虞禮記之皇祖鄭皆以皇爲君也王者說文云天下所歸往也風俗通引書大傳同諡法篇云仁義所在曰王仁義所在是卽民所歸往也王與皇同意故春秋繁露云王者皇也書建用皇極洪範五行傳作建用王極皇王其義同也后者說文云繼體君也周禮量入營后宮禮記內則

后王命家宰鄭注竝云后君也釋文引孫炎云后王君王也碎者下文云法也此訓君者君為人所法也人所法為君猶人所歸往為王矣詩內碎字毛鄭多訓為君書馬鄭注義亦同也公侯者列國之君也故釋名云公君也君尊稱也周禮牛人掌公牛巾車掌公車鄭注竝云公猶官也史記孝文紀索隱曰官猶公也然則公亦為官官亦為公反覆相訓義得兼通公官又一聲之轉故廣雅云官君也是官亦稱君矣侯者詩云洵直且侯侯文王孫子謹爾侯度毛鄭竝云侯君也羔裘釋文引韓詩云侯美也又訓美者與烝同義故烝侯毛傳竝云君韓詩竝云美臣子於君父以美大之詞言之亦其證也公侯皆有本義白虎通言公者公正無私侯者侯逆順皆其義又訓君者公侯雖臣於其國稱君也然則伯子男亦列國之君此不言者舉尊以例卑及卿大夫之有地者亦得兼焉

弘廓宏溥介純夏撫龐墳嘏不奕洪誕戎駿假京碩濯訔宇穹壬路

淫甫景廢壯冢簡葑畷啞將業蓆大也詩曰我受命溥將又曰亂如此撫為下國駿龐湯孫奏假

王公伊濯訔謨定命有壬有林厥聲載路既有淫威廢為殘賊爾土宇畷章緇衣之蓆兮廓落宇宙穹隆至極亦為大也葑義未聞尸子

曰此皆大有十餘名而同一實

釋君之後繼以大者君亦大也故老子云天大地大亦大說文本之而云天大地大人亦大尸子本此而云天帝后皇帝后皇辟公皆大

也是皆君亦訓大之義推此而言林烝亦有大意公侯亦兼大名其義舉可見矣廓者方言云張小使大謂之廓一切經音義九引



孫炎云廓張之大也詩云憎其式廓文選西京賦云廓開九市毛傳及薛綜注並云廓大也孟子云知皆擴而充之趙岐注擴廓也

釋名云郭廓也廓落在城外也公羊文十五年傳云恢郭也恢郭卽恢廓故意林引風俗通云郭大也詩皇矣釋文郭本又作廓蓋

正義本作廓釋文本作郭而音亦苦霍反是郭廓通擴義亦同矣宏者說文云屋僕響也書用宏茲賁正義引樊光曰周禮云其聲

大而宏禮記月令其器闕以奄呂覽孟冬紀作其器宏以弇史記司馬相如傳云必將崇論閱議漢書闕作鉞一切經音義十七云

宏古文裕同是裕闕俱與宏通逸周書皇門篇之闕孔晁音皇詩執競篇之喑徐邈又音宏宏皇聲轉皇亦大也是音義又通矣溥

者經典與溥通詩溥天之下左氏昭七年傳及孟子並作溥天之下儀禮鄭注溥大也是溥溥通又通鋪與敷詩鋪敦淮漬釋文引

韓詩鋪作敷云大也禮記祭義云溥之而橫乎四海釋文溥本亦作敷蓋溥鋪敷俱从甫聲凡聲同者字亦通也溥旁聲轉說文云

旁溥也聲轉爲旁薄又爲旁魄又爲彭魄又爲旁勃又爲盤礴並

以聲爲義矣介者芥之段借也說文方言並云芥大也經典通作

介逸周書武順篇云集固介德離騷云彼堯舜之耿介孔晁王逸注並云介大也純者奄之段借也說文云奄大也讀若鶉經純通

作純周語云俛莫不任肅純恪文選魯靈光殿賦云承蒼昊之純殷韋昭及張載注並云純大也又方言云純好也呂覽士容篇注

純美也漢書注純善也純又訓善者與介同意故介訓善又訓大純訓大又訓善也好美皆善矣純通作淳鄭語云黎爲高辛氏火

正以淳耀惇大韋昭注淳大也是淳純通矣夏者方言云大也樂記同說文以夏爲中國之人蓋有威儀備具之美周禮染人秋染

夏及夏采說者以夏爲五色之名爾雅兼包二義故訓爲大左傳云能夏則大書云羽畎夏翟可知二義兼矣懽者說文云覆也覆

冒義亦爲大故方言云幪大也詩亂如此幪毛傳同通作幪儀禮  
公會大夫禮及周禮階人鄭注並云幪大也幪義與無同章昭晉  
語注云無豐也豐亦大也說文云無豐也引商書曰庶草繁無今  
書無作無是聲義又同矣幪荒聲轉詩天作傳荒大也凡聲同聲  
近聲轉之字其義多存乎聲皆此例也幪者說文云石大也方言  
云溪之大也幪濛聲近故方言又云秦晉之閒凡大貌謂之濛或  
謂之厖矣墳者釋云墳大防方言云墳地大也青幽之閒凡土  
而高且大者謂之墳詩牂羊墳首周禮司烜共墳燭通作賁詩賁  
鼓維鏞書用宏茲賁賁皆大也又通作頌說文云頌大頭也引詩  
有頌其首正義據釋詁云頌與墳字雖異音義同此說是也但古  
書多段俗頌首之頌則頌爲正體墳乃段俗書正義據樊光引詩  
作有賁其首賁亦段俗矣賁者說文云大遠也郊特牲云賁長也  
大也長遠與大義近故方言云賁大也通作格少牢饋食禮云以  
賁于主人鄭注古文賁爲格士冠禮云孝友時格鄭注今文格爲  
賁又通作假詩駸假無言左氏昭廿年傳作駸賁無言士冠禮及  
禮運釋文並云賁本或作假蓋賁爲本字假爲通俗假格古音相  
轉故其字俱通矣假古讀若鼓夏古讀若戶故鄉飲酒義云夏之  
爲言假也皆以聲近爲義也不者書云三苗丕敘史記夏紀作三  
苗大序漢書郊祀志引大誓曰丕天之律鄭注丕大也張參五  
經文字云丕石經作丕見春秋傳按左傳丕鄭父是也爾雅本亦  
有作丕者故釋文云丕字又作丕通作丕戴氏震毛鄭詩考正云  
書立政篇丕丕基漢石經作丕不其凡詩中不顯不承不承不寧  
不康皆當讀爲丕詩之不顯不承卽書之不顯不承也奕者詩之  
奕奕毛俱訓大文選秋懷詩注引韓詩章句云奕奕盛貌盛大義  
亦近也通作亦詩亦服爾耕亦有高廩鄭箋並云亦大也不顯亦  
世後漢書袁術傳注及魏書禮志作不顯奕世是其字通矣洪者



水之大也故說文云洪洚水也洚與洪音義同通作鴻書之洪水  
史記俱作鴻水文選四子講德論云夫鴻均之世李善注鴻與洪  
古字通也誕者詞之大也詩書誕皆訓大何誕之節兮毛傳誕闊  
也闊亦大矣戎者詩民勞傳云大也方言云凡物盛多謂之寢盛  
多與大義亦近是寢戎其義同駮者玉篇云馬之美稱也美大義  
近下文又云駮長也長大義亦近通作峻詩駮命不易駮極于天  
禮記中庸大學及孔子閑居並引作峻又通作浚書夙夜浚明有  
家釋文引馬融注浚大也詩噫嘻釋文浚本亦作駮又通作俊夏  
小正云時有俊風初俊羔傳並云俊者大也說文云俊才過千人  
也然則人之俊者爲大馬之駿者亦爲大山之峻者亦爲大水之  
浚者亦爲大字雖異而音義同矣京者工之大也與墳同意釋工  
云絕高爲之京高亦大也故公羊桓九年傳云京者何大也京景  
聲義同故白虎通云景者大也經典景俱訓大而亦爲明景从日  
故訓明从京聲故又訓大矣碩者說文云碩大也與頌同意小爾  
雅云碩遠也遠亦大也通作石漢書律曆志云石者大也匈奴傳  
云石畫之臣其眾文選爲曹公作書與孫權云明棄碩交李善注  
碩與石古字通濯者方言云大也詩王公伊濯濯征徐國毛傳並  
云濯大也王公伊濯釋文引韓詩云濯美也美亦大也說文美从  
大與善同意故詩桑柔箋云善猶大也善訓大知美亦訓大矣許  
者詩中許字毛傳並訓爲大通作芋方言許芋並云大也郭注芋  
猶許也又云許亦作芋故詩云君子攸芋毛傳芋大也又通作吁  
與吁詩溱洧釋文許韓詩作吁斯于釋文芋或作吁爾雅釋文許  
本又作吁是皆以聲爲義也凡从于之字多訓大于亦訓大故方  
言云于大也檀弓云于則于說者亦以爲廣大是矣宇者亦从于  
與許同說文云宇屋邊也蓋屋檐四垂爲屋之四邊天形象屋四  
垂故曰天宇亦曰大字逸周書寶典篇云七寬弘是謂寬宇荀子

非十二子篇云喬宇鬼瑣楊侑注宇大也莊子齊物論篇釋文引尸子云天地四方曰宇然則宇之爲大可知矣穹者與宇同意故穹隆穹崇穹蒼其義皆謂天也漢書司馬相如傳云觸穹石張揖注穹石大石也通作空詩在彼空谷毛傳空大也文選注引韓詩作在彼穹谷薛君曰穹谷澗谷也然則穹蓋澗之大矣壬者詩有壬有林毛傳壬大也通作任仲氏任只傳亦云任大也史記律書云壬之爲言任也是任壬聲義同說文云壬象人裹妊之形故訓爲大矣路者詩車夷載路厥聲載路傳竝云路大也經典凡言路寢路車路馬義皆爲大路本道路可以通達故謂之大或俗爲輅玉篇云輅大車荀子哀公問篇注引舍人云輅車之大也後漢書張湛傳注引曲禮式路馬作軾輅馬云輅大也是輅路通矣淫者浸淫又久雨也浸久有過度之意故訓爲過過有參泰之意故又爲大詩既有淫威毛傳淫大也文選七發云血脉淫濯李善注淫濯謂過度而且大也然則淫濯俱訓大本於爾雅也甫者男子之美稱美大義近故又爲大詩之甫田甫草及魴鱖甫甫傳竝云大也說文云誦大也讀若誦詩東有甫草文選東都賦注引韓詩作東有圃草薛君曰圃博也有博大茂草也後漢書班彪傳注引薛君傳作甫博也博與圃誦俱从甫聲故義皆爲大而其字亦通矣廢者奔之段音也說文云奔大也玉篇作奘又作𡗗同通作佛詩云佛時仔肩毛傳佛大也孔穎達不知段借之義故云佛之爲大其義未聞又通作廢郭引詩廢爲殘賊釋文云廢大也此王肅義列子楊朱篇云廢虐之主張湛注廢大也逸周書官人篇云華廢而誣是亦以廢爲大也壯者與共同而聲近將其義亦相通俗禮記射義云幼壯孝弟鄭注壯或爲將詩鮮我方將毛傳將壯也是二字義同字通廣雅云將美也又云將長也長美與大義亦近也冢者與墳義同與京義亦近說文云冢高墳也方言云冢秦晉之



閒謂之墳書正義引舍人曰冢封之大也蓋冢本封土爲名而凡大亦皆稱冢書之友邦冢君冢亦大也然則大君謂之冢君大宰謂之冢宰大子謂之冢子大祀謂之冢祀不但詩之冢土獨擅冢名矣簡者疏節闊目之意故亦爲大論語可也簡孔安國注以簡爲大也淮南說山篇云周之簡圭生於坵石高誘注簡圭大圭也通作閒尚書大傳云閒尾倍其身鄭注閒大也又通作閑文選魏都賦注引薛君韓詩章句曰閑大也謂閑然大也又通作蘭詩簡今釋文云簡或作蘭是皆以聲爲義也薊者釋文引說文云艸大也今說文本薊作薊蓋形近誤行薊字而於薊下又妄加艸木到三字竝誤矣玉篇薊下引韓詩作薊從甫田詩釋文引作薊從竹亦非矣廣韻四覺斲紐下引說文薊從艸與爾雅釋文合今據以訂正焉通作倬倬詩倬倬彼甫田韓詩作薊云薊卓也卓與倬同毛詩作倬說文云倬箸大也引詩倬倬彼雲漢傳亦云倬大也是倬薊音義同畝者說文及詩卷阿傳竝云畝大也通作反詩威儀反反釋文引韓詩作畝畝云善貌善與美同意美大義近畝之爲言版也與業同意故釋名云板畝也畝畝平廣也廣大義又近是韓詩之威儀畝畝本兼善大二義故玉篇云畝大也善也畝者古本作邛史記司馬相如傳云爰周到隆索隱引樊光云邛可見之大也是樊本作邛通作旺玉篇云旺之日切大也聲近載說文云載大也讀若詩載載大猷玉篇載維慄切與旺音同釋文旺本又作至蓋郭本卽作至故云至極亦爲大也至者極也極者中也屋之中極至爲高大故云至極亦大矣業者說文云大版也詩傳同俱本釋器爲說也四牡業業毛云業業然壯也又云業業言高大也高壯亦皆爲大矣蓆者說文云廣多也廣多亦皆爲大故詩緇衣傳蓆大也釋文引韓詩云蓆儲也儲積與廣大義亦近也通作席漢書賈誼傳云非有及室之軌以豫蓆之也應劭注蓆大也郭引尸子

曰此皆大有十餘名而同一實邢疏引尸子廣澤篇云天帝后皇  
碎公弘廓宏溥介純夏撫冢陞畷皆大也十有餘名而實一也今  
按大字之訓凡三十有九名尸子所稱才止十一又天帝后皇碎  
公亦俱訓大與今本異證知爾雅諸文後人多有增益及竄改者  
古書茫昧千載無聲編簡散  
殘遺文散落夫孰從而辨之

撫扈有也二者又為有也  
詩曰遂撫大東

撫扈既訓大又訓有者有大義近故復為有有之為言又也亦言  
富也易雜卦云大有眾也有與大皆豐厚之意故其義相成矣撫  
者覆也覆者撫而有之也通作撫廣雅云撫有也禮記文王世子  
云君王其終撫諸鄭注撫猶有也詩則無撫任毛傳撫厚也撫  
厚有並聲義近詩遂荒大東郭引作遂撫大東撫荒聲轉也扈者  
幪也幪亦覆而有之也玉篇云扈有也厚也詩為下國駿扈毛傳  
扈厚也正義引釋詁又是厚有其義近扈通作蒙荀子榮辱  
篇引詩為下國駿蒙楊倞注蒙讀為扈厚也是其字通之證

迄臻極到赴來弔綬格戾懷摧詹至也齊楚之會郊曰懷宋曰屈詩  
曰先祖于摧又曰六日不詹

詹摧皆楚  
語方言云

說文云至鳥飛从高下至地也从一一猶地也文選長笛賦注引  
字林曰至到也禮記注至來也儀禮及國語注並云至極也互相  
訓也至通作致禮器篇及莊子外物篇釋文並云致本作至又通  
作砥聘禮記注今文至為砥詩柏舟傳之至也泮水傳止至也止  
之與至並聲相轉也迄者訖之段音也說文云訖止也止亦至也  
通作迄書聲教訖于四海漢書藝文志訖作迄詩以迄于今迄用



有成迄用康年及楚辭天問云吳獲迄古其義皆爲至也又通作  
汔詩汔可小康漢書元帝紀作迄可小康臻者義詳下文薦擊臻  
也極者玉簋云棟也中也又至也盡也遠也高也按極字凡有數  
義皆緣棟而生棟居屋之中至爲高絕故爾雅訓至極又竟也窳  
也終也終窳竟三義又緣至而生也魯語云齊朝駕則夕極於魯  
國韋昭注極至也文選東京賦云是廓是極薛綜注極致也致亦  
至也漢書成帝紀注極止也詩鴇羽箋極已也已止亦俱爲至矣  
赴者說文云趨也儀禮注云赴走告也走趨相告義皆爲至通作  
計聘禮既夕記注竝云今又赴作計聲又與傳近詩亦傳于天鄭  
箋傳至也卷阿箋傳猶戾也戾亦至矣來者釋名云來哀也使來  
入己哀之故其言之低頭以招之也詩采薇傳來至也呂覽不侵  
篇注來猶致也通作戾公羊隱五年傳登來之禮記大學篇注引  
作登戾之戾來聲同故詩魯侯戾止毛傳戾來也來亦爲戾戾亦  
爲來二字古音同之證也下文又云戾止也止亦至矣弔者迺之  
段音也說文云迺至也通作弔詩神之弔矣不弔昊天不弔不祥  
傳箋竝云弔至也書云弔由靈逸周書祭公篇云予維敬省不弔  
其義皆爲至也詩不弔昊天書無敢不弔鄭箋及注竝云至猶善  
也考工記弓人云覆之而肉至鄭注以至爲善是至有善義故弔  
兼善訓矣轆者說文云船著不行也方言云轆至也史記司馬相  
如傳云躡以轆路兮徐廣注本爾雅轆至也漢書張揖注本說文  
轆著也著與至義亦近郭本孫炎以轆爲屈注竟作屈屈字誤也  
郭注據方言宋曰轆今誤作屈證以釋文轆郭音屈孫云古屈字  
可知孫郭本竝非改轆爲屈矣釋言云屈極也極至義同張參五  
經文字以爲轆爾雅或作屈蓋自唐本已誤矣格者假之段音也  
說文云假至也通作格方言云格至也郭注格古格字爾雅釋文  
亦云格字或作格又通作假說文引虞書曰假于上下今書作格

于上下凡書之來格格王格人格于皇天之格史記漢書俱作假儀禮又通作嘏士冠禮注今文格為嘏又通作恪逸周書小開武篇云非時罔有恪言恪即古格字格既訓至釋言又云格來也小爾雅又云格止也止來亦至矣懷者下文云懷止也釋言云懷來也來止義俱為至釋名云懷回也本有去意回來就己也亦言歸也來歸己也歸回義亦為至矣推者詩先祖于推文選東京賦云五精帥而來摧毛傳及辭綜注並云摧至也摧近察又近據櫛讀若慶尚書大傳云察者至也方言云摧到也摧察臧並一聲之轉也詹者方言云至也詩六日不詹魯邦所詹毛俱訓至文選思玄賦云黃靈詹而訪命今舊注詹至也

如適之嫁徂逝往也

方言云自家而出謂之嫁猶女出謂嫁

釋名云往往也歸往於彼也故其言之仰頭以指遠也說文云往之也互相訓也通作廷說文云廷往也案古文往作廷此廷即廷字之省故左氏襄廿八年傳云君使子展廷勞於東門之外漢書五行志廷作任是矣如者小爾雅云如適也亦互相訓也春秋經凡書如晉如齊如盟如會之類皆以如為往也通作于詩言于歸于仕于狩于邁之類皆以為往也適者之也之者適也亦互相訓其義又皆為往也嫁者說文云女適人也儀禮喪服注云凡女行於大夫以上曰嫁行於士庶人曰適人按此亦對文耳若散文則嫁亦為適適亦為嫁嫁適俱訓為往故方言云嫁往也列子天瑞篇云子列子居鄭圃將嫁於衛趙策云韓之所以內趙者欲嫁其禍也是皆以嫁為往也徂者說文云徂往也或作徂方言云徂往也通作且詩士曰既且釋文云且音徂往也又同韻說文云且往也玉篇作與同是與且俱徂之段音矣逝者之也去也通作帶說文云帶去也夏小正云帶鴻鴈傳云帶往也易大有釋文云哲



鄭本作禮陸本作逝史記屈原賈生傳云鳳漂漂其高  
禮兮索隱曰禮音逝漢書賈諡傳禮正作逝是逝禮通

### 賚貢錫昇子貺賜也皆賜與也

說文云賜予也周禮大府云幣餘之賦以待賜予此賜予連文若  
單文則賜亦爲予予亦爲賜賜予互訓其義俱通賜之言施也施  
亦賜也予亦與也賚者說文云賜也引周書曰賚爾拒斃今洛誥  
作予以拒斃是賚爲賜又爲予故此云賚賜下云賚予子賜其義  
同也賚通作來詩賚我思成鄭箋賚讀如往來之來爾雅釋文云  
賚又力臺反此卽賚讀爲來也少牢饋食禮云來女孝孫鄭注來  
讀曰釐釐賜也按釐來古同聲故來又通釐玉篇引蒼頡曰釐賜  
也詩釐爾圭瓚毛傳同又通作理書子其大賚女史記殷紀作予  
其大理女書序云帝釐下土方釋文引馬融注釐賜也理也是理  
釐來竝音同字通貢者贛之段音也說文云贛賜也淮南要略篇  
云一朝用三千鍾贛高誘注贛賜也按古人名字多依雅訓孔子  
弟子名賜字子贛亦其證也通作貢今經典贛字多借作貢矣昇  
者予也予亦昇也竝見下文貺者詩中心貺之毛傳及儀禮注竝  
云貺賜也通作況魯語云況使臣以大禮晉語云闕父之變而嘉  
其況韋昭注竝云況賜也漢書武帝紀云遭天地況施禮樂志云  
寒暑不忒况皇章應劭及晉灼注竝云况賜也左氏僖十五年釋  
文及爾雅釋文竝云貺本作况按况从兄聲古止作兄漢尹翁歸  
字子兄兄卽况也故詩常棣出車篇作况而桑柔召旻篇作兄傳  
箋釋云茲者滋也滋茲皆訓益益與賜義近故經典古作兄通作  
况今作貺宜據詩之古文訂正焉乃常棣釋文旣云况或作兄而  
又非之蓋唐人陸德明已不知古音古義故妄  
加非議今爲辨正於此說又見釋言矧况下

儀若祥淑鮮省臧嘉令類緜敷攻穀介徽善也詩曰儀荆文王左傳

錫爾類我車既攻介人維藩大如嗣  
徽音省緜穀未詳其義餘皆常語

說文云讒吉也从羊與義美同意釋名云善演也演盡物理也通  
作善易略例云善邇而遠至釋文善又作繕詩鄭風箋及周禮注

並云繕之言善也儀者義之段借也周禮肆師注云故書儀為義  
鄭眾注義讀為儀蓋古書儀作義故說文云義己之威儀也是威

儀之儀正作義經典通借作儀耳詩宣昭義問手傳義善也禮經  
衣云章義擅惡釋文引皇侃亦云義善也是皆古書儀作義之證

餘皆作儀詩無非無儀儀荆文王及逸周書寶典篇云是謂四儀  
王子晉篇云各得其所是之謂儀儀皆訓善寶典篇注誤作儀言

也儀無訓言之理蓋篆文善作論从言缺脫其上因為言矣若者  
釋言云順也順理為善故逸周書武順篇云禮義順祥曰吉是其

義也漢書禮樂志云神若宥之章玄成傳欽若稽古集注並云若  
善也郭引左傳曰禁禦不若惠氏棟左傳補注引東京賦云禁禦

不若今左傳作不逢不若此晉以後傳寫之謬當從張衡郭璞本  
作禁禦不若是矣祥者說文云福也一云善是祥兼福善二義故

左氏成十六年正義引李巡曰祥福之善也經傳祥俱訓善士虞  
禮記注祥吉也吉亦善也通作詳易視履考祥釋文祥本亦作詳

不詳也釋文又引鄭王肅作祥逸周書皇門篇云作威不詳孔晁  
注詳善也左氏成十六年傳詳以事神正義曰詳者祥也古字同

耳又通作羊說文云羊祥也蓋美善義祥之字俱从羊羊祥俱訓  
善二字既同義又同聲故考工記車人云羊車鄭注羊善也左氏

昭十一年經云盟于侵祥公羊作侵羊是其證又海內西經崑崙  
洋水之洋郭音翔亦其例也爾雅洋觀哀衆邢釋文云洋音羊讀



羊者或爲詳非蓋不知羊詳古同音故以羊讀詳者爲非耳淑者  
倣之段音也說文云倣善也引詩令終有倣一曰始也倣既訓始  
又訓善者始未有不善終之爲難故詩言令終有倣以倣爲善是  
必三家詩舊說故許君依以爲釋毛傳訓倣爲始鄭箋訓倣爲厚  
竝與舊說異也倣通作淑詩及禮記淑字毛鄭俱訓善聘禮之倣  
獻注古文倣作淑是皆倣之段音爲淑也爾雅此文亦倣爲淑於  
是倣善之訓僅存於說文矣鮮者蠹之段音也說文云蠹新魚精  
也是蠹取生新爲義凡鳥獸魚鼈之肉皆新蠹者善故訓善也通  
作鮮方言云鮮好也好亦善也詩蠶條不鮮鮮我方將鮮我觀爾  
度其鮮原鄭箋竝云鮮善也爾雅釋文鮮本或作警沈云古斯字  
郭音義云本或作警非古斯字案字書警先奚反亦訓善按陸引  
字書警訓善今無可攷以意求之警與斯音義同斯鮮古字通故  
詩有兔斯首鄭箋讀斯爲鮮而云鮮齊魯之閒聲近斯是斯鮮音  
轉字通沈施以警爲斯而訓善正得其義與其音陸德明非之謬  
矣阮雲臺師曰書云惠鮮鯨寡又云知恤鮮哉詩云鮮民之生鮮  
皆斯字之段音爲孔傳訓鮮爲少毛傳訓鮮爲寡皆非也金鶚云  
奚斯字子魚斯亦鮮之段音也小山別大山鮮鮮亦斯之段音也  
說見釋山下省者察之善也明察審視故又訓善詩云帝省其山  
禮記大傳大夫士有大事省於其君鄭箋及注竝云省善也臧者  
經典俱訓善通作藏藏古作臧故易繫辭云藏諸用釋文藏鄭作  
臧知以藏往釋文藏劉作臧竝云善也詩中心藏之鄭箋藏善也  
是鄭本藏亦作臧莊子應帝王及徐無鬼篇釋文竝云藏本作臧  
皆其證矣又通作戕詩曰予不戕釋文戕王作臧孫毓評以鄭爲  
改字是鄭易臧爲戕今箋無此語蓋脫去之說文臧从戕聲故此  
二字可以通借臧聲又近將廣雅云將美也美善其義同嘉者下  
文云美也美亦善漢書郊祀志云故神降之嘉生應劭注嘉穀也

穀亦善矣令者靈之段音也書弔由靈及丕靈承帝事不克靈承于旅皆以靈為善詩靈雨既零鄭箋靈善也省作霽董道廣川書跋載叔繇鼎銘有霽終之文爨鼎銘亦曰霽始霽終霽訓為善猶言善始善終也通作令詩既醉箋令善也又通作冷莊子逍遙遊篇云冷然善也是冷令又同矣類者法之善也方言云類法也法與善義近逸周書芮良夫篇云后作類荀子儒效篇云其言有類孔晁及楊倞注竝云類善也類與戾同故廣雅云戾善也又與賴同孟子云富歲子弟多賴趙岐注賴善也賴戾類竝一聲之轉也穀者張弓之善也射必至於穀猶學必至於善故穀有善義穀數古音同論語云不至於穀孔安國注穀善也釋文穀公豆反則與穀同釋言云穀生也又云穀祿也廣雅云祿善也是展轉相訓其義又同矣攻者治之善也又堅之善也攻訓堅又訓治兼之為善詩工祝致告毛傳善其事曰工是工與攻聲義同介者价之段俗也說文云价善也引詩价人維藩通作介郭注及漢書注引詩价人俱作介介與佳同說文及廣雅竝云佳善也佳介又一聲之轉徽者美也善也書之慎徽馬融注徽善也詩之徽猷徽音傳箋竝云徽美也美善義同禮器云不麾蚤鄭注齊人所善曰麾是麾徽其義同又近禕與衛下文云禕美也衛嘉也

舒業順敘也皆謂舒業順敘緒也四者又為端緒

說文云敘次第也書惇敘九族鄭注敘次序也序即敘字經典敘皆通作序也舒者釋言云緩也舒緩與次第義近舒之言徐也徐與敘聲義同故詩毛傳舒徐也常武釋文舒序也一本作舒徐也是徐序通序即敘也蓋陸德明本作舒序孔穎達本作舒徐陸據爾雅其義為長正義乃據舒徐之本而以定本作舒序為非謬矣舒通作茶考工記弓人云斲目必茶鄭眾注云茶讀為舒舒徐也



徐亦敘矣業者大版又蕙卷也版作鋸齒捷業相承篇有部居後先相文皆有敘義孟子云有業屢趙岐注業次業也蓋謂作之有次敘矣順者說文云理也釋名云順循也循其理也通作循大射儀云順左右隈鄭注今文順爲循又通作訓書于帝其訓史記宋世家作于帝其順法言問神篇云專得其序之謂訓訓即順也○緒者與敘聲義同說文云緒絲端也蓋有端緒可以次敘故敘又訓緒也緒敘古通用莊子山木篇云倉不敢先嘗必取其緒釋文緒次緒也次緒即次敘是其字通矣舒業順皆可以義求下文云緒業事也順釋陳也繹訓抽絲與緒義相成緒業皆訓事事有端緒可陳敘又與敘義合也

怡懌悅欣衍喜愉豫愷康妣般樂也皆見悅懌愉釋賓協服也皆謂

從服

釋名云樂樂也使人好樂之也一切經音義二引蒼頡篇云樂喜也喜樂互相訓也怡者合之段音也說文云台說也書祇台德先鄭注敬悅天子之德既先史記自序云虞舜不台索隱曰台音怡悅也又諸呂不台徐廣注台怡懌也通作怡說文云怡和也和樂義近故一切經音義一引爾雅舊注曰怡心之樂也史記集解徐廣引今文尚書作舜讓于德不怡索隱引古文作不嗣今文作不怡怡與夷聲近釋言云夷悅也懌者五帝紀云舜讓於德不懌詩辭之懌矣禮記文王世子云其成也懌鄭注懌悅懌一切經音義一引爾雅舊注曰懌意解之樂也通作懌詩庶幾說懌釋文懌本又作釋辭之懌矣說苑善說篇作辭之懌矣悅者古作說說文說釋即悅懌也經典悅說通用故顏氏家訓書證篇云以說爲悅通作兌文王世子樂記緇衣鄭注竝云兌當爲說書說命釋文說本

亦作兌是兌說通易說卦云兌說也蓋兌从占聲與說相轉此古音也故古通用矣欣者說文云笑喜也喜亦樂也通作訢說文云訢喜也樂記云天地訢合鄭注訢讀為憲釋文訢一讀依字音欣是也又通作忻史記周紀云姜嫄見巨人跡心忻然說欲踐之爾雅釋獸釋文欣本或作忻衍者說文云衍喜兒廣雅云衍衍和也和樂義近通作侃論語云侃侃如也孔安國注侃侃和樂貌也喜者通作熹說文云熹說也史記漢書喜多作熹地理志聞喜劉寬碑陰作聞熹又通作僖說文云僖樂也又通作熙書庶績咸熙文選劇秦美新作庶績咸喜李善注喜與熙古字通又通作嬰說文云嬰說樂也愉者通作愉詩他人是愉地理志作它人是愉又選諷諫詩云我王以愉李善注愉與愉同樂也又通作俞聘禮記愉愉釋文作俞俞廣雅云愉愉喜也莊子天道篇釋文引作俞俞喜也聲近娛說文云娛樂也又近虞白虎通云虞者樂也豫者一切經音義十三引蒼頡篇云豫佚也佚亦樂也易雜卦云豫忘也釋文引虞翻作豫怡也通作預玉篇云豫或作預又通作與一切經音義十九云豫古文作與儀禮注云古文與作豫又通作譽呂覽孝行篇云天下譽高誘注譽樂也愷者說文兩見豈部云愷康也心部云愷樂也通作凱禮記凱弟君子鄭注及文選吳都賦注並云凱樂也又通作豈詩孔燕豈弟豈樂飲酒傳箋竝云豈樂也釋文俱云豈本亦作愷孔子閑居及表記釋文凱本亦作愷又作豈康者逸周書諡法篇云康安也安樂義相成故又云豐年好樂曰康安樂撫民曰康令民安樂曰康通作愷文選琴賦云心愷慨以忘歸李善注引爾雅作愷愷樂也案愷說文作忼云忼慨也文選注引爾雅借作愷愷然則愷慨倒轉即愷康矣忼者說文作忼云忼樂也通作忼藝嚴經音義上云聲類婞作忼一切經音義四云婞古文忼同又通作湛方言云湛安也安亦樂也詩子孫其湛和樂



且湛傳箋竝云樂也常棟釋文引韓詩云湛樂之甚也又通作耽  
一切經音義二引國語注云耽嗜也嗜亦樂詩無與士耽中庸引  
詩和樂且耽毛鄭竝云耽樂也鹿鳴常棟釋文竝云湛又作耽蓋  
耽湛陸俱都南反湛亦音沈沈亦音耽竝古音通轉故史記陳涉  
世家云夥頤涉之爲王沈沈者文選西京賦及魏都賦竝作耽耽  
李善注沈與耽音義同詩荒湛于酒漢書五行志作荒沈于酒皆  
其證也般者昇之義也說文云昇喜樂兒省作弁詩小弁傳弁  
樂也通作般詩般箋般音也又通作槃考槃傳槃樂也又作盤書  
文王不敢盤于游田文選東都賦及鶴鶴賦注竝引爾雅作盤樂  
也○悅懌愉既訓樂又訓服者服之言伏也喜樂之至轉爲屈伏  
義相成也下文云服事也通作伏事故文選吳王郎中時從梁陳  
詩云誰謂伏事淺李善注服與伏同古字通是其證矣悅訓服者  
孟子所謂中心悅而誠服是也詩我心則說毛傳說服也懌者詩  
云既夷既懌毛傳懌服也愉之爲言輸也又言諭也輸寫其誠諭  
其志意皆爲屈伏之至故愉訓服矣釋者說文云解也解散與輸  
寫義近釋訓服者梅書大禹謨及左氏襄廿一年傳竝云釋茲在  
茲釋宜訓服與念茲義近僞孔訓釋爲廢杜預訓釋爲除竝非也  
且念茲釋茲與名言允出文俱匹對義分淺深何故釋茲獨訓廢  
除文義俱舛證知釋服之訓當從爾雅矣賓者嬪之段音也說文  
云嬪服也釋親云嬪婦也婦亦服故說文云婦服也通作賓周禮  
太宰注云嬪故書作賓說文云賓所敬也敬服義亦相成故易集  
解虞翻注引詩曰莫敢不來賓賓卽訓服楚語云其不賓也久矣  
韋昭注賓服也史記司馬相如傳故遣中郎將任賓之索隱引賈  
逵云賓伏也伏亦服也樂記諸侯賓服注賓協也協亦服矣協者  
下文云也和說  
義近故亦訓服

通遵率循由從自也自猶從也通遵率循也三者又為循行

說文云自始也又云鼻也鼻亦始也人生從鼻始百體由之故俗為自此至彼之義自訓從也由也率也從亦為由由亦為率率亦

為自展轉相訓其義俱通也通者釋言云述也述與率循義近故皆訓自釋文引孫炎云通古述字讀聿亦音橘按通有三音音橘

者今未聞橘通竝从喬聲或古音讀同也讀聿者聿通古通用詩通追來孝禮記禮器作聿追來孝又聿來胥字鄭箋聿自也正義

以為釋詁文是聿通通又通作吹詩通求厥寧說文引作吹求厥寧吹从日聲吹又通曰曰又通聿故詩之見覘曰消釋文引韓詩

劉向作聿消是其證矣孫炎以為古述字者蓋通有述音匡謬正俗引逸禮記曰知天文者冠鵠鵠字音聿亦有術音故禮之衣服

圖及蔡邕獨斷謂為術氏冠亦因鵠音轉為術字耳非道術之謂也據顏此說證以鵠通俱从喬聲可知通之音為述亦猶鵠之音

為術也通音為述其訓亦述故詩通駿有聲鄭箋通述也通音為聿聿亦訓述故詩聿修厥德毛傳聿述也率者率之段音也說文

率先道也通作術玉篇術循也導也又通作率左氏宣十二年傳今鄭不率杜預注率遵也率有律音釋言律述也廣雅率述也是

率律音義同率之音為律亦猶通之音為聿也率之訓為述亦猶通之訓為述也方言龍律始也廣雅作龍率始也率律率俱字異

音義同然則率訓始又訓自者自亦始也始亦自也其義又通矣由者易由豫由頤虞翻注竝云由自從也由又用也行也行用與

自義亦近○通遵率三者又俱為循循者說文云行順也通作順詩江漢箋循流而下釋文循流本亦作順流又通作修易繫辭云

損德之修也釋文修馬作循莊子大宗師篇云以德為循釋文循本亦作修修循一聲之轉也通者通作述說文云述循也詩報我



不述毛傳同漢書藝文志注及後漢書曹褒傳注並云述修也又通作聿後漢書傅毅傳注聿循也遵者說文及諡法並云遵循也詩遵養時晦傳遵率也率亦循也率者詩禮內率訓循者非一書罔不率俾鄭注率循也率又行也用也詩帝命率育傳率用也用行義亦爲循易繫辭云初率其辭集解引侯果曰率循也率又音律律訓爲述述亦循矣率通作帥詩率時農夫文選東都賦注引韓詩作帥時農夫周禮注故書帥爲率儀禮注古文帥爲率禮記注帥循也漢書循吏傳注帥遵也遵亦循矣然則由從二字亦當訓循此不言者可以意求之由亦從也從亦順也順卽循也其義又通矣

靖惟漠圖詢度咨諏究如慮謨猷肇基訪謀也國語曰詢于八虞咨于二號度于閔天謀

于南宮諏于蔡原訪于辛尹通謂謀議耳如肇所未詳餘皆見詩

釋言云謀心也郭注謀慮以心說文云慮難曰謀按難讀難易之難故詩毛傳云咨事之難易爲謀蓋本左傳之文而申釋其義也謀本在心而從言者凡事謀之於心宣之於口故周禮大卜四曰謀鄭衆注謀謂謀議也蓋亦以計議爲謀也通作謨謨謀聲相轉也靖者方言云思也靖思與謀心義近下文又云靖洽也說文云靖細兒精細理洽與謀義又近也詩靖共爾位俾予靖之實靖夷我邦曰靖四方毛鄭竝云靖謀也通作靜書靜言庸違漢書王尊傳作靖言庸違管子侈靡篇云曲靜之言不可以爲道尹知章注靜謀也惟者下文云思也魯語注云陳也思慮陳敘竝與謀義義近通作維維訓度也念也念亦思也度亦謀也漠者莫之段音也詩聖人莫之毛傳莫謀也莫訓謀者莫本訓無無古讀若謨謨亦謀也通作漠釋文漠孫音莫舍人云心之謀也詩巧言釋文莫又

作漢一本作謨抑釋文謨本亦作漢是漢漢互通莫之與漢又音  
同字通爾雅多段俗毛詩本古文此則爾雅之漢當依毛詩作莫  
矣圖者畫之謀也說文云圖計畫難也詩是究是圖我儀圖之其  
義皆爲謀也詢度咨諏四者竝見詩皇皇者華及魯語毛傳俱本  
左襄四年傳而爲說詢者毛傳云親諏之謀爲詢書詢于四岳史  
記五帝紀作謀于四嶽度者毛傳云咨禮義所宜爲度詩度其鮮  
原禮坊記度是鏡京箋注竝云度謀也咨者毛傳云訪問於善爲  
咨說文謀事曰咨詩來咨來茹周語云而咨於故實晉語云而咨  
於二號其義皆訓爲謀也通作諮周爰咨諏釋文咨本亦作諮文  
選魏都賦注引爾雅亦作諮謀按諮从言後人所加淮南修務篇  
云周爰諮謨亦作諮者蓋後人追改也諏者說文云聚謀也毛傳  
咨事爲諏魯語作咨才爲諏韋昭注才當爲事是也通作詛特牲  
饋食禮注今文諏皆爲詛究者釋言云窮也窮盡事理與謀義近  
古微書引孝經援神契云究者以明審爲義然則明審與謀畫之  
義又近也詩不舒究之爰究爰度傳箋竝云究謀也如者與茹同  
釋言云茹度也度亦謀也茹亦如也如與猷同意故猷訓爲謀亦  
訓爲若如訓爲謀亦訓爲若猷通作猶如通作茹其意正同矣謨  
者說文云議謀也書謨明臚諧史記夏紀作謀明輔和詩訂謨定  
命毛傳謨謀也通作謀又通作漢竝已見上猷者釋言云圖也圖  
亦爲謀通作猶詩王猶允塞毛傳猶謀也又通作由易由豫釋文  
引馬作猶云猶豫疑也然則猶豫狐疑與謀義又近也肇者釋言  
云敏也敏之謀也詩肇敏戎公傳肇謀也謀敏古音相近故中庸  
云人道敏政鄭注敏或爲謀是其證也基者釋言云經也設也經  
營設造與謀義亦近書周公初基正義引鄭注基謀也孔子闕居  
夙夜基命宥密鄭注亦云基謀也通作謀玉篇廣韻竝云謀謀也  
又別作謀爾雅釋文基本或作謀蓋基爲本字謀爲段音謀爲或



體耳訪者說文汎謀曰訪借作於穀梁昭廿五年傳於公也范甯注於當爲訪訪謀也

典彝法則刑範矩庸恆律戛職秩常也庸戛職秩義見詩柯憲刑範

辟律矩則法也詩曰伐柯伐柯其則不遠論語曰不踰矩

常說文以爲裳本字經典借爲久長字蓋尋常俱度長之名因訓爲長故方言云凡物長謂之尋是尋亦訓長常與長音義同故詩

文王箋長猶常也通作嘗闕宮箋常或作嘗禮記少儀馬不常秣釋文常本亦作嘗常本古裳字又通作商說苑修文篇云商者常

也韓策云西有亥陽常阪之塞史記蘇秦傳常作商淮南繆稱篇云老子學商容說苑敬慎篇作常樞皆其證矣典者釋言云經也

經卽常故證法云典常也大宰注云典常也經也法也賈公彥疏引孫炎曰典禮之常也彝者說文云宗廟常器也書彝倫攸斁史

記宋世家作常倫所斁我不知其彝倫攸斁作我不知其常倫所敘通作夷詩串夷載路靡有夷屈毛傳竝云夷常也民之秉彝孟

子作民之秉夷書是彝是訓宋世家作是夷是訓明堂位云夏后氏以雞夷卽雞彝也法則者俱一定而不可變是有常意故訓常

也管子正篇云當故不改曰法七法篇云而未嘗變也謂之則是皆法則訓常之義也刑範矩與法則同意說皆見下庸者用之常

也說文庸从用从庚而訓用更迭用專亦有常義故中庸注庸常也用中爲常道也通作甬廣雅云甬常也恆者心之常也說文云

恆从心从舟在二之間上下一心以舟施恆也易雜卦云恆久也繫辭云恆德之固也固與久其義皆爲常也律者與法則同意故

同訓說亦見下戛者書不率大戛正義曰戛猶楷也言爲楷模之常故戛爲常也按戛楷一聲之轉其義相近又戛之言槩也槩所

以爲平也平常義亦相近文選海賦注云戛猶槩也槩戛亦一聲  
之轉釋言又云戛禮也禮曰天秩秩曰天常亦其義也釋文戛居  
點反郭苦入反說文戛讀若棘云戟也按戟於兵器最長故曰長  
義長猶常也其義亦通矣職者下文云主也主有常義秩者說文  
云積也積與常義亦近○旣云常又云法者法必有常有常可以  
爲法也說文作灋省作法云刑也釋名云法逼也人莫不欲從其  
志逼正使有所限也管子禁藏篇云法者天下之儀也蓋儀訓表  
又訓法矣柯者斧柄也又訓法者詩伐柯伐柯其則不遠則卽法  
也故考工記車人云半矩謂之宣一宣有半謂之櫛一櫛有半謂  
之柯一柯有半謂之磬折鄭注伐木之柯柄長三尺鄭衆注引蒼  
頡篇有柯櫛是柯與矩皆法之所從出因亦訓法矣柯與括同廣  
雅云括灋也法言修身篇云其爲外也肅括李軌注括法也括柯  
又一聲之轉憲者釋訓云憲憲泄泄制法則也詩崧高箋及小司  
寇注竝云憲表也蓋標表亦所以爲法矣刑者型之段音也說文  
型鑄器之灋也經典俱借作刑刑當作刑說文刑罰辜也从刀从  
井引易曰井法也一切經音義廿引易曰刑法也井爲刑法也此  
卽說文所引又引春秋元命苞曰刑字從刀從井井以飲人人入  
井爭水陷於泉以刀守之割其情欲人畏慎以全命也通作刑詩  
刑于寡妻釋文引韓詩云刑正也正亦法也古文法作金从古文  
正字法所以正人故周禮注刑正人之法皆本古文爲說也楊信  
碑云追念義刑平都相蔣君碑云秉□□之芳刑皆以刑爲型也  
又通作形易鼎云其刑渥集解今本刑作形高彪碑云形不妄濫  
亦以形爲刑也範者範之段音也說文云範法也从竹竹簡書也  
古法有竹刑通作範一切經音義二引通俗文云規模曰範易範  
圍天地之化鄭注範法也又通作范禮運云范金合土鄭注范鑄  
作器用荀子疆國篇云刑范正楊倞注范法也刑范鑄劍規模之



器也爾雅釋文範字或作范不知范範皆段借耳碎者說文云法也詩碎言不信無自立碎碎爾爲德及尚書大傳犧牲中碎毛鄭竝云碎法也方言云南楚凡罵庸賤謂之田儻或謂之碎碎商人醜稱也按碎與庸同意故庸爲凡庸之稱碎亦凡庸之名庸既訓常知碎亦當訓常碎既訓法知庸亦當訓法推之典既訓常亦當訓法爾雅於典庸不言法於碎不言常實則其義互相通也碎通作斲書我之弗碎說文引作我之不斲云斲治也治與法義亦相成矣律者釋言云銓也漢書律曆志云律法也莫不取法焉通作類方言云類法也樂記云律小大之稱史記樂書作類小大之稱釋名云律累也累人心使不得放肆也累類律竝聲轉義同矣矩者說文作巨或作桀經與相承省作矩閼有作桀與巨者大學注云矩或作巨離騷云求桀獲之所同淮南汜論篇亦作桀餘皆作矩弟子職云居句如矩尹知章注矩法也通作距考工記輪入注故書萬作禹鄭司農云讀爲萬書或作矩然則矩萬距竝以聲爲義也

辜碎戾辜也

皆刑罪

辜古罪字說文云辜犯法也墨子經上篇云罪犯禁也按犯禁爲罪加之刑罰亦爲罪故呂覽仲秋篇云行罪無疑高誘注罪罰也辜者一切經音義二引爾雅舊注云辜禮義之罪也按舊注非是書微子云凡有辜罪此辜必非禮義之罪故詩民之無辜何辜今之人鄭箋竝云辜罪也是罪辜通名耳莊子則陽篇云至齊見辜人焉辜人卽罪人也通作故史記屈原賈生傳云亦夫子之辜也索隱曰辜漢書作故故辜以聲爲義也碎者法也又訓罪者出乎法卽入乎罪治其罪者亦罪也故說文云碎从辛節制其辜也禮

王制云司寇正刑明辟謂正法明治其罪也戾者曲也乖也貪也  
暴也皆與罪名相近故為罪也詩亦維斯戾逸周書大匡篇云刑  
罪之戾戾皆訓罪罪戾亦通名耳一切經音義二引漢書云有其  
功無其意曰戾有其功有其意曰罪戾是戾與罪異亦非也左傳  
云赦其不閑於教訓而  
免於罪戾罪戾一耳

黃髮齟齬給背耆老壽也

黃髮髮落更生黃者齟齬齒墮更生細者  
給背背皮如給魚耆猶耆也皆壽考之通

稱

說文云壽久也隸變作壽故釋文云壽本又作壽春秋繁露云壽  
之為言猶雖也通作雖左氏文十三年傳云魏壽餘史記秦紀作  
魏離餘又通作疇書酒誥云若疇圻父詩祈父正義引鄭注順  
萬民之圻父釋文疇古疇字本又作壽馬鄭音受按疇無受音馬  
鄭本蓋作壽而音受也匡謬正俗云年壽之字北人讀作受音南  
人則作授音證知馬鄭本若疇作若壽而音受馬鄭即北人也黃  
髮者詩南山有臺及行葦正義引舍人曰黃髮老人髮白復黃也  
孫炎曰黃髮髮落更生者郭注本孫炎以今驗之耆老者人秀眉  
宜髮未蒙更生而華顛皓首云然變黃誠有如舍人所云者矣齟  
齒者釋名云齟齒大齒落盡更生細者如小兒齒也通作兒詩黃  
髮兒齒鄭箋兒齒亦壽徵爾雅釋文兒本今皆作齟五兮反一音  
如字是陸本與詩同作兒兒者齟之段借也給背者說文云給海  
魚也釋名云九十月給背背有給文也詩正義引舍人曰老人氣  
衰皮膚消瘠背若給魚也通作台黃者台背毛傳台背大老也鄭  
箋台之言給也大老則背有給文以今驗之給魚背有黑文老人  
背亦發斑似此魚然詩及爾雅釋文並云給一音夷今登萊海上



人呼此魚正如臺無音夷者唯鯨魚音夷耳者說文云老人面凍黎若垢釋名云耆垢也皮色驪頰恆如有垢者也或曰凍黎皮有斑點如凍黎色也左氏僖廿二年正義引舍人曰耆觀也血氣精華觀竭言色赤黑如狗矣是諸家說者字互異郭氏皆不從而云耆猶耆也耆耆訓老也詩遐不作耆耆毛傳耆老也書耆造德而降鄭注及方言竝與毛同此皆郭所本也老者說文云考也七十曰老本曲禮文釋名云老朽也獨斷云老謂久也舊也壽也白虎通云老者壽考也俱本爾雅為說也此黃髮觀齒給背竝二字連文為義實則黃觀給三字單舉於義亦通故南山有臺傳及行葦箋竝云黃黃髮也是單言黃之證說文觀老人齒是單言觀之證方言給老也是單言給之證至於耆老二字雖俱單文亦有連語耆稱猶黃也黃胡聲轉黎黎字通

允孚亶展謀誠亮詢信也

方言曰荆吳淮汭之闕曰展燕岱東齊曰謀宋衛曰詢亦皆見詩

展謀允

慎亶誠也

轉相訓也詩曰慎爾優游

說文云信誠也誠信也轉相訓也釋名云信申也言以相申束使不相違也墨子經上篇云信言合於意也鶡冠子學問篇云所謂信者無二響者也按信訓實又訓明審故周語注云信審也鬼谷子摩篇云信者明也蓋明與審皆所以為精精之至則誠矣允者說文云信也从儿呂聲按儿古文人與信同意呂从反已引賈侍冲說已意已實也是呂有實義實即信之訓也說文呂聲蓋聲又兼義矣孚者說文云卵孚也一曰信也繫傳鳥之孚卵皆如其期不失信也方言云北燕朝鮮洌水之閒謂伏雞曰抱抱即孚也孚

有抱音故說文云古文孚从示示即古文錄字又手部捋或从包  
作抱春秋隱八年經盟于浮來公羊作包來皆其證也易雜卦云  
中孚信也書呂刑云五辭簡孚史記周紀作五辭簡信簡孚有衆  
作簡信有衆孚與符聲近說文云符信也史記律書言萬物剖符  
甲而出也索隱曰符甲猶孚甲也宣者下文云厚也厚與信義近  
詩宣其然乎宣侯多藏毛傳皆訓爲信通作單詩俾爾單厚毛傳  
單信也書乃單文祖德馬融注單信也又通作誕文選大將軍謙  
會詩云誕隆駿命李善注引薛君韓詩章句云誕信也展者與宣  
聲義俱近故禮記展衣其字作禮从衣旁宣周禮內司服注展字  
當爲禮禮之言宣是宣展聲近義同之證也方言云展信也逸周  
書大匡篇云昭信非展寶典篇云展允于信蓋展也允也統言之  
俱訓信細分之又微有別故楚語云展而不信是其不同之證也  
展又伸也伸信之音又同矣謹者執之段音也方言云執信也說  
文云燕代東齊謂信曰執通作謹郭引方言作燕岱東齊曰謹又  
通作忱詩天難忱斯毛傳忱信也說文引作天難謹斯爾雅下文  
葉補注引書曰天威葉謹釋文謹今本作忱文選幽通賦注謹與  
忱古字通也亮者諒之段音也說文云諒信也方言云衆信曰諒  
又云諒知也是諒兼信知二義故一切經音義十七引爾雅舊注  
云諒知之信也本方言爲說也詩及禮記論語古文俱作諒通作  
涼詩職涼善背鄭箋涼信也正義引釋詁文又通作亮詩涼彼武  
王之涼韓詩作亮玉篇云亮明也又信也亮之訓明亦猶諒之訓  
知矣一切經音義十七引字詁云諒今作亮書亮采有邦乃或亮  
陰馬融注並云亮信也詩不諒入只釋文亮本亦作諒是亮諒通  
矣詢者恂之段音也說文云恂信心也方言云恂信也大戴禮衛  
將軍文子篇云爲下國恂蒙盧辯注恂信也通作洵詩洵有情兮  
毛傳洵信也洵訖且樂釋文引韓詩作恂盱漢書地理志亦引作



恂盱又洵直且疾韓詩外傳亦引作恂直是毛詩從段借作洵韓詩依本字作恂又通作詢詩洵美且異及于嗟洵兮釋文竝云洵本亦作詢○既云信又云誠者誠亦信也故賈子道術篇云期果言當謂之信志操精果謂之誠廣雅云誠信敬也是信誠其義同又訓敬者不敬則心不專一而不能信與誠誠信又訓明也審也  
不明審則心不精細而亦不能信與誠矣故禮記經解云衡誠縣繩墨誠陳規矩誠設鄭注誠猶審也論語云誠不以富詩作成不以富是成誠古字通中庸云誠者自成也蓋成亦實也實亦信也  
信亦誠也展轉相訓其義俱通矣展者詩展矣君子展如之人展我甥兮展也大成及楚語展而不信毛鄭及韋昭竝云展誠也謀者說文云誠諦也詩其命匪謀毛傳謀誠也說文忱誠也引詩作天命匪忱韓詩作其命匪詵允者書云允蠢鰥寡漢書翟方進傳作誠動鰥寡慎者詩慎爾儻游予慎無罪慎爾言也考慎其相傳箋竝云慎誠也慎訓誠者慎猶真也以真爲誠故以慎爲誠也慎  
從真聲說文假非真也可知真訓誠矣竄者詩竄不聽不實于竄胡臭竄時及士冠禮云嘉薦竄時毛鄭竝云竄誠也周禮內司服注同賈公彥疏引爾雅而申之云展者言之誠竄者行之誠此二語似引爾雅舊注之文也通作單書誕告用竄其有衆釋文竄馬本作單云誠也又通作瘳士冠禮注古文竄爲瘳瘳竄以聲爲義也凡此訓誠之字卽訓信之文其孚亮詢三字既訓信亦當訓誠而此不言者經傳無文難以取證於所不知蓋闕如也

諛浪笑敖戲諛也

謂調戲也見詩

說文云諛戲也引詩善戲諛兮是爾雅此讀以戲諛相屬而以諛浪笑敖四字爲句本詩終風篇文毛傳言戲諛不敬正本爾雅爲

訓也正義引舍人曰謔戲謔也浪意萌也笑心樂也敖意舒也戲笑邪戲也謔笑之貌也郭氏不從舍人而以調戲詮釋與毛傳合舍人意萌萌字誤邢疏引作萌是也其戲笑笑字蓋涉下句而誤衍耳謔者玉篇云喜樂也詩無然謔謔毛傳謔謔然喜樂浪者終風釋文引韓詩云起也蓋謂放蕩猖狂也笑者一切經音義廿五引蒼頡篇云笑喜弄也釋名云笑鈔也頰皮上鈔者也素問陰陽應象大論云在聲為笑王冰注笑喜聲也敖者傲之段音也釋文敖五報反則當作傲說文傲倨也通作敖釋言云敖傲也釋訓云敖敖傲也經典傲敖二字通用故離騷云保厥美以驕敖兮敖即傲也王逸注侮慢曰敖

粵于爰曰也

書曰土爰稼穡詩曰對越在天王于出征

爰粵于也

轉相訓

說文云曰詞也从口乙聲亦象口氣出也論語皇侃疏引說文云開口吐舌謂之為曰與今本異也曰猶言也云也通作聿詩見覲曰消曰喪厥國釋文引韓詩曰俱作聿又通作吹漢書敘傳云吹中蘇為庶幾兮集注吹古聿字聿曰也文選幽通賦吹正作聿說文吹从曰聲是曰吹通也粵者說文以為審慎之詞故訓曰也引周書曰粵三日丁亥今書作越三日丁巳漢書揚雄傳越不可載已集注越曰也于者語氣之舒也故亦訓曰詩穀曰于差王于出征之子于苗我獨于罹於昭于天鄭箋竝云于曰也左氏宣十二年傳于民生之不易揚雄傳于胥德兮麗萬世注皆以于為曰也于通作乎列子周穆王篇云於于余一人釋文於于音嗚呼又通作吁穀曰于差釋文引韓詩作穀曰吁嗟文選注引薛君章句曰吁嗟歎辭也然則吁嗟即于差於于即嗚呼是皆語之歎詞詞即曰矣爰者說文云引也按引謂引氣出聲又為詞之引起兼茲二義故又訓曰也詩之爰有寒泉爰得我所爰及矜人之類皆以爰



爲引起下文之詞鄭箋竝以爲曰郭引書土爰稼穡史記宋世家作土曰稼穡○爰粵二字竝从于故又訓于也爰者書綴爰有衆詩亦集爰止鄭皆以爲爰于也粵者說文云于也通作越書云越至于今馬融注越于也越其罔有黍稷釋文越本又作粵音曰于也爰于雙聲粵曰疊韻

爰粵于那都絲於也

左傳曰棄甲則那那猶今人云那那也書曰臯陶曰都絲辭於乎皆語之韻絕

於與于同亦語詞也詩書俱古文作于經典段借作於於本古文鳥字說文引孔子曰鳥于呼也取其助氣故以爲鳥呼然則鳥呼雙聲疊韻之字許意蓋以經典凡言鳥呼者皆取引聲以助氣如詩云於乎小子於乎悠哉於乎前王不忘之類是也若單言於者則爲歎美之詞如詩云於粲洒掃於穆清廟之類是也於乎卽鳥呼俗作嗚呼非也鳥于呼三字古皆同聲故經典或借於爲于詩於我乎夏屋渠渠是也廣雅云於于也說文于於也是皆以爲語辭故詩于沼于沚遠送于野毛傳竝云于於也書呂刑王曰吁釋文引馬作于于於也按於之爲言相連相及之意如論語云君子之於天下吾之於人孝經云通於神明先於四海皆爲由此達彼之詞故釋詁又云於代也代之爲言亦相連及之義矣爰訓於者詩之爰采唐矣周爰執事書之爰暨小人士冠禮之爰字孔嘉毛傳鄭注竝云爰於也粵訓於者漢書敘傳云尚粵其幾應劭注粵於也通作越詩越以騶邁對越在天書越茲麗荆箋注竝云越於也爰粵既訓于又訓於於于聲義同也那者越語云吳人之那不穀章昭注那於也廣韻云那何也都也於也那又訓何者左氏宣二年傳云棄甲則那杜預注那猶何也按何猶言奈何奈何卽那之反音但那雖爲奈何而非於字之訓郭注不引越語而援左傳

似失之矣都者孟子云謨蓋都君史記司馬相如傳云終都攸卒  
 趙岐注及裴駮集解並云都於也書皋陶謨凡云都者史記夏紀  
 俱作於張守節正義以為於音烏數矣之辭然烏于古同聲于於  
 其義又同史記以於釋都正本爾雅為訓張守節音於為烏此強  
 生分別耳爾雅釋文亦云於音烏注同其失均矣都與諸古同聲  
 通用諸猶於也鄉射禮及聘禮注並云諸於也然則都與諸同都  
 之訓於其義尤明矣絲者與於聲轉通作猷書大誥云王曰猷大  
 誥爾多邦釋文引馬本作大誥絲爾多邦正義引鄭本猷在誥下  
 與馬本同是皆以絲為於也又通作由詩云無易由言鄭箋由於  
 也絲又同搖搖動游移亦有由此達彼之意與於義又同矣郭云  
 絲辭者蓋以絲為數辭與於乎同意故云皆語之韻絕是郭亦讀  
 於為烏故有此解釋文不察乃云絲除又反注同孫音由陸氏蓋  
 不知孫郭同音由妄加除又一音是其失也邢疏因之誤以絲為  
 卦北之辭但卦北絲辭不與於乎同意又非語之韻絕絲辭之絲  
 說文作籀云讀書也  
 引春秋傳曰卜籀云

飲郤盍翕仇偶妃匹會合也皆謂對仇讎敵妃知儀匹也詩云君子

之無知實維我儀國語亦云丹朱馮妃合會對也皆相妃媿也相偶

身以儀之讎猶儔也廣雅云讎輩也妃合會對也當對妃媿也相偶

說文云合人口也周禮注合同也呂覽注合和也又云合交也交

和同皆對合之義楚語注合會也詩大明傳合配也離騷注合匹

也匹配會又與合互相訓也飲者說文云合會也玉篇飲公蒼切

按今人同爨共居謂之飲火本於爾雅也通作飲太玄玄告云下

飲上飲范望注飲猶合也郤者俗之段音也說文云俗合也通作

洽詩洽比其鄰民之洽矣以洽百禮傳箋並云洽合也又通作郤



詩在洽之陽說文引作在郤之陽又通作裕公羊文二年傳云大裕者何合祭也禮王制云裕禘鄭注裕合也詩豐年釋文裕本或作洽蓋者說文作益云覆也玉篇云蓋益同按蓋訓覆蓋所以合之故士虞禮注謂敦蓋爲合卽此義也易豫云朋盍簪虞翻注蓋合也蓋與盍同故序卦云盍者合也通作闔一切經音義十二引說文云闔合也今說文無之莊子天地篇云夫子闔行邪釋文闔本亦作盍翕者方言云聚也聚亦合也故玉篇云翕合也斂正聚也詩兄弟既翕載翕其舌允猶翕河毛傳竝云翕合也夏小正云翕也者合也仇者逮之豕音也說文云逮斂聚也又云怨匹曰逮本左傳文詩以爲民逮毛傳逮合也鄭箋毛聚也正義引釋詁文通作仇說見下偶者釋言云遇偶也通作耦釋名云耦遇也二人相對遇也經典耦偶互通故一切經音義二引字林云偶合也呂覽季冬紀注耦合也左氏桓二年傳嘉耦曰妃怨耦曰仇蓋怨仇卽好合矣妃匹俱說見下會者說文云合也从人人亦合也樂記云會守拊鼓史記樂書作合守拊鼓按說文俗古文會一切經音義九云會古文俗同然則俗省不爲合合省口爲會古人文字相生於斯可見○匹者合也合者言有匹也故公羊宣三年傳無匹不行何休注匹合也釋名云匹碎也往相碎偶也白虎通云匹偶也與其妻爲偶陰陽相成之義也按匹與正字形相亂故禮器云匹士大牢而祭釋文匹士本或作正士緇衣云唯君子能好其正小人毒其正鄭注正當爲匹字之誤也蓋漢隸書匹正形近所以致誤非古字通也仇者說文云讎也讎猶磨也磨當亦匹對也詩與子同仇詢爾仇方毛俱訓匹鄭唯賓載手仇之仇讀麴音拘其餘俱本左傳怨耦曰仇仇與逮通故詩關雎毛傳逮匹也釋文逮本亦作仇正義引孫炎云逮相求之匹也一切經音義九引李

巡曰仇讎怨之匹也然則李孫所據爾雅蓋有二本以相求為義

則知孫本作述以讎怨為義則知李本作仇然詩君子好述緇衣

引作君子好仇是其字通之證李孫之說猶未免望文生訓矣讎

者說文云猶鷹也鷹以言對也故一切經音義一引三蒼云讎對

也左氏僖五年傳憂必讐焉讐亦對也表記注云讎猶答也廣雅

云讎輩也郭云讎猶儔也儔輩荅對其義亦皆為匹也讎與仇通

故一切經音義一引三蒼云怨偶曰仇又引作怨耦曰讎是讎仇

通又通作酬書敢以王之讎民百君子釋文讎字或作酬詩無言

不讎韓詩外傳亦引作酬又通作嘯齊語云人與人相嘯家與家

相嘯楚辭疾世篇云居嘯廓兮嘯嘯王逸章昭注竝云嘯匹也是

嘯讎又通矣敵者說文云仇也方言云匹也左氏文六年傳敵惠

敵怨杜預注敵猶對也爾雅下文云敵當也敵當對俱一聲之轉

通作適玉藻云敵者不在釋文敵本又作適論語云無適也釋文  
適鄭本作敵又與嫡同釋名云嫡敵也與匹相敵也按敵與特義  
近特訓獨又訓匹故詩實維我特毛傳特匹也韓詩作直云相當  
值也然則相當亦相匹矣妃者說文云匹也白虎通云妃匹者何  
謂相與為偶也釋名云妃輩也一人獨處一人往輩耦之也通作  
配楚辭九思篇云配稷契兮恢唐功注云配匹也詩皇矣釋文配  
本亦作妃大司樂注姜嫄無所妃釋文妃本亦作配經典配妃通  
者非一其餘皆可推也知者墨子經上篇云知接也莊子庚桑楚  
篇亦云知者接也蓋接以交會對合為義故為匹也詩云樂子之  
無知鄭箋知匹也樂其無妃匹之意按詩文王初載傳箋訓載為  
識識知也又云天作之合合匹也詩言文王始有識知而天為生  
配匹是即知訓匹之證古讀載如茲詩蓋俗載為識故毛鄭因而  
通之明其段俗矣儀者善也善之匹也詩實維我儀我儀圖之傳  
箋竝云儀匹也大司樂疏引鄭注鳳皇來儀亦以儀為匹也通作



義書云父義和正義引鄭注讀義爲儀儀仇皆訓匹也故名仇字儀按威儀之字說文作義今作儀鄭讀合於古矣○對者說文云磨無方也从口則與讎同意漢文帝去口从士非矣廣雅文選東也詩帝作邦作對對越在天哀時之對毛鄭並云對配也文選東京賦云推光武以作配薛綜注左氏宣二年傳既合而來奔杜預者荅也古荅問之字直作合故左氏宣二年傳既合而來奔杜預注合猶荅也按說文云合人口也人口即荅之義荅即對也凡物相對謂之合四方上下謂之六合淮南原道篇注云孟春與孟秋爲合仲春與仲秋爲合季春與季秋爲合孟夏與孟冬爲合仲夏與仲冬爲合季夏與季冬爲合故曰六合是合皆取相對之意會與合同意○媿者說文云媿妃也妃匹也以聲近聲轉爲義也詩天立厥配毛傳配媿也正義引某氏作天立厥妃是妃配通文選廣絕交論注引爾雅作媿妃也今作妃媿也爾雅諸文展轉相訓其義俱通多此類也

紹胤嗣續纂綏武係繼也

詩曰下武維周綏見釋水餘皆常語

繼者相續不絕也故說文云繼續也一曰反繼爲繼繼古文絕反絕會意也繼之言繫也繫繼音又同也紹者說法云疏遠繼位曰紹一切經音義入引爾雅注云紹繼道也按此舍入注道謂以道承繼大統蓋本說法爲說也嗣者古文作享从子取繼世不絕之義也古讀嗣如詒故詩子寧不嗣音釋文引韓詩作詒音書舜讓于德弟嗣史記集解引作不怡皆其證也子衿毛傳嗣習也既醉

毛傳胤習也所以俱訓習者習之言猶續也續習義近而聲轉故毛云嗣習鄭云嗣續明其義同也嗣通作似故詩似續妣祖毛傳

似嗣也以似以續毛傳亦云嗣前歲續往事是似續即嗣續古字通用又斯于箋似讀如已嗣有怡音亦其證矣纂者續之段音也

爾雅義疏上之一釋詁上

說文云纘繼也詩載纘武功纘女維莘毛傳址云纘繼也崧高箋及中庸注同通作纂祭統云纂乃祖服周語云纂修其緒鄭注及章注址云纂繼也又通作踐詩王纘之事釋文纘韓詩作踐中庸踐其位鄭注踐或爲纘綏者說文云云系冠纘也玉篇作繼冠纘也冠纘所以繼者鄭注士冠禮記云綏纘飾蓋於纘上別加綏連綴爲飾故云繼也通作裝漢書律曆志云裝繼也禮雜記云大白冠緇布之冠皆不裝鄭注不裝質無飾也玉藻云緇布冠纘綏鄭注綏或作裝又通作綏檀弓云喪冠不綏釋文綏本又作綏周禮夏采注云士冠禮及玉藻冠綏之字故書亦多作綏者今禮家定作裝是裝綏俱綏之段俗也郭云綏見釋水者釋器釋水址云縹綏也郭注俱云綏繫是綏訓爲繫繫卽繼矣績者說文云績緝也緝績也詩東門之池箋於池中柔麻使可緝績作衣服釋文云西州入謂績爲緝也是緝績音義同詩授几有緝御箋云緝猶績也有相績代而侍者績既訓績亦通作績穀梁成五年傳伯魯其無績乎范甯注績或作績釋文亦云績本或作績蓋績之言績也績卽績矣武者詩下武傳武繼也按武之言母也足迹曰武故釋訓云武迹也周語云不邁步武尺寸之閒韋昭注六尺爲步賈君以半步爲武按冠卷亦曰武故玉藻云編冠玄武鄭注武冠卷也古者冠卷殊然則步之有武所以繼步也冠之有卷亦所以繼冠矣係者系之段俗也說文云系繫也釋名云系繫也相聯繫也後漢書班彪傳云系唐統李賢注引爾雅作糸繼也通作係越語注係繫也易繫辭釋文繫系也又績也又通作繫易同人及兌釋文址云繫本或作係係繫之音與繼同亦通作繼易係用徽纆穀梁宣二年注作繼用徽纆詩何彼穠矣序不繫其夫釋文繫本或作繼又後漢書李固傳云羣下繼望繼亦繫也繫之一字兼系繼二音故古通用



急盜盜蟄慎貉謚顛顛密寧靜也

氣顛顛未聞其義餘皆見詩傳

靜者靜之段音說文靜亭安也經典俱通作靜靜訓審審諦者必安靜故詩傳箋竝云靜安也釋名云靜整也文選神女賦注引韓詩云靜貞也貞固者必安定安定必寡言故楚辭招魂篇注無聲曰靜是也通作靖說文靖立也靖與靖音義同周宣王名靜亦作靖是其證矣急者亦段借字說文玉篇俱不訓靜唯廣雅云氣息也蓋與下文咽息也音義同釋文急本或作氣同許氣反則與儼彙音同而義絕異說文氣訓癡兒爾雅訓靜經典遠無其文竟不知爲何字之段俗也謚者謚法篇云行之迹也白虎通云謚之爲言引也引列行之迹也廣韻謚下曰易名又申也申與引義近釋名云謚曳也曳引亦聲轉義近也謚訓靜者詩文王篇釋文云謚慎也悉也悉與審義近靜既訓審慎又訓靜謚兼審慎二義故亦訓靜矣謚今本說文作謚从言今且闕戴侗六書故云唐本無謚但有謚行之迹也廣韻雖有謚而云說文作謚是謚乃謚之俗體後人所加又於謚下別注笑兒不知謚訓笑兒本於呂忱而非許君之說證以張參五經文字言部無謚而有謚論二字俱常利反上說文下字林又云字林以謚爲笑聲音呼益反今用上字其說甚明今互據以訂正焉溢者下文云慎也慎亦審也與謚同意通作恆說文云恆靜也引詩曰闕宮有恆毛傳恆清靜也又通作恆詩假以溢我左氏襄廿七年傳作何以恆我詩釋文云溢徐觀音謚是謚溢音又同矣蟄者說文云藏也易繫辭云龍蛇之蟄虞翻注蟄潛藏也潛藏與安靜義近蟄與宋聲相轉方言云宋安靜也慎者溢之訓也說文云謹也上文云誠也誠謹俱安靜之意慎猶順也凡恭慎而柔順者其人必沈靜故謚法云柔德考衆曰靜恭己鮮言曰靜官人篇云沈靜而寡言多稽而儉貌曰質靜者又

云誠靜必有可信之色然則慎訓誠又訓靜皆其證矣貉者下文

云定也郭注靜定通作貊又作莫詩貊其德音毛傳貊靜也釋文

貉本又作貊武伯反左傳作莫音同荀子非十二子篇云莫莫然

楊倞注莫讀為貊貊靜也不言之貌又通作寡亦作莫廣雅云寡

靜也文選西征賦注引薛君韓詩章句云莫靜也謚者說文云靜

語也一曰無聲也賈子禮容篇云謚者寧也億也億訓安安寧亦

靜故素問云其化清謚王珣注謚靜也通作恒書惟荆之恒哉史

記五帝紀作惟荆之靜哉集解徐廣曰今文云惟荆之謚哉顛者

釋文云魚豈反又五愷反說文顛謹莊兒謹莊與靜義近謹又慎

字之訓故玉篇云顛靜也顛者說文云頭閉習也廣韻作頭也一

曰閉習疑今本頭下脫也字閉習與靜義亦相成故玉篇引爾雅

曰顛靜也五罪牛毀二切按顛與婉音義同文選神女賦云既婉

嬾於幽靜兮李善注引詩文曰婉靖好貌五累切靖即靜矣釋文

云顛孫郭五果反果當作累字形之譌耳密者宓之段音也說文

隕碩湮下降墜標藟落也

碩猶隕也方俗語有輕重耳湮沈落也標藟見詩

說文云凡艸曰零木曰落按此亦對文耳若斲文則通故夏小正

云栗零明零不必草也莊子逍遙遊篇云飢落明落不必木也所

以離騷云惟草木之零落兮王逸注零落皆墜也是其義俱通矣

碩者說文云落也引春秋傳曰碩石于宋五今左氏穀梁作隕公

羊作實俱碩之段音也爾雅釋文碩石落也此亦望文生訓實則



云沒也謂沈沒也湮沒沈淪皆隕墜之意釋文湮郭音因又音烟  
又音翳按因音烟聲同因翳聲轉釋名云殪翳也就隱翳也隱翳  
與零落義近史記屈原賈生傳云獨湮鬱兮其誰語漢書賈誼傳  
作壹鬱湮有翳音亦其證矣墜者隊之或體也說文云隊從高隊  
也音義同隊云隊墜也墜落也經典墜通作墮隊通作墜故爾雅  
及莊子釋文並云墜本又作隊楚辭國殤篇云矢交墜兮士爭先  
王逸注墜墮也又云天時墜兮威靈怒王逸注墜落也又通作墜  
荀子儒效篇云至共頭而山墜楊倞注墜讀爲墜淮南說林篇云  
有時而墜高誘注墜墮也標者受之段音也說文云受物落上下  
相付也讀若詩標有梅通作莛或作莛孟子塗有餓莛趙岐注引  
詩云莛有梅莛零落也漢書食貨志贊引作野有餓莛集注鄭氏  
曰莛音葉有梅之葉莛零落也顏師古曰莛諸書或作莛字音義  
亦同然則三書凡三引詩而各異唯說文之受乃本字莛亦通用  
標葉俱段音莛亦俗聲也讀毛詩者便以標爲本字不知標字  
說文訓擊柏舟毛傳標拍心貌此乃標之本義其爾雅及標梅之  
標俱段音矣議者亦段音也說文云零餘雨也按零落空用此字  
故又云霏雨零也零雨零也零亦通落霏亦通零故詩靈雨旣零  
毛傳零落也零雨其濛說文引作霏雨其濛又通作苓禮王制及  
月令云草木零落釋文零本又作苓爾雅釋文霏字或作苓又通  
作冷樊敏碑云士女涕冷張公神碑云天時和兮甘露冷是零爲  
正體霏亦通用  
霏苓冷俱段音

命令禧畛祈請謁誥告也

禧未聞禮記曰畛於鬼神

釋言云告請也獨斷云告教也釋名云上敕下曰告告覺也使覺  
悟知己意也按以告爲上敕下亦不必然廣韵二沃栝紐下云告

上曰告發下曰誥是告乃上下通名耳告有古沃到二音詩曰

月告凶漢書劉向傳作日月鞠凶禮文王世子注告讀為鞠是告

音古沃切者也漢書高帝紀注服虔曰告音如嗥呼之嗥是告音

古到切者也二讀皆古音矣爾雅釋文於誥下列羔報古酷二反

而於告下但云古篤反是其疏也禮者說文云禮吉也邵氏晉涵

正義據徐鍇本禮吉作禮告與此義合也通作釐漢書文帝紀云

祠官祝釐集注釐本字作禮段借用耳然則祝釐即祝禮謂祝致

神意以告主人詩楚茨所謂工祝致告者也眡者眡之段音也玉

篇廣韵並作眡玉篇眡之忍切引埤蒼云告也禮記曰眡於鬼神

亦作眡然則眡為正文眡乃段借鄭注曲禮本釋詁釋言眡告眡

致二訓而云眡致也祝告致於鬼神辭也因鄭此訓又知釋言眡

致之眡亦當為眡與釋詁同而曲禮注又云眡或為祗蓋祗即眡

字形近而譌也因又知張揖埤蒼之眡即本鄭君曲禮注而為訓

矣祈者說文云求福也玉篇廣韵並云祈告也釋言又云祈叫也

叫告義近一切經音義九引孫炎曰祈為民求福叫告之詞也叫

告連文孫注蓋兼釋詁釋言而為訓也詩以祈黃耆毛傳祈報也

鄭箋祈告也告報義后通作斬莊子養生主篇云不斬畜于樊中

荀子儒效篇云跨天下而無斬郭象及楊倞注並云斬求也是斬

祈通矣詳者釋文云沈音粹郭音碎告也又云本作訊音信文選

思玄及幽通賦注並引爾雅作訊告也後漢書張衡傳注引作誨

告也誨訊二字經典多通故離騷注引詩誨予不顧廣韻引詩歌

以誨止今作歌以訊之訊予不顧毛傳訊告也又莫肯用訊鄭箋

訊告也此二詩之訊依字皆當作誨又莊子山木篇云虞人逐而

誨之釋文誨本又作訊音信問也至於詩之執訊王制之訊馘學

記之多其訊此三文本應作訊釋文又云訊本作誨蓋誨訊二字

聲相轉古多通用近日戴氏震毛鄭詩考正及錢氏大昕養新錄



皆有辨證王引之經義述聞又謂二字古音同今依用其說也詁  
者說文云告也書序云雅詁與義亦通作告周禮大祝云三日詁  
杜子春注詁當爲告書亦或爲告書序云作帝告史記殷紀  
作帝詒索隱曰一作倂翻又大詁序釋文云詁本亦作弄

永悠迴違遐湯闊遠也書曰湯矣西土之人永悠迴遠遐也轉亦遠也

轉亦遠也

說文云遠遼也遼遠也遠有疏離之義故方言云離楚謂之越或  
謂之遠呂覽知接篇注遠猶疏也永者下文云長也長亦遠也虞

翻易注以乾爲遠坤爲永永遠義同耳永與脩同意脩亦訓長又  
訓遠也離騷云路曼曼其脩遠兮王逸注脩長也又重之以脩能

王逸注脩遠也悠者與脩同意悠亦訓長又訓遠也吳語云今吾  
道路悠遠韋昭注悠長也詩云於乎悠哉毛傳悠遠也一切經音

義九引舍人曰悠行之遠也通作遙詩悠悠我思說苑辨物篇作  
遙遙我思悠遙一聲之轉迴者說文云遠也史記司馬相如傳云

迴闊泳沫迴闊皆遠也通作洄詩洄酌彼行潦毛傳洄遠也又通  
作洄詩于嗟洄兮毛傳洄遠也釋文洄呼縣反又通作夔釋文洄

韓詩作夔況盛反夔亦遠也故穀梁文十四年傳云夔入千乘之  
國范甯注夔猶遠也違者說文云離也詩谷風毛傳違離也釋文

引韓詩云違張也開張分離俱遠之意違古通回道路紆回亦  
爲絕遠違回又聲相轉也遐者詩汝墳棫樸傳竝云遐遠也通作

瑕不瑕有害毛傳瑕遠也遐不謂矣表記作瑕不謂矣景北海碑  
陰云魂靈瑕顯亦以瑕爲遐也又通作假集韻云遐或作假楊統

碑文懷假冥又假爾莫不隕涕繁陽令楊君碑假爾僉服皆以假  
爲遐也又庠長田君碑以遐爲遐俟成碑以遐爲遐是又假假二

字之變體也假假俱有遐音又俱訓至至與遠義相成然則爾雅  
及經典之遐亦假假之借音矣湯者說文作遐古文作湯云遠也

經典過逖通用易云換其血去逖出詩云用過蠻方書云逖矣西

土之人郭注引逖作過史記周紀作遠矣西土之人逖省作狄過

省作易詩舍爾介狄毛傳狄遠也漢書禮樂志云假狄合處假狄

即遐逖集注以假狄為遠夷失之矣史記殷紀云母曰簡狄索隱

引舊本作易又作過漢書古今人表作簡過淮南墜形篇又作簡

翟亦狄之段音耳闕者說文云疏也疏亦遠也故一切經音義七

引字林云闊遠也詩于嗟闊兮鄭箋以闊為離散相遠闊與越同

小爾雅云越遠也左氏襄十四年傳云而越在他竟晉語云隱悼

播越皆以越為遠也闕越疊韻○永

迴疊韻悠遠雙聲四字又俱訓遐

虧壞圯坳毀也書曰方命圯族詩曰

說文云毀缺也孝經釋文引蒼頡篇云毀破也虧者說文云氣損

也損訓減少故為缺毀詩闕宮箋虧崩皆謂毀壞也壞者說文支

部云數毀也土部云壞敗也籀文作數易數壞同釋文云壞音怪

引字林云壞自敗也下怪反數毀也公壞反此蓋漢以後入強生

矢雉引延順薦劉繹尸旅陳也

禮記曰尸陳也雉順劉皆未詳

周傳贊集注云脆毀也

方命圯族史記五帝紀作負命毀族釋文云圯孫房美反岸毀也

坳者說文云毀垣也引詩乘彼坳垣毛傳坳毀也或作隄漢書杜

史記秦始皇紀云墮壞城郭此即人毀之亦為壞也通作癘詩譬

彼壞木說文引作譬彼癘木圯者釋言云覆也說文云毀也引書

數俱作壞故春秋文十二年經云大室屋壞此即自敗之為壞也

分別古讀止有下怪一音知者壞數俱从裏聲二字是一且經典

說文云毀缺也孝經釋文引蒼頡篇云毀破也虧者說文云氣損

也損訓減少故為缺毀詩闕宮箋虧崩皆謂毀壞也壞者說文支

部云數毀也土部云壞敗也籀文作數易數壞同釋文云壞音怪

引字林云壞自敗也下怪反數毀也公壞反此蓋漢以後入強生

分別古讀止有下怪一音知者壞數俱从裏聲二字是一且經典

說文云毀缺也孝經釋文引蒼頡篇云毀破也虧者說文云氣損



陳者敵之段音也說文云隄列也楚辭招魂篇云隄鐘按鼓通作陳古者陳田聲同其字通用史記田敬仲完世家云以陳字爲田氏周禮稍人注甸讀與維禹敵之之隄同皆其證也說文云田陳也蓋田有行列又以陳久爲良故取字从田从久是陳又爲久矣矢者下文云矢弛也弛與施同說文施一曰設也張設與陳列義近詩大明皇矣卷阿毛傳竝云矢陳也書序云皋陶矢厥謨春秋隱五年經公矢魚于棠傳云遂往陳魚是也矢或作戾故爾雅釋文戾本作矢同失耳反廣雅云戾陳也戾蓋矢之異文也雉者从矢聲與矢義同方言云雉理也古微書引春秋感精符云雉之爲言弑也按弑音替與夷近夷古音穉與雉通周禮序官雉氏注云書雉或作夷釋文雉字或作雉同他計反是雉雉夷俱聲義同故漢書揚雄傳注及文選甘泉賦注竝引服虔曰雉夷聲相近左氏昭十七年正義引樊光服虔云雉者夷也夷平也今按夷陳亦聲轉字通故春秋經夷儀公羊作陳儀魯大記釋文云夷尸也陳也皆其證也雉又牛鼻繩漢人呼雉周禮作紉說文作紉云牛系也从引聲讀若矢是雉引古音又近此義馬瑞辰爲余說之然則雉引同訓陳此亦其證矣引延下文竝云長也又訓陳者引伸延曼俱與陳列義近順者上文云敘也緒也說文云理也物有條理端緒皆可陳敘故又爲陳也洪頤煊讀書叢錄云士冠禮洗有篚在西南順鄭注以順爲陳特牲饋食禮及兩銅筆設于豆南南陳陳卽順也鄉飲酒禮篚在洗西南肆肆亦陳也薦者藉也下文云進也薦進與延引義近薦藉與鋪陳義近故又爲陳也劉者與播聲近義同說文云播引也或从由作抽訓引故又爲陳亦馬瑞辰說按劉與樓聲義又同漢書武帝紀注樓音劉又劉樓通古讀樓如臚臚旅古字通旅亦陳也釋者說文云抽絲也方言云釋理也抽釋伸理俱與陳義近詩會同有釋徐方釋騷敷時釋思傳竝云釋

陳也尸者說文云陳也象臥之形詩有母之尸饗傳尸陳也郭引禮記者郊特牲文左氏莊四年傳楚武王荆尸宣十二年傳荆尸

而舉尸皆訓陳與肆義同故晉語云殺三郤而尸諸朝論語云肆諸市朝是尸與肆同矣旅者師旅也人衆須有部列與陳義近故

詩穀核維旅旅楹有閑傳並云旅陳也通作臚周禮司儀云皆旅擯鄭注旅讀為鴻臚之臚臚陳之也漢書郊祀志云旅於泰山史

記六國表云而臚於郊祀是臚旅通又與魯通說文旅古文作表以爲魯衛之魯故書序云旅天子之命史記周紀作魯天子之命

尸職主也左傳曰殺老牛莫之敢尸詩尸窆也謂窆地窆寮官也爲窆

同官  
爲寮

廣雅云主君也又云主守也曲禮云凡執主器鄭注主君也此主兼謂天子諸侯也周禮大宰六曰主以利得民此主謂公卿大夫

也詩云侯主侯伯手傳主家長也此主謂士庶人也然則君主之稱通於上下矣尸者風之段音也說文云風終主通作尸上文尸

訓陳此訓主者郊特牲注尸或詁爲主此尸神象當從主訓之言陳非也此鄭駁郊特牲尸陳也之文明施於所尊宜訓主也詩云

誰其尸之晉語云董伯爲尸手傳及韋注並云尸主也尸與司同司亦主矣職者上文云常也又訓主者易云後得主而有常是其

義也詩如職思其居職競由人之類毛俱訓主周禮如職密職方職金之類鄭俱訓主主與宰同意天官冢宰釋文引鄭云宰主也

○窆者當爲采下文云采事也能其事者會其地亦謂之采禮運大夫有采以處其子孫韓詩外傳古者天子爲諸侯受封謂之采

地然則尸訓窆者蓋爲此地之主因會此土之毛故鄭語云主莽醜而會溱洧是其義也釋文窆李孫郭並七代反樊七在反按七



在音是今從樊光讀○官者說文云吏事君也古徵書引春秋元命苞云官之爲言宣也案訓官者案亦當爲采漢書刑法志注引案正作采樂記注云官猶事也事卽采之訓故采又訓官矣書嘯吝若予采馬融注采官也史記司馬相如傳云以展采錯事集解亦云采官也察者釋文察字又作僚詩釋文僚字又作寮是寮僚同玉篇山部人部分見二文經傳通用故詩及爾同僚毛傳僚官也左氏文七年傳同官爲寮昭七年傳隸臣僚正義引服虔云僚勞也共勞事也然則同僚謂同勞也同勞謂同官也同官不同勞從事所以獨賢也同勞不同官北門所以交謫也

績緒采業服宜貫公事也

論語曰仍舊貫餘皆見詩書

說文云事職也釋名云事傳也傳立也凡所立之功也秦策注事治也樂記注事猶爲也然則凡所營爲作治建立俱謂之事故下文又云事勤矣績者上文云繼也下文云業也功也成也其義皆與事近緒者敘也業也已詳上文又訓事者詩云績禹之緒周語云纂修其緒鄭箋及章注竝云緒事也采者上文云官也官亦事也詩卷耳傳采采事采之也采莒傳采采非一辭也不同者毛意蓋以采采同訓事因是重文故又云非一辭若準以爾雅則采采猶事也故書云載采采史記夏紀作始事事又亮采有邦及百里采馬融注竝訓爲事逸周書克殷篇云召公奭贊采孔晁注亦云采事也蓋采从木爪訓爲捋取捋取亦勤事之意故訓事矣業者上文云敘也緒也端緒文敘皆與事近故魯語云非故業也史記項羽紀云業已講解韋昭及索隱竝云業事也服者釋文服本或作履又作般荀子賦篇注服本或作般按二般字俱當爲般蓋服古作服形譌爲般耳詩云曾是在服傳服服政事也詩內服字

毛訓事者止此一處它如寤寐思服共武之服昭哉嗣服我言維  
服亦服爾耕鄭箋竝云服事也又如曲禮云孝子不服闇祭統云  
纂乃祖服鄭注竝云服事也通作復喪大記云君弔則復殯服鄭  
注復或為服是服復通因知釋文服本或作履蓋履即復字形相  
近又因服古从舟相涉而誤也宜者釋名云儀宜也得事宜也然  
則宜訓事者作事得宜因謂之宜故詩晁驚傳宜宜其事也貫者  
下文云習也習與事義亦近詩三歲貫女傳貫事也職方氏云使  
同貫利論語云仍舊貫鄭注竝云貫事也通作宦漢石經詩作三  
歲宦女宦蓋與宦同宦仕也任事也官亦事也官貫聲又同矣公  
者與功同亦段借也詩夙夜在公于公先王矇眊奏公王公伊濯  
肇敏戎公寶維爾公允師毛鄭竝云公事也以奏膚公傳又云公  
功也明公與功同也故載續武功世執其功傳竝云功事也通作  
工肆師注故書功為工鄭司農工讀為功古者工與功同字按功  
工與公又通故矇眊奏公楚辭懷沙篇注作矇眊奏工呂覽注及  
史記集解竝  
作矇眊奏功

永兼引延融駿長也宋衛荆吳之闡  
曰融兼所未詳

說文云長久遠也廣雅云長常也詩文王箋長猶常也按八尺曰  
尋倍尋曰常常丈六尺故以常訓長長與脩同故方言云脩長也  
永者上文云遠也說文云長也長遠義近故詩卷耳漢廣常棟文  
王傳竝云永長也白駒箋永久也久亦長也兼者與永同意說文  
云兼水長也引詩江之兼矣永下引詩江之永矣不同者文選登  
樓賦注引韓詩曰江之漾矣薛君曰漾長也漾即兼說文本韓詩  
也通作養書云民養其勸弗救漢書翟方進傳作民長其勸弗救  
夏小正云執養宮事又云時有養日傳竝云養長也引延上文竝



云陳也陳長義近引者釋名云引演也演亦長也齊語云是以國  
家不日引不月長漢書律曆志云引者信也信與伸同故文選典  
引蔡邕注引者伸也長也按樂歌皆有引引聲長言之意故樂記  
注長言之引其聲也詩楚茨行葦卷阿召旻傳竝云引長也引與  
矧同矧古字作攷方言云攷長也東齊曰攷按今登萊閩人謂物  
卷者伸而長之爲攷音辰上聲是攷卽引也方俗語音有輕重耳  
延者說文云長行也書云不少延鄭注言害不少乃延長之離騷  
云延佇乎吾將反王逸注延長也延從木爲挺說文挺長木也从  
手爲挺說文挺長也是挺挺延長聲義俱同矣融者白虎通云融者  
續也續有長義又釋工云再成銳上爲融工銳有高義故左氏昭  
五年傳明而未融服虔注融高也高與長近故詩昭明有融周語  
云顯融昭明毛傳及韋注並云融長也文選笙賦云泓宏融裔李  
善注融裔聲長貌通作彤思玄賦云展洩洩以彤彤李善注融與  
彤古字通按彤融聲同彤釋義同彤釋皆祭之明日又祭之名其  
義爲相尋不絕之意故方言彤釋俱云長也因此知笙賦之融裔  
卽彤釋又海賦云泚融沆瀣李善注深廣之貌按泚融沆瀣俱字  
之疊韻泚卽融瀣卽漾矣融漾永引延又俱一聲之轉駿者上文  
云大也大與長義近故詩雨無正及清廟傳竝云駿長也通作峻  
離騷云冀枝葉之峻茂兮王逸注峻長也淮南本經篇云山無  
峻榦高誘注峻榦長枝也方言云駿融延長也竝與此義合

喬嵩崇高也

皆高大貌左傳曰師叔楚之崇也

崇充也亦爲充盛

說文云高崇也釋名云高阜也最在上皋韜諸下也喬者說文云  
高而曲也必言曲者喬从夭夭屈也故釋木云句如羽喬又云上  
句曰喬舊注喬高曲是也通作橋詩山有橋松釋文橋本亦作喬  
南有喬木釋文喬本亦作橋又通作嶠釋山云山銳而高嶠釋名

作山銳而高曰喬形似橋也史記五帝紀云黃帝葬橋山正義引爾雅山銳而高曰橋御覽引史記作喬山又通作橋左氏文十一年傳獲長狄橋如穀梁成二年傳叔孫橋如釋文並云橋本亦作喬嵩者釋名云嵩竦也亦高稱也白虎通云嵩言其高大也通作崧釋山云山大而高崧釋名崧作嵩詩崧高維嶽孔子闕居引作嵩高維嶽又通作崇周語云融降於崇山韋昭注崇崇高山也夏居陽城崇高所近是崇高即嵩高也又通作密考工記總目釋文云崇本亦作古密字漢書郊祀志及地理志並作密高集注俱云密古崇字然則嵩古通作崇又作密別作崧玉篇以崧為正體嵩為重文固非今人又以嵩字說文所無而欲以崇代嵩不知爾雅此文嵩崇並見經典相承嵩崧通用不得謂嵩字後人所作後漢書靈帝紀熹平五年復崇高山名為嵩高山是嵩崇非同字與爾雅合矣崇者說文云嵬高也通作宗書云是崇是長漢書谷永傳作是宗是長○充者說文云長也高也高與長義近充訓長者方言云度廣為尋幅廣為充是也充訓高者即此文崇轉為充是也釋名云八達曰崇期崇充也道多所通人充滿其上如共期也鄉飲酒及鄉射禮並云崇酒又樂記云六成復綴以崇鄭注並云崇充也按充之言重也爾雅下云崇重也重疊與充滿義相成又言終也詩崇朝其雨曾不崇朝傳箋並云崇終也終竟與充盈義亦相成書云其終出于不祥釋文終馬本作崇云充也蓋充崇終俱聲轉義同故音訓可通臧鏞堂爾雅漢注引舍入本崇疑作威然聲義俱不相應俟攷

犯奢果毅剋捷功肩戡勝也陵犯誇奢果毅皆得勝也左傳曰殺敵為果肩即剋耳書曰西伯戡黎勝

肩戡劉殺克也轉相訓耳公羊傳曰克之者何殺之也劉獮斬刺殺也書曰咸劉厥敵秋獵為獮應殺



氣也公羊傳曰刺之者何殺之也

勝者說文云任也玉篇云強也強與任材能過絕於人謂之爲勝勝之言盛也以盛氣蓋人又言乘也以氣乘人而上之故書序云周人乘黎傳云乘勝也是其義也犯者說文云侵也小爾雅云突也玉篇云抵觸也曲禮云介冑則有不可犯之色左傳玉蒙臯比而先犯之皆謂以氣陵轍於人故犯訓爲勝楚語云若防大川焉潰而所犯必大矣韋昭注犯敗也犯訓勝又訓敗者義相足成也奢者說文云張也籀文作奢西京賦云心奢體佚奢即奢也又云麗美奢乎許史薛綜注言被服過此二家然則奢訓爲過猶勝也郭云誇奢當作夸奢夸奢猶言觶沙下上步加切皆疊韻字也果者課之毀音也一切經音義九引蒼頡篇云課慙也殺敵爲慙即引爾雅慙勝也孫炎曰慙決之勝也是爾雅古本作慙故釋文慙音果本今作果慙訓慙者慙亦敢也通作果文選魏都賦云風俗以剛果爲墟李善注引方言曰慙勇也慙與果古字通謚法云猛以剛果曰威孔晁注果敢行也然則凡言果能者即敢能言不果者即不敢亦即不勝矣果聲同過過於人即勝於人也呂覽適威篇云以爲造父不過也高誘注過猶勝也莊子至樂篇釋文果本作過是過果通矣毅者說文云有決也左氏宣二年傳毅敵爲果致果爲毅楚語云毅而不勇韋昭注毅果也是毅與果同但義有淺深耳凡臨敵制勝必果毅兼資故周語云制戎以果毅明果毅能制勝也剋者勉之俗體也說文剋尤劇也玉篇云剋勝也通作剋又作剋皆俗作也御覽刑法部十八引尚書大傳云弱而受刑謂之剋淮南兵略篇云剋國不及其民是皆以剋爲勝也依正文當作克說文云克肩也象屋下刻木之形釋言云克能也能亦勝故書云剛克柔克鄭注克能也馬注克勝也克與刻音義

同故釋名云克刻也刻物有定處人所克念有常心也按爾雅宋本此作刺下作克釋文無刺字知陸本俱作克今宜據以訂正焉捷者說文云獵也則與獮同意又云軍獲得也則與克同意諡法云捷克也克即勝故詩一月三捷周語云且獻楚捷吳語云事若不捷毛傳及韋注並云捷勝也功者與攻同說文云攻擊也攻擊與戰勝義近上文云攻善也善勝亦聲轉義近凡言善於此者亦言勝於此也通作功大司馬云若師有功又云若師不功鄭注功勝也漢書董賢傳云賢第新成功堅集注功字或作攻是攻與功通肩者說文以為克之訓也肩任負何力能勝之謂之克克既為肩知肩亦為克故郭云肩即刺耳書云朕不肩好貨正義引舍人曰肩強之勝也按肩之為言堅也堅強與能勝義近堅與賢聲近賢於人即勝於人矣哉者書序云西伯哉黎正義引孫炎曰哉強之勝也通作龕文選詩注龕與哉音義同按龕唯音同耳哉訓刺伐通又通作龕文選詩注龕與哉音義同按龕唯音同耳哉訓刺伐訓殺二義皆與勝近但其訓勝之字經典俱借作堪堪訓任任即勝也故晉語云口弗堪也列子仲尼篇云堪秋蟬之翼韋昭及張湛注竝云堪猶勝也墨子非攻篇云往攻之予必使汝大堪之亦以堪為勝也藝文類聚及文選注竝引墨子堪作哉○克訓勝又訓殺者書弗迓克奔馬鄭本作弗禦克奔鄭注克殺也不得暴殺紂師之奔走者郭引公羊隱元年傳曰克之者何殺之也穀梁傳曰克者何能也何能也能殺也是皆郭義所本也勝者聘義云用之於戰勝鄭注勝克敵也素問金匱真言論云所謂得四時之勝者王砭注四時皆以所刺殺而為勝也勝謂制刺之也肩者下文云作也造作與克制義近詩云佛時仔肩毛傳仔肩克也鄭箋仔肩任也皆二字連文為訓其實單文亦通故說文云仔克也明仔肩俱訓克也哉者勝也勝亦為克故不勝言弗克亦言弗堪堪克



聲轉耳劉者逸周書世倅篇云則咸劉商王紂孔晁注劉刺也○  
殺者說文云戮也釋名云竄也埋竄之使不復見也通作紂大司  
寇及士冠禮注竄云篡殺釋文竄云殺本作紂劉者說文作鐻云  
殺也通作劉書云無盡劉詩勝殷湯劉毛傳劉殺也劉聲近腹漢  
書武帝紀注引漢儀注立秋獵腹伏儼曰腹音劉劉殺也師古曰  
續漢書作獵劉腹劉義各通然則劉又秋獵之名與獵義同矣獵  
者說文作獵云秋田也經典俱作獵釋天云秋獵爲獵大司馬注  
秋田爲獵獵殺也刺者司刺殺大夫曰刺蓋據春秋書刺之文而  
壹施之卽實非也說文訓以君殺大夫曰刺蓋據春秋書刺之文而  
語云殺懷公於高梁又云刺懷公于高  
梁證知刺殺通名亦猶弑殺古通用矣

臈 臈沒孟敦勛劍茂劭勉也 詩曰臈臈文王靈沒猶甯勉書曰

勉爲勳劍  
孟未聞

說文云勉彊也小爾雅云勉力也力猶勸厲故說文又云勸勉也  
俗作免漢書薛宣傳宣因移書勞免之谷永傳免遁樂集注閔  
免猶甯勉也五行志作閔勉遊樂又俗作免表記云免焉日有孛  
孛鄭注免焉勤勞之貌是免卽勉也免本俯字亦音免故俗爲勉  
矣又通作勸一切經音義六云勉古文勸同又通作邁左氏莊八  
年傳引夏書曰皋陶邁種德杜預注邁勉也是邁卽勸矣臈者說  
文無之徐鉉謂當作媯釋文臈字或作臈非也阮雲臺師曰臈  
讀若鳥驚在臈之臈音門按臈與臈沒孟勉俱一聲之轉臈訓勉  
者李善吳都賦注引韓詩曰臈水流進貌進卽勉詩臈臈文王臈  
臈申伯傳箋竝云臈臈勉也勉字亦作重文與臈臈相配故詩勉

勉我王荀子富國篇及韓詩外傳俱作豐豐我王禮器注豐豐勉

勉也易繫辭鄭注豐豐沒沒也不同意者沒沒即勉勉聲之轉也又

轉為收收大戴禮五帝德篇云豐豐穆穆文選封禪文作收收穆

穆又豐豐文王墨子明鬼篇引作穆穆文王是穆穆收收與豐豐

勉勉俱聲相轉也豐與豐古音近周禮鬯人鄭衆注豐讀為微微

從微聲微古讀若倉故春秋莊廿八年經云築鄆公羊作築微釋

文左氏作麋麋音同是微古讀倉之證故玉篇云豐人匪切豐

豐猶微微也一切經音義九引周易劉瓛注豐豐猶微微也是玉

篇所本爾雅釋文亦云豐人匪反徐鉉以豐作媯媯與微同韓詩

以為誰何予美之矣然則豐讀為美與豐讀為門又俱聲相轉矣

靈沒者釋文靈彌畢反又凶忍反本或作靈引說文曰靈古密字

是靈無正文俗聲為之靈沒聲轉為韻勉故郭云靈沒猶韻勉也

又轉為密勿詩云韻勉同心文選注引韓詩作密勿同心密勿韻

俛也韻俛即韻勉又韻勉從事漢書劉向傳作密勿從事又沒重

文作沒沒轉為勿勿禮器云勿勿乎其欲其譽之也大戴禮曾子

立事篇云君子終身守此勿勿也鄭注及盧辯注並云勿勿猶勉

勉也靈沒又轉為懋懋釋訓云懋懋慎慎勉也又轉為侔莫方言

云侔莫強也北燕之外郊凡勞而相勉若言努力者謂之侔莫又

轉為文莫樂聲論語駁曰燕齊謂勉強為文莫是文莫即侔莫也

又方言云薄努猶勉努也廣雅作薄怒勉也又云文農勉也文農

亦即侔莫是皆古方俗之語音轉字變而其義俱通者也孟者韻

之段音也後漢書趙岐傳云作要子章句要蓋韻字之誤古文要

作要與韻形近易譌韻與孟聲近段借水經清漳水注大韻谷作

大要谷矣見劉攽刊誤及吳仁傑補遺二胡承珙曰趙岐傳俗韻

為孟爾雅僧孟作韻故孟訓勉即韻勉也其說是也文選幽通賦

曹大家注及漢書敘傳服虔注並云孟勉也孟聲轉為覆錢氏大



昕養新錄云洛誥汝乃是不獲釋文引馬融注獲勉也古讀孟如  
芒釋文獲莫剛反蓋馬鄭舊音則獲卽孟矣又轉爲明古讀明亦  
如芒王引之經義述聞云明勉一聲之轉書盤庚明聽朕言洛誥  
明作有功公明保予冲子多方爾邑克明顧命爾尚明時朕言皆  
當訓勉重言之則曰明明詩江漢云明明天子令聞不已猶言豐  
豐文王令聞不已也有馭云夙夜在公在公明明言在公勉勉也  
鄭箋在于公之所明義明德失之矣敦敦敦敦者詩北門及常武釋文並  
引韓詩云敦迫也迫促與勸勉義近漢書揚雄傳云敦衆神使式  
道兮文選典引云靡號師矢敦奮擣之容集注及蔡邕注並云敦  
勉也通作惇下文云惇厚也厚與勉義亦近文選西都賦注引爾  
雅作惇勉也是惇敦通矣勸者說文云勉也詩以勸寡人土昏禮  
云勸帥以敬先妣之嗣毛鄭並云勸勉也書云迪見冒釋文冒馬  
作勸勉也雲臺師曰勸从冒聲當讀與目同今人讀若旭者漢以  
後音之譌變按說文木冒也是冒木聲同此古音也勸讀若旭者  
詩以勸寡人坊記引作以畜寡人是勸畜同音其來已久若从古  
音則勸讀如冒冒勉亦一聲之轉矣劍者方言云勉也秦晉曰劍  
釋文劍古堯反又之遙反方言注作居遼反居遼之合聲爲教教  
亦勸勉也之遙之合聲爲招招亦勸劍也茂者懋之段音也說文  
云懋勉也本釋訓文又引書曰惟時懋哉馬融注懋美也美勉義  
近又懋建大命漢石經懋作勸勸懋聲相轉也通作茂詩方茂爾  
惡易先王以茂對時毛傳及馬融注並云茂勉也尚書大傳大誓  
云茂哉茂哉書皋陶謨作懋哉懋哉爾雅釋文茂字又作懋亦作  
忒文選東京賦注引爾雅作懋勉也云亦作忒者忒說文以爲懋  
字之省也勸者釋文上照反或上遙反說文云勸勉也讀若舜樂  
韶是上遙之音合於古讀也漢書成帝紀云先帝勸農晉灼注勸  
勸勉也文選豪士賦注引爾雅注曰勸美也演連珠注同所引蓋

爾雅舊注之文劬又訓美者美勉聲轉義近也勗者恹之段音也說文云恹勉也通作勗方言勗劬注云勗亦訓勉也文選思玄賦云勗自強而不息今舊注勗勉也又通作僮爾雅釋文勗字本作僮又作僮或音泯又彌充反按僮即僮之或體泯即彌充之轉音今從彌充反者方言注勗音沈酒是也

驚務昏啓強也 馳驚事務皆自勉強書 曰不昏作勞啓不畏死

強亦勉也強有二義勉強之強說文作勞云迫也剛強之強說文作疆云弓有力也然疆勞二字經典俱通作強下文云強勤也一切經音義六引蒼頡篇云強健也爾雅此條則主強力而言即詩載芟傳云疆疆力也驚者教之段音也說文云教疆也通作驚說文驚亂馳也穆天子傳云天子西征驚行蓋馳驚有并力進取之意故為強也又通作驚淮南主術篇云魚得水而驚高誘注驚疾也驚疾亦馳驚之意也務者說文云趣也疾趣與馳驚同意淮南修務篇云名可務立功可疆成又云名可疆立功可疆成是務即疆矣故荀子富國篇云儻然要時務民楊倛注務勉強也公羊定二年傳云不務乎公室也何休注務勉也然則務又訓勉務勉聲轉古讀務如冒聲轉為勗一切經音義引坤蒼云勗強也勉也勗也勗之為強又為勉亦如務之為勉又為強矣昏者書云不昏作勞文選西京賦云何必昏於作勞薛綜注昏勉也書盤庚正義引鄭注昏讀為啓啓勉也又引孫炎曰昏夙夜之強也通作啓書釋文云昏本或作啓音敏爾雅昏啓皆訓強故兩存周禮釋文亦同又通作啓不昏作勞大司寇注作民不啓作勞釋文啓本又作昏按昏一从民聲故从民之字俱音同字通矣啓者啟之段音也說文啟疆也玉篇啟啓同通作忒說文忒疆也引周書曰在受德忒



今書立政篇作在受德啓說文數冒也引書曰數不畏於數訓冒與強義亦近孟子引康誥作閔不畏於又君奭子惟用閔于天越民傳云閔勉也是皆以聲爲義也

印吾台予朕身甫余言我也印猶缺也語之轉耳書曰非台小子古者貴賤皆自稱朕禮記云授政任功曰

子一人吟於鬼神呼爲身朕余躬身也今人亦自呼爲身台朕賚畀卜陽予也賚卜

賜與也與猶予也因通其名耳魯詩云陽如之何今巴濮之人自呼阿陽

說文云我施身自謂也按我从手手古垂字施垂下之貌古人謙卑凡自稱我必垂下其身故云施身自謂也虞翻易注坤爲自我

蓋坤亦卑順之義也易云觀我生孟子云萬物皆備於我虞翻及趙岐注竝云我身也身訓我我亦訓身轉注之義也我聲近阿木

蘭詩云阿耶無大兒阿耶猶言我父也晉書潘岳傳云負阿母阿母猶言我母也印者與映同故郭云印猶映也說文映女人自稱

我也錢坫說文鞞註云後漢書長沙武陵蠻相呼爲映映徒猶我徒也今伊犁烏魯木齊等回民稱女曰映哥按映印我並聲相

轉今方俗語謂我爲俺俺亦聲轉但說文俺訓大於義又不當自謂也詩中印字三處毛皆訓我書大誥云不印自恤漢書翟方進

傳作不身自恤身卽我矣吾者說文云我自稱也士冠禮云願吾子之教之也鄭注吾子相親之辭吾我也子男子之美稱管子海

玉篇云吾子會鹽二升少半尹知章注吾子謂小男小女按吾子猶言我子耳台者與儀同詩云如倉空軀釋文空本作儀引韓詩

云儀我也按說文云義己之威儀也蓋威儀之儀說文作義義从我因訓我故云己之威儀己卽我也春秋繁露云義者謂宜在我

者又云義者我也也是義訓我之證然則訓我之台正當作義段俗  
 作台韓詩之儀即義之段音耳予者白虎通云予亦我也詩予又  
 集于蓼手傳予我也詩內予字傳訓止此一處餘鄭箋與毛同朕  
 者說文云我也白虎通云或稱朕何亦王者之謙也朕我也蔡邕  
 獨斷云朕我也古者尊卑共之貴賤不嫌則可同號之義也是朕  
 為通稱上下所同故書皋陶曰朕言惠離騷云朕皇考曰伯庸是  
 古尊卑同號之證也秦以後乃為天子自稱而說者云天子稱朕  
 但以聞聲斯言謬矣彼謂朕兆之朕而非朕我之朕也身者郭云  
 今人亦自呼為身按今時唯獄詞訟牒自呼為身身之為言人也  
 世說載晉時有自稱民者民亦人耳今時平民自稱民入市商自  
 稱商人亦其義也然則自稱為人亦如自呼為身矣甫者說文以  
 為男子美稱禮記鄭注以為某甫但字皆非爾雅之指訓我之甫  
 詩小雅甫田箋甫之言丈夫也是甫訓為夫檀弓注夫夫猶言此  
 丈夫即其義也或言老夫者猶言老人耳曲禮云自稱曰老夫鄭  
 注老夫老人稱是也或言一夫者猶言一人耳白虎通云王者自  
 謂一人者謙也欲言己材能當一人耳然則甫之為言夫也夫之  
 言丈夫丈夫男子之通稱猶蕭育自稱杜陵男子張裔自稱男子  
 張君嗣皆其比也余者說文云語之舒也是余為舒遲之我也余  
 予古通用故論語云百姓有過在予一人周語引湯誓曰萬夫有  
 罪在余一人郭引曲禮云授政任功曰予一人鄭注引觀禮曰伯  
 父寔來余一人嘉之是余予古字通之證故鄭又云余予古今字  
 蓋言予古文作余觀禮余一人是也一今觀禮亦作予空據曲禮  
 注訂正一今文作予曲禮予一人是也必知古文作余者隸續載  
 魏三體石經書大誥云余惟小子晉姜鼎銘云余惟嗣朕先妣君  
 晉邦余不辱安石經鼎銘皆古文作余即知作予者為今文矣是  
 鄭君之意乃因經傳余予通用而別以古文今文非謂余予同字



匡謬正俗誤會鄭意乃云因鄭此說學者遂皆讀予爲余又云歷觀詞賦予無余音此駁非矣今以聲義求之余予不妨同音余予不嫌非同字據玉篇廣韻予以諸切又餘竹切本兼二音曲禮釋文子依字音羊汝反鄭云余予古今字則同音餘是陸德明誤讀鄭注與顏師古同矣言者詩內言字傳箋竝訓我莊子山木篇云言與之偕逝之謂也釋文亦云言我也蓋言與台余俱聲相轉故其義同○身既訓我又稱身故轉相訓說文云身躬也身人之身通作信大宗伯云侯執信圭伯執躬圭鄭注信當爲身聲之誤也身圭躬圭蓋皆象以人形爲象飾文有麤縷耳欲其慎行以保身圭皆長七寸又通作伸釋名云身伸也可屈伸也荀子儒效篇云是猶偃伸而好升高也楊倞注伸讀爲身字之誤也按身伸信三字古同聲通用此皆段借耳鄭君及楊倞以爲字聲之誤卽實非矣朕又訓身者朕之爲言審也宜審慎者莫如身朕之爲審蓋與帝之爲誦其義同矣余又訓身者余爲語之舒舒緩亦詳審之意左氏僖九年傳小白余杜預注余身也正義引舍人曰余卑謙之身也孫炎曰余舒遲之身也舒與身又聲轉義同矣躬者說文作躬云身也或从弓作躬按躬从身亦訓爲身周禮身圭躬圭其義同故躬爲身身亦爲躬轉相訓也○予既訓我又爲期與與予聲同故郭云與猶予也說文予推予也象相予之形然則台朕陽爲予我之予賚男卜爲期予之予一字兼包二義故郭云因通其名耳賚男予上文竝云賜也賜卽予故又爲予也賚者詩序云賚予也方言云予賴也賴賚聲同廣雅云俚賴也俚聲聲同詩釐爾女士毛傳釐予也男者說文云相付與之約在閣上也詩何以男之傳男予也穀梁僖廿八年傳男與也通作俾逸周書祭公篇云付俾于四方孔晁注付與四方也又通作埤方言云埤音男予也按古人多名男我楚昭王之妹曰季芊男我左氏襄廿三年經

云邪界我公羊及春秋繁露俱作鼻我說文云鼻引气自界也是

界鼻聲義同卜者詩云君曰卜爾卜爾百福傳箋竝云卜予也秉

界炎火釋文秉韓詩作卜下報也按報嘗讀為赴一從少儀毋報

往注故白虎通云卜赴也然則赴告亦相推予也陽者易說卦

云為妾為羊漢上易傳引鄭本羊作陽注云此陽謂為養无家女

行賃炊爨今時有之賤於妾也然則陽之為言養也女之賤者稱

陽猶男之卑者呼養也手詩傷如之何郭引魯詩作陽如之何是

鄭為陽之說本於魯詩也郭云今巴濮之人自呼阿陽者阿即我

也魏志東夷傳云東方人名我為阿然則自

呼阿陽亦如自稱廝蓋矣陽映義亦相近

肅延誘薦餒晉寅蓋進也禮記曰主人肅客詩曰亂是用餒羞錢迪

王之蓋臣易曰晉進也寅未詳

云進前也呂覽論人篇注進薦也薦進互訓引前義同淮南要略

篇注楚人謂精進為精搖此則方俗之異言矣肅者下文云疾也

速也俱與進義近詩民有肅心鄭箋肅進也通作宿士冠禮云乃

烝進也

皆見

詩禮



誘通作牖詩天之牖民毛傳牖道也牖民孔易韓詩外傳及樂記俱作誘民孔易鄭注誘進也易坎云內約自牖釋文牖陸本作誘

按牖爲窗牖所以進明與誘聲義俱同是明之進矣薦者上文云陳也陳之進也薦又訓爲薦藉是藉之進也餞者詩巧言傳餞進

也龍龕手鑑四引爾雅舊注云餞甘之進也蓋本詩盜言孔甘而爲說史記趙世家云故以齊餞天下趙策餞作餌是餞蓋以甘言

誘敵之意通作啖故史記樂毅傳云令趙嚙秦以伐齊之或體啖徐廣曰嚙進說之意索隱曰嚙與啗同然則嚙啗皆俱啖之或體啖

餞皆誘進之意又通作鹽爾雅釋文餞沈大甘反徐仙民詩音閭餘占反表記釋文餞徐本作鹽以占反是徐邈讀餞爲鹽其字因

亦作鹽鹽之爲言豔也豔猶引也故郊特牲注鹽讀爲豔古樂府有管管鹽鹽亦作豔管管豔猶管管引也引亦誘進之意也餞聲

又近禪喪大記注禪或皆作道士虞禮記注古文禪或爲導說文谷部亦云酉讀若三年導服之導然則禪古字作導禪之爲導亦

如餞之爲啖竝引而進之意啖啖禪導俱聲轉而義同矣晉者釋文本又作誓說文云晉進也日出萬物進五經文字云晉石經

作晉易序卦云晉者進也雜卦云晉書也書晉聲轉又與日出物進之義合文選幽通賦云益孟晉以迨羣今曹大家注晉進也寅

者釋名云寅也寅生物也漢書律曆志云引達於寅然則引導寅長俱進之意通作寅玉篇云寅進也按寅緣爲干進之言義出於

此說文寅訓敬惕下文云寅敬也是寅又爲敬之進矣蓋者與燼同釋文蓋本又作燼詩桑柔釋文同是燼蓋通按燼俗字說文作

夷云火餘也方言云蓋餘也自關而西秦晉之閒炊薪不盡曰蓋然則蓋之言不盡也不盡者有餘是蓋爲有餘之進也故詩王之蓋臣逸周書皇門篇云朕蓋臣夫明爾德毛傳及孔晁注竝云蓋進也○羞者說文云進獻也羞羞俱从羊羊善也有美善可進獻

也故周禮籩人注薦羞皆進也未會未飲曰薦既會既飲曰羞庖人注備品物曰薦致滋味乃為羞然則羞薦對文則別散文則通故云薦羞皆進也又月令云羣鳥養羞夏小正云丹鳥羞白鳥傳云羞也者進也不盡會也是羞又為進會之通名矣錢者說文云送去也按錢為送行有進意送而飲之酒亦所以進之也通作踐踐履不傍所謂精進也司尊彝注故書踐作餞士虞禮記注古文餞為踐是踐餞通也通者下文云作也道也動作導引義皆為進詩云弗求弗迪毛傳迪進也漢書禮樂志云百鬼迪嘗敘傳云亦迪斯文皆以迪為進也通作軸詩碩人之軸毛傳軸進也蓋軸迪竝从由聲迪亦音逐故與軸通矣烝者說文云火氣上行也書云不蠲烝馬融注烝升也然則烝蓋升之進也詩是烝是享烝我髦士傳俱訓進書烝烝又後漢書和憲鄧皇后紀注引孔安國注及詩泮水箋竝云烝烝猶進進也釋天冬祭曰烝注云進品物也

詔亮左右相導也皆謂教導之 詔相導左右助勳也勳謂贊勉 亮介尚右也紹

勸尚皆相佑助左右亮也反覆相訓以盡其義

說文云導導引也釋名云導陶也陶演己意也陶演即導引聲之轉耳通作道孝經釋文導本或作道爾雅釋文道本或作導注及下同是導也本本作道道為言教也教導之俾遵循於道故淮南子注道也道同義故論語云道之以德鹽鐵論授時

以此教之以德矣詔者召云詔照也人暗不見事宜則有所犯以此示之使昭然知也王符云告也教也導也按詔與召義亦近召為呼詔亦口導故楚辭招魂序云以言曰召是詔為言之導矣經典詔皆訓告周禮



詔字屢見又儀禮禮記左傳國策俱有詔字蔡邕獨斷云三代無其文秦漢有之者謂制詔之名起於秦漢非秦以前無詔字也亮者與諒同諒訓信已見上文是諒爲信之導也通作涼詩涼彼武王傳涼佐也佐亦導也釋文涼本亦作諒韓詩作亮云相也相亦導也是亮與諒同經典通用書惟時亮天工史記五帝紀作淮時相天事左右者釋文音佐佑下同蓋佐佑卽左右之俗作也經典雖亦相承通用古文云勸助也教導所以爲贊助故又爲勸也○勸者勸字之省也說文云勸助也教導所以爲贊助故又爲勸也○勸者从召口之助也周禮大宰以八柄詔王馭羣臣鄭注詔告也助也相者从目視之助也書呂刑以八柄詔王馭羣臣鄭注詔告也助也道者寡助是導訓助之義也左者从手手之助也說文左手于手相左也通作佐釋名云佐左也在左右也周禮序官以佐王均邦國鄭注佐猶助也右者从手口手口之助也故說文右字分二部口部云助也又部云手口相助也右皆訓助詩彤弓傳右勸也勸勉亦相助也通作佑詩係右命之中庸作係佑命之又通作祐說文祐助也易繫辭云祐者助也无妄云天命不佑釋文佑本又作祐馬本作右又通作脩繫辭云可與祐神釋文祐荀本作脩又左右二字連文其義亦同故詩左右流之實左右商王傳箋竝云左右助也左右既訓助因而詔相卽訓左右周禮大僕注相左右也人行入注詔相左右教告之也易泰集解引鄭注輔相左右助也是皆轉相訓而義俱通矣助者說文云左也通作佐故小爾雅云助佐也釋名云助乍也乍往相助非長久也按助从且聲且與徂同故云往相助也以乍爲訓則失之○旣言左右又單言右者舉右以包左也右旣訓助又兼尊也上也二義尊上卽所以爲助也亮者旣訓信又訓右者信之右也故繫辭云天之所助者順也人之

所助者信也即其義也介者上文訓大訓善又訓右者大善之右也詩言介壽介福介稷黍之類俱以右助兼大善之義故攸介攸者相助之義郭云紹介相佑助與孫義同也尚者一切經音義廿五引蒼頡訓詁云尚上也文選東京賦注尚高也高上義相成故詩蕩云人尚乎由行傳訓尚為上抑云肆皇天弗尚箋訓尚為高按尚俱當訓右人尚乎由行言小人佑助其行也肆皇天弗尚言天命不佑助也傳箋義亦近也郭云勸尚者蓋以聲轉俗尚為相也易象傳云君子以勞民勸相王弼注相猶助也是郭義所本楚辭天問篇云登立為帝孰道尚之道與導同道尚即導相猶相導也王逸注訓為尊尚亦近之○左訓亮者詩大明傳涼佐也右訓亮者即此上云亮右也然則亮亦相也相亦左右也左右亦助也是皆義訓之反覆相通者

緝熙烈顯昭晬頌光也詩曰學有緝熙于光

說文云光明也从火在人上光明意也釋名云光晃也晃晃然也亦言廣也所照廣遠也詩南山有臺傳光明也敬之傳光廣也皇矣傳光大也三訓不同者按說文光古文作茭廣從黃聲黃從茂聲庶亦从茭與廣同意故光訓廣也廣與大同故訓大也光與光通故釋言云枕充也孫炎本枕作光又與橫通故書光被四表後漢書馮異傳作橫被四表橫廣俱從黃聲也緝熙者詩凡四見吳天有成命云於緝熙周語引而釋之云緝明也熙廣也毛傳用國語鄭箋廣當為光韋昭注熙光大也與鄭義同然光廣古同音廣即光也是皆本爾雅為訓故文王毛傳云緝熙光明也維清敬之鄭箋竝與毛同光即廣字之音明即緝字之訓無可疑矣熙字从



火與烈同意烈者火之光也顯者下文云見也見之光也說文顯頭明飾也从暴聲暴从日中視絲古文以為顯字是顯古作暴日中視絲故訓光又訓見皆本古文為說也通作憲詩顯顯令德中庸作憲憲令德蓋憲有表明之義小司寇注憲表也朝士注憲謂播書以表明之皆其義也昭者下文亦云見也說文日明也則與顯義同通作昭中庸云昭昭之多又云亦孔之昭釋文並云昭本作昭又通作照穀梁僖廿七年經云齊侯昭卒釋文昭或作照老子云俗人昭昭釋文昭一本作照孫叔敖碑云處幽暗而照明嚴新碑云去斯照釋文俱以照為昭也皓者說文云日出兒又暎云皓盱也楚辭怨思篇注皓盱光也通作昇釋文云夏日出兒又暎云皓本亦作吳皓光明也日出也荀子賦篇云皓天不復憂無疆也楊倞注皓與昊同又通作顛一切經音義十八引三蒼云皓古文顛同文選古詩李少卿與蘇武詩云皓首以為期李善注皓與顛古字通按商山四顛書作四皓亦其證矣類者釋言與桃俱訓充也說文云火光也詩不出于顛毛傳顛光也通作耿說文云杜林說耿光也離騷云彼堯舜之耿介兮王逸注耿光也又通作炯說文云炯光也文選登巴陵城樓詩云炯介在明淑李善注耿與炯同引蒼頡篇曰炯明也

劫鞏堅篤擊虔膠固也

劫虔皆見詩書易曰鞏用黄牛之革固志也擊然亦牢固之意

說文云固四塞也蓋其字从口四面閉塞牢固難破也通作故哀公問注固猶故也投壺注固之言如故也論語云固天縱之將聖論衡知寶篇作故天縱之將聖又通作錕文選求通親親表云禁固明時李善注固與錕通又通作假詩假哉天命毛傳假固也假讀如古聲俗為固矣劫者結之段音也釋文劫或作結說文結石堅也釋言云結鞏也通作劫說文劫慎也慎固義近書云汝劫恣

殷獻臣傳云劫固也義與矜同音書音義引字林云矜堅也鞏者  
 束之固也說文鞏以韋束也郭引易曰鞏用黃牛之革革初九文  
 又曰固志也擗六二象文郭蓋以意引經也詩無不克鞏毛傳鞏  
 固也楚辭離世篇云心鞏鞏而不夷王逸注鞏鞏拘攣貌也拘攣  
 亦堅固之意轉作管史記平準書云欲擅管山海之貨集解引或  
 曰管固也固管鞏一聲之轉也篤者下文云厚也厚與固義近釋  
 名云篤築也築堅實稱也後漢書班彪傳論云何其守道恬淡之  
 篤也李賢注篤固也擊者下文亦云厚也與篤同意說文擊固也  
 从手攷聲讀若詩赤鳥擊擊今詩作赤鳥几几蓋几擊聲轉字通  
 擊擊猶急急也故曲禮云急繕其怒鄭注急猶擊也繕讀曰勁然  
 則急繕猶言擊勁毛傳几几絢貌蓋純之言拘拘亦堅固之意也  
 釋文擊音牽又卻閑反二音俱本玉篇擊云卻閑去賢二切去賢  
 之音為牽卻閑之音為堅也亦通作堅又通作牽易牽羊悔亡子  
 夏傳牽作擊公羊定十四年經云公會齊侯衛侯于堅釋文堅本  
 又作擊左氏作牽是牽堅與擊音同之證也又轉為擊廣雅云堅  
 也玉篇擊口閑切又轉為擊說文豎餘堅者玉篇擊口耕切別作  
 經論語皇侃疏經堅正難移之貌也虔者敬之固也經典虔多  
 訓敬敬固義近詩虔共爾位有虔秉鉞毛傳並云虔固也書奪攘  
 矯虔漢書武帝紀注孟康曰虔固也矯稱上命以財賄用為固顏  
 師古曰妄託上命而堅固為邪惡者也膠者昵之固也說文膠昵  
 也昵昵同釋言云黏膠也詩德音孔膠毛傳膠固也禮王制云周  
 人養國老於東膠鄭注膠之言糾也膠或作絀按絀訓急也急亦  
 堅也膠糾古音疊韵故楚辭遠遊篇  
 云形膠虬而委迤膠虬與膠糾近

疇孰誰也  
易曰疇離社



釋名云誰推也有推擇言不能一也說文云誰何也呂覽貴信篇注誰猶何也史記秦始皇紀云陳利兵而誰何文選過秦論注誰何問之也嘯者曷之段音也說文曷誰也从口曷又聲曷古文嘯又凶部云曷詞也从曷聲曷與嘯同引虞書帝曰曷咨此二文經典俱通作嘯故易否云嘯離社釋文嘯鄭作古曷字詩祈父箋若曷圻父釋文曷古嘯字爾雅釋文嘯本又作曷此三文蓋皆曷字之省也書嘯咨若時登庸史記五帝紀作誰可順此事嘯若子工作誰能馴子工又通作訓魏元丕碑云訓咨羣寮劉寬碑云訓咨儒林竝以訓爲嘯也又通作請文選西征賦注引聲類曰請亦嘯字也引爾雅曰嘯誰也晉書音義云嘯一作訓一作請又一作鬪是皆同聲段借之字也孰者熟之本字孰誰聲轉

睢眡皇皇藐藐穆穆休嘉珍禕懿鑠美也

自穆穆已上皆美盛之貌其餘常語

美好也善也故說文云美與善同意通作嫩大司徒云一曰嫩宮室鄭注嫩善也釋文云嫩音美廣韵云嫩美同又通作媿詩誰俯予美釋文美韓詩作媿眡者說文云光美也與旺同廣韵云旺美光眡旺同又王云盛也義亦相近古讀皇聲如王王聲如往故詩楚茨箋皇眡也泮水箋皇皇當作眡眡眡猶往往也皇者白虎通云君也美也大也君義已見上文又訓美者詩繼序其皇之上帝是皇手傳竝云皇美也烝烝皇皇毛傳皇皇美也聘禮記云賓入門皇鄭注皇自莊盛也莊盛義亦爲美也皇與煌同故詩采芑斯干傳箋竝云皇猶煌煌也通作王聘禮記注古文皇皆作王又通作黃呂覽功名篇云丘醯黃螭高誘注黃美也易繫辭云黃帝風俗通聲音篇作皇帝左氏宣十七年傳苗賁皇說苑善說篇作釁蚤黃是黃皇通然則詩之狐裘黃黃推其義亦卽皇皇矣藐者

魏之段音也說文懇美也通作藐詩既成藐藐毛傳美貌又藐藐

昊天鄭箋美也毛傳以為大貌美大義近也文選西京賦云路藐

眡眡兮愁予王逸注眡眡好貌也又轉為眡眡詩賦釋文引韓詩云

及邢傳箋竝云穆穆美也少儀云言語之美穆穆皇皇鄭注美當

為儀然儀訓善善亦美也穆義與茂同漢書武帝紀云茂才異等

後漢書章帝紀云聖德淳茂皆以茂為美也茂穆又一聲之轉矣

休者易休否大人吉詩亦孔之休以為王休毛傳竝云休美也江

漢長發鄭箋竝同又釋言云休慶也楚語注休嘉也周語注休喜

也廣雅休善也善喜嘉慶其義亦俱為美也休與然同玉篇云休

火糾切美也福祿也慶善也是休休字異音義同嘉者說文云美

也美善同意故上文云嘉善也嘉假同音故下文云假嘉也聲轉

為佳故淮南說林篇云佳人不體高誘注佳美也廣雅云佳好

也珍者寶之美也說文云珍寶也萃嚴經音義上引國語賈逵注

云珍美也禮儒行注珍善也禕者玉篇云於宜切美兒又數辭文

選東京賦云漢帝之德侯其禕而薛綜注禕美也通作委釋訓云

委委美也釋文委諸儒本竝作禕於宜反舍人云禕禕者心之美

引詩亦作禕是禕禕竝與委通又通偉與瑋莊子大宗師篇云偉

哉夫造物者釋文引向秀注偉美也一切經音義一云偉埤蒼作

瑋同于鬼反文選吳都賦云瑋其區域劉逵注瑋美也易泰釋文

引傅氏注云彙古偉字美也又通作徽禮大傳云殊徽號鄭注徽

或作禕又禕猗聲義同禮大學注猗猗喻美盛然則猗猗又即禕

禕矣懿者說文云專久而美也易象傳云君子以懿文德詩烝民

時邁傳箋竝云懿美也鏢者目之美也方言云好目謂之順驢瞳

之子宋衛韓鄭之閒曰鏢是鏢謂目好流光鏢鏢也後漢書馬援



傳云嬰鑠哉是翁意正如此通作爍故顏延之宋文皇帝元皇后哀策文云園精初樂文選注引郭方言注爍言光明也是樂鑠同詩於鑠王師毛傳鑠美也太玄斷云乃後有鑠范望注亦云鑠美也史記李斯傳云鑠金百鎰索隱引爾雅又言百鎰之美也

諧輯協和也

書曰入音克諧左傳曰百姓輯睦

關關嗶嗶音聲和也

皆鳥鳴

總變和

也

友柔克

和者調也適也不爭也謚法云和會也漢書注和合也廣雅云和諧也通作齟說文云調也讀與和同又通作盃說文云調味也按盃爲調味齟爲調聲本皆字別爲義經典俱段借作和又通作焠淮南說山篇云焠氏之璧高誘注焠古和字又通作焠文選覽古詩注云焠古和字諧者說文云詒也詒卽合也合亦和也書克諧以孝史記五帝紀作能和以孝謨明弼諧夏紀作謀明輔和通作齟說文樂和齟也引虞書曰入音克齟今書作諧輯者車之和也詩辭之輯矣輯柔爾顏毛傳竝云輯和也通作揖書輯五瑞五帝紀及郊祀志俱作揖五瑞詩螽斯釋文揖子入側立二反是揖有輯音也又通作緝文選褚淵碑文云衣冠未緝李善注引爾雅曰緝和也緝與輯同又通作戢詩思輯用光孟子作思戢用光又通作集辭之輯矣新序雜事篇作辭之集矣左氏僖廿四年注及襄十九年傳釋文竝云輯本集又與習同詩谷風傳習習和舒貌文選補亡詩云輯輯和風李善注輯輯風聲和也輯與習同是習輯聲近義亦通矣協者說文云衆之同和也書云有衆率念弗協史記殷紀作有衆率怠不和相協厥居宋世家作相和其居通作叶周禮大史云與羣執事讀禮書而協事鄭注故書協作叶杜子春云叶協也大行人云協辭命鄭注故書作叶詞命又通作叶書

協用五極五行志作叶用五紀按叶叶俱協之古文見說文又通  
 作汁文漢西京賦云五緯相汁以旅于東并大行人注引鄭司農  
 云汁當為叶大史注杜子春云書亦或為協或為汁方言云協汁  
 也自關而東曰協關西曰汁按汁本音執又音輯方言之汁當讀  
 如輯故西京賦注引方言曰汁叶也下有之十切三字為今本所  
 無但之十音亦非今按方言之協汁當即爾雅之協輯也蓋汁有  
 輯音亦有協音故大史及大行人釋文並云汁之十反音執又音  
 協劉子集反然則子集之音為輯劉昌宗讀汁為輯正合爾雅及  
 方言之義爾雅協輯同訓為和方言協汁亦同訓為和也○因釋  
 和義而及音聲之和也說文味相饜也大戴記係傳篇及賈子容  
 經篇並云聲之和也周語云聲應相係曰和是皆和之著之聲音者  
 也關關雍雍者鳥聲之和也詩關雎傳關關和聲也匏有苦葉傳  
 雝雝鴈聲和也按卷阿鳳皇鳴亦曰雝雝不獨鴈也通作雍詩有  
 來雝雝漢書劉向及章玄成傳並作有來雍雍又通作雍詩和鸞  
 雝雝容經篇作和鸞雍雍又南都賦及歸田賦笙賦注並引雍雍  
 作嬰嬰疑因釋訓丁丁嬰嬰相涉而誤也天台山賦注又引作噉  
 噉四子講德論注又作邕邕釋訓云靡靡和也樂記又作離離和  
 也以上諸文並皆段管或從俗作說文離本鳥名俗為鳥聲作離  
 為正○又申釋和義也說文云駟同思之和協同心之和協與協  
 通釋文緇本又作協是協緇又通矣變者說文云和也詩變伐大  
 商毛傳變和也東京賦云北變丁令南諧越裳薛綜注變諧皆和  
 也說文云變讀若溼左氏襄八年經云獲蔡公子變穀梁作公子  
 溼

從申神加弼崇重也隨從弼輔增崇皆所以為重疊神所未詳



重有二音直隴切者說文云厚也玉篇云不輕也直隴切者廣雅云再也內則注陪也二者義亦相成故詩大車箋重猶累也重累卽加厚之意二讀俱通故大車及大明釋文皆兼二音於義方備爾雅釋文但取直隴一音失之矣從者亦兼疾龍才用二音說文從隨行也隨行爲追陪之意故訓爲重蓋二人立一人參焉曰參一人行一人從焉曰重參參從重俱聲義近顏氏家訓書證篇引延篤戰國策音義云從牛子然則子者身之陪貳其義亦爲重矣申者書云天其申命用休史記夏紀作天其重命用休詩福祿申之自天申之申錫無疆毛傳竝云申重也申與神同故說文申神也可知神亦申矣神與伸身竝音申重也申與神同故說文申神與申訓神義亦同故說文伸神也伸卽身也詩大任有身毛傳身重也鄭箋重謂懷孕也然則身中復有一身因訓爲重故素問奇病論云人有重身九月而瘖是其義也身訓重故廣雅云重傷也義本毛傳是傷卽身身亦神竝古字通俗毛蓋俗身爲神故訓爲重義本爾雅郭意未了故云未詳神與伸俱從申聲其義又同故古微書引禮含文嘉云神者信也信卽伸字亦俗爲身周禮信圭卽身圭可知身伸神三字古皆段借通用爾雅申神竝訓爲重無可疑矣加者增也益也故爲重禮少儀注加猶多也內則注加猶高也周語注加猶上也竝與重義近通作駕莊子庚桑楚篇釋文加崔本作駕云加也是加駕同彌者說文輔也重也彌輔義見下文又訓重者方言彌高也廣雅彌上也上高俱加字之訓又與崇義同矣崇者上文云高也充也充與高義皆爲重詩福祿來崇公羊僖卅一年傳不崇朝而徧雨乎天下毛傳及何休注竝云崇重也詩維王其崇之鄭箋又云崇厚也厚卽重字之訓

穀悉卒泯忽滅罄空畢罄殲拔殄盡也穀今直語耳忽然盡貌今江東呼厭極爲罄餘皆見詩

說文云盞器中空也墨子經上篇云盞莫不然也凡言盞者俱不出此二義小爾雅云盞止也呂覽明理篇注盞極也極止俱窮盞

之義盞之為言濇也醴也說文云濇盞也又云醴飲酒盞也盞醴

濇俱一聲之轉也盞者史記秦始皇紀云雖監門之盞不盞於此

索隱曰盞音學謂盞也又古學反正義曰又苦角反引爾雅云盞

盞也李斯傳集解徐廣曰盞一作穀特牲饋會禮記注古文盞皆

作穀是穀穀盞並音近字通管子地員篇云剛而不穀尹知章注

穀薄也薄與盞義亦近郭云今直語蓋當時方言耳悉者心之盞

也悉从心从采說文云詳盞也尚書大傳云乃汝其悉自學工悉

盞也聲轉為洗書云厥父母慶自洗腆釋文引馬融注洗盞也又

轉為澌方言云澌盞也澌斯同詩王赫斯怒箋斯盞也斯音賜亦

作賜文選西征賦云若循環之無賜李善注引方言曰賜盞也又

轉為索一切經音義三引蒼頡篇云索盞也亦錫也錫即賜字然

則賜索斯洗俱與悉同矣泯者與沒同義沒為沈沒亦為滅沒皆

盞之意故詩正義引李巡云泯沒之盞也詩靡國不泯左氏成十  
六年傳是大泯曹也毛傳及杜預注並云泯滅也泯滅沒又俱一  
聲之轉也忽者說文云忘也是忘之盞也忘與芒聲義近故方言  
云忽芒也芒滅也蓋芒之為言亡也忽之為言沒也故忽芒俱訓  
滅詩是絕是忽傳忽滅也按一蠶所吐為忽十忽為絲絲毫微杪  
易於滅盞故又為盞也忽有暴疾之義左氏莊十一年傳其亡也  
忽焉文五年傳不祀忽諸是忽又為倅暴之盞矣盞者說文器中  
空也詩盞無不空瓶之盞矣傳並云盞盞也一切經音義九引孫  
炎曰盞竭之盞也通作馨樂記注馨當為盞左氏僖廿六年傳室  
如縣馨魯語作室如縣馨淮南覽冥篇馨龜無腹高誘注馨空也  
又通作窳說文缶部引詩瓶之馨矣穴部引作瓶之窳矣窳空也  
畢者敗之段音也說文云戰盞也通作畢畢有止義加走為趕一



與蹕同一所以止行也加糸爲緝一鹿車緝一所以止車也止卽盡也畢之爲言必也必訓極極亦盡也蹕者說文云器中盡也釋文蹕苦計反本或作蹕引廣雅云蹕勦也今廣雅作蹕極也按蹕與御同方言御勝也說文蹕備也郭氏以極訓盡而欲借蹕爲蹕非蹕之本解蹕者說文云微盡也詩黃鳥傳蹕盡也春秋莊十七年經云齊人蹕于遂正義及書正義並引舍人曰蹕衆之盡也蹕于遂左穀作蹕公羊作蹕云蹕積也何休注蹕之爲舛積舛非一之辭故曰蹕積釋文云蹕積本又作漬曲禮云四足曰漬鄭注漬謂相蹕汗而舛也引春秋傳曰大災者何大漬也公羊莊廿年傳漬作瘠釋文瘠一本作漬然則蹕漬衆多故會意爲蹕蹕積瘠蹕俱一聲之轉矣拔者蒲撥蒲入二音蒲入之拔猶言把絕也陳根悉拔故爲蹕蒲撥之拔則少儀云毋拔來毋報往鄭注報讀爲赴疾之赴拔赴皆疾也然則拔之爲言舉也與卒一音猝一忽義近又言撥也與絕滅義同詩云本實先撥鄭箋撥猶絕也又同顛沛之沛毛傳訓沛爲拔鄭箋顛沛卽顛拔矣

苞蕪茂豐也

苞蕪繁蕪皆豐盛

豐滿也大也皆見說文易釋文云豐是腴厚充大之義鄭云豐之言腴充滿意也又厚也盛也茂也詩在彼豐草蒨厥豐草傳箋並云豐茂也通作豐說文云大屋也引易曰豐其屋又與封同封亦大也厚也厚大卽豐字之訓矣苞者釋言云積也積密卽豐茂故詩行葦箋苞茂也長發箋苞豐也通作苞詩苞有三蘂廣韻引作苞有三枿樸苞皆叢生茂密之言也苞與葆聲義同說文葆艸盛兒御覽引通俗文云生茂曰葆音保呂覽審時篇云得時之稻大本而莖葆廣雅云葆茂也又云葆本也本茂卽苞字之訓故詩下

泉斯于生民常武長發傳竝云苞本也本即本尊西京賦云芣萼蓬茸芣與本同本尊皆豐茂之狀由禮非曰豐本本亦茂也詩之

實方實苞箋云豐苞亦茂也方齊等也齊等亦即豐茂之意方本苞俱雙聲苞葆茂俱疊韻故其字音義俱通矣蕪者蕪之段音也

說文云蕪豐也引商書曰庶艸繁穰變作無通作蕪故爾雅釋文云蕪蕃滋生長也古本作繁又通作無庶草繁無今書作庶草

繁蕪釋文無無甫反爾雅釋文亦云蕪或土甫反此古音也又轉為蔓釋草注蕪菁屬釋文蕪本或作蔓蓋蔓延滋長即繁蕪之意

蕪古讀如模模蔓聲轉也茂與蕪亦一聲之轉茂者說文艸豐盛素問五運行大論其化為茂詩德音是茂箋注竝云茂盛也詩于

之茂今種之黃茂傳竝云茂美也美盛義同通作戊戰國策有甘茂說苑雜言篇作甘戊

**擊斂**屈收戢蒐哀鳩搜聚也禮記曰秋之言擊擊斂也春獵為蒐蒐

哀矣左傳曰以鳩其民搜猶今言拘搜聚也

說文云聚會也邑落曰聚方言云萃雜集也東齊曰聚是聚為會集之意集聚聲亦相轉通作取易萃云聚以正釋文聚苟本作取

又通作取樂記云會以聚眾鄭注聚或為取史記周紀集解徐廣曰聚一作取取亦古之聚字取聲近叢說文云叢聚也小爾雅云

取聚叢也聲又近撮莊子秋水篇鴟鵂夜撮蚤釋文撮崔本作取淮南作聚蓋聚取叢竝从取聲撮从最聲三字俱聲轉義同也擊

者說文云束也引詩百祿是擊又云叢或作擊收束也讀若曾通作措說文措聚也又通作道詩四國是道箋道斂也百祿是道傳

道聚也鄉斂酒義云秋之為言愁也郭引愁作擊者據鄭注愁讀為擊擊斂也漢書律曆志云秋難也難即擊字此說文及鄭義所



本又釋名云秋猶也。猶迫品物使時成也。周禮目錄云秋者會也。大玄玄文注云會之言聚也。是皆以聲爲義者也。屈者蟠屈有斂聚之意。聘禮云屈繅鄭注屈繅者斂之詩。屈此羣醜傳屈收也。釋文引韓詩亦云屈收也。收斂得此衆聚。通作訕。漢書揚雄傳音義引諸詮云訕古屈字。又通闕與厥蓋厥屈皆短尾之稱。故會意爲聚耳。戢者說文云藏兵也。藏亦斂。故詩鴛鴦白華箋竝云戢斂也。斂亦聚。故桑扈時邁傳竝云戢聚也。通作輯。書輯五瑞史記作揖。五瑞集解引馬融注揖斂也。詩螽斯傳揖揖會聚也。釋文揖子入反。又通作集。文選東京賦云總集瑞命薛綜注集聚也。又通作戠。易豫云朋盍簪集解引虞翻作朋盍戠。戠聚會也。釋文引作戠。叢合也。然則叢與聚合與會竝字異而義同矣。蒐者按之段。俗也。說文按衆意也。本詩泮水毛傳蓋矢五十爲一束。故言衆意衆聚竝。从叒。故其義同。按隸變作搜。通作廋。公羊桓四年傳秋曰廋釋文。廋本又作搜。又通作蒐。穀梁桓四年傳秋曰蒐釋文。蒐廋氏本又作搜。公羊釋文。廋本亦作蒐。昭八年定十三年釋文竝與此同。左氏昭廿九年釋文。搜本又作蒐。郊特牲釋文。搜本又作廋。是廋搜蒐古俱通用。若以聲義求之。則蒐狩之蒐。搜爲正。體廋爲段音蒐。爲譌字。蒐从鬼聲於義又舛。但經典相承通用。說見釋草茅蒐下。又通作搜。禮祭義云而第達乎搜狩矣。鄭注春獵爲搜。魏大饗碑云周成岐陽之搜。亦作搜字。蓋搜卽搜也。隸書手刃犬旁形近。易淆俗師不曉。因致斯譌。然則搜變爲搜與搜借爲蒐。其失正同矣。哀者揅之段音也。說文揅引取也。玉篇引說文作引聚也。據詩原。揅揅矣。揅聚也。通作揅。哀詩原。揅哀矣。哀時之對。哀荆之旅。毛傳竝云哀聚也。又通作揅。玉篇引易曰君子以揅多益寡。易謙釋文。哀鄭荀董蜀才作揅。云取也。字書作揅。詩會是揅。克釋文。揅蒲侯反。聚斂也。又通作抱。說文。揅或从包。玉篇云抱說文同。揅又通作褒。

禮雜記注招用褻衣也釋文作哀云哀本又作褻爾雅釋文亦云  
 哀古字作褻本或作掙按掙褻一聲之轉褻之為言保也保有聚  
 義故都邑之城曰保村落之城曰聚莊子列禦寇篇云人將保汝  
 矣郭象注保者聚守之謂也是保褻義同褻哀形近疑哀即褻之  
 或體矣鳩者句之段音也說文句聚也讀若鳩通作鳩書共工方  
 鳩備功史記五帝紀作共工旁聚布功左氏襄廿五年傳鳩藪澤  
 昭十七年傳五鳩鳩民者也杜預注竝云鳩聚也隱八年傳以鳩  
 其民襄十六年傳敢使魯無鳩乎注竝云鳩集也集聚義同又通  
 作述說文述聚斂也引虞書曰有述屬功爾雅釋訓云惟述鞠也  
 釋文引字林云述聚斂也本亦作求按求方言訓為按略是求有  
 聚意又通作救說文人部引虞書曰有救偏功按釋器云絢謂之  
 救郭注救絲以為絢是救有糾聚之義也樓者說文云曳聚也玉  
 篇引詩弗曳弗樓樓亦曳也通作婁詩式居婁驕鄭箋婁斂也荀  
 子非相篇作式居屢驕楊倞注屢讀為婁婁斂也又通作婁檀弓  
 云設婁娶鄭注婁娶棺之牆飾周禮婁作柎絳人職云衣袷柎之  
 材鄭注柎之言聚諸飾之所聚釋名云輿棺之車其蓋曰柎柎聚  
 也衆飾所聚亦其形像也按釋名所謂柎車即漢書季布傳之廣  
 柎車也晉灼注亦訓柎為聚又通作婁莊子達生篇云死得於膝  
 楯之上聚婁棺之中釋文引司馬彪云聚婁器名也今家擴中注為  
 之一云聚婁棺停也一云聚當作敢才官反婁當作婁力久反謂  
 殯於敢塗婁娶之中又與蓼同詩烝在栗薪釋文引韓詩作蒸在  
 蓼薪蓼力菊反衆薪也是蓼與婁婁俱聲轉義同矣郭云樓  
 猶今言拘樓聚者一拘古侯反一葢當時方言以拘樓為聚猶今  
 俗語以牢按為聚也後漢書董卓傳云剽虜資物謂之搜牢按搜  
 牢今語轉作牢按牢按猶樓蒐皆斂聚之意方言云按略求也就  
 室曰搜於道曰略略強取也然則方言之按略即漢書之按牢又



卽爾雅之蒐擿矣擿  
牢略俱一聲之轉

肅齊遄速亟屢數迅疾也

詩曰仲山甫徂齊

寒駿肅亟遄速也

詩曰不寒故也駿猶迅速

也亦疾

釋名云疾截也有所越截也又云疾疾也客氣中人急疾也詩旻

天疾威箋疾猶急也周語云高位實疾顛齊語云深耕而疾擿之

章昭注竝云疾速也肅者上文云進也進疾義近故詩小星傳肅

肅疾貌肅有嚴急之意故洪範五行傳側置則侯王其肅鄭注肅

急也通作夙夙早敬也早敬亦疾速故詩載震載夙箋夙之言肅

也是肅夙聲義同又通作速特性饋會禮注宿或作速記作肅是

肅速又通矣齊者壯之疾也釋言云齊壯也尚書大傳云多聞而

齊給荀子臣道篇云齊給如響性惡篇云齊給便敏而無類鄭注

及楊倞注竝云齊疾也郭引詩仲山甫徂齊以齊爲疾蓋本三家

詩說也通作資說苑敬慎篇云資給疾速資給卽齊給也又通作

齋說文云齋炊饋疾也離騷云反信讒而齋怒王逸注齋疾也聲

轉爲捷故淮南說山篇云力貴齊知貴捷高誘注齊捷皆疾也齊

訓疾故衛太叔疾字齊見左傳亦其證矣遄者說文云往來數也

詩遄臻于衛亂庶遄沮式遄其歸傳竝云遄疾也通作顯易已事

遄往釋文遄荀作顯速者說文云疾也通作數考工記總目注速

書或作數弓入注故書速或作數聲近寔說文云寔疾也文選東

都賦云指顧倏忽李善注倏忽疾也亟者說文云敬疾也通作區

說文云極疾也又通作極易說卦云爲亟心釋文亟荀本作極莊

子盜路篇云亟去走歸釋文亟本或作極荀子賦篇云出入其極

又云反覆甚極楊倞注竝云極讀爲亟急也亦通作苟說文苟自

急救也爾雅釋文亟字又作苟同居力反又通作棘釋文亟經典亦作棘按詩棘人樂樂儼狃孔棘棘即亟也匪棘其欲釋文亟或

作棘又通作革檀弓云夫子之病革矣又云若疾革釋文革本又作亟是亟棘革音義俱同矣屢者屨之俗體也釋言云屨亟也說

文云屨務也務趣也言趣赴於事是急疾之義也通作屨公羊莊廿三年傳夫人不屨何休注屨疾也荀子儒效篇云雖有聖人之

知未能屨指也又云賣之不可屨售也楊倞注並云屨疾也又通作屨釋言釋文屨本又作屨詩賓之初筵傳及正月巧言箋並云

屨數也角弓云式居屨驕釋文屨王力住反數也是王肅讀屨為屨也數者與屨同意今人言數數猶言屨屨也屨數有迫促之意

故同訓為疾禮祭義云其行也趨趨以數鄭注趨讀如促數之言速也樂記云衛音趨數煩志鄭注趨數讀為促速考工記總目云

不微至無以為威速也威與蹙同威速即促速也是數訓為速亦通作速曾子問云不知其己之遲數數即速也考工記注速書或

作數是其字通矣迅者說文云疾也釋獸云狼絕有力迅楚辭招魂篇云多迅衆些文選西京賦云紛縱體而迅赴皆以迅為疾也

通作訊凡經典振訊奮訊俱迅之段借故詩雄雉箋奮訊其形貌樂記注奮訊也詩七月傳莎雞羽成而振訊之公羊莊八年注故

以振訊士衆言之釋文並云訊本作迅又與駿同爾雅釋文迅信峻二音是駿迅音又同凡音同者字通○寔者說文云居之速也

詩遵大路傳寔速也正義引舍人曰寔意之速也通作走爾雅釋文寔本或作走同子感反又通作替易朋盍替釋文替徐側林反

子夏傳同疾也鄭云速也埤蒼同王肅又祖感反京作替馬作臧苟作宗虞作哉然則王肅以替為寔其替臧宗哉俱一聲之轉也

替又轉為潛墨子明鬼篇云鬼神之誅若此之替速也是替寔又聲轉義同矣駿者馬之速也詩駿發爾私箋駿疾也通作凌禮大



傳云逡奔走鄭注逡疾也又與峻同峻者嚴急之意也又與徇同說文云徇疾也史記五帝紀云幼而徇齊集解徇疾齊速也禮大學注徇字或作峻讀如嚴峻之峻是峻徇聲義同又與迅同故郭云駿猶迅也第子職云若有賓客弟子駿作注亦以駿為迅矣肅取盪既訓疾又訓速者速亦疾也

壑阮阮滕徵隍濂虛也

壑路壑也阮阮謂阮壑也隍城池無水者方言云濂之言空也皆謂耳滕徵未詳

玉篇云虛居切大工也今作墟又許魚切空也是虛有二音二義古無墟字其空虛工虛並作虛故易云升虛邑釋文虛如字空

也徐去餘反馬云工也詩升彼虛矣爾雅釋水注虛山下基也是皆以虛為墟也後人虛旁加土以別於空虛因而經典亦多改虛

為墟故文選西征賦注引聲類曰墟故所居也升彼虛矣及檀弓虛墓之閒釋文並云虛本作墟是皆以墟為虛也爾雅之虛本以

空虛為義郭云皆謂工墟蓋失之矣壑者釋文云本或作歛說文云歛溝也歛或从土釋言云隍壑也郭注城池空者為壑詩實墉

實壑釋文壑城池也郊特牲云水歸其壑鄭注壑猶阮也是壑有二訓郊特牲之壑謂阮谷也詩韓奕之壑謂隍池也然二義皆謂

空虛郭云壑路壑者晉語云路壑可盈路壑即溝矣阮者說文云閭也蓋阮閭猶閭閻空虛貌也阮阮重文經典所無鄭樵謂衍一

字恐是也後漢書馬融傳注引蒼頡篇曰阮壑也俗作坑莊子天運篇云在谷滿谷在坑滿坑通作亢史記孫臏傳云批亢擣虛蓋

亢亦虛空之地亢即阮矣索隱以相亢拒為解失其義也證以釋名云鹿兔之道曰亢行不由正亢陌山谷草野而過也是亢與阮

同郭云阮壑也者說文作壑云阮也玉篇引左傳注溝壑也又引字書云城隍也然則壑隍阮通謂之壑矣滕者水之虛也說文云

滕水超涌也玉篇引詩百川沸滕水上涌也手詩滕作騰而訓乘  
乘陵亦超涌之意易云滕口說也釋文滕九家作乘然則口以滕  
說爲虛水以滕涌爲虛其義正同矣徵者微之虛也說文云徵从  
徵省徵訓爲隱隱與虛近莊子天運篇云徵之以天釋文徵古本  
多作微按徵亦从徵省下文云徵止也說者謂徵亦當爲徵徵有  
止音然則止爲空盡之義故亦爲虛馬瑞辰曰徵與懲通文選思  
玄賦云懲泚忍而爲清善注懲騰也懲訓爲騰則徵之訓虛與滕  
之訓虛其義又同矣隍者說文云城池也有水曰池無水曰隍引  
易城復于隍詩韓奕正義引鄭注云隍壑也本釋言文又引舍人  
曰隍城池也李巡曰隍城池壑也一切經音義四引蒼頡篇曰隍  
城下隍易泰釋文隍城塹也子夏作塹姚作隍是隍塹隍通隍者  
說文云水虛也虛上當脫之字釋文引作水之空也空當爲虛也  
通作穰諡法云穰虛也省作康詩生民及莊子天運篇釋文竝云  
穰字亦作康賓之初筵箋康虛也正義云康虛釋詁文又通作獻  
說文云飢虛也釋文康字又作獻又通作康說文云屋康寔也方  
言云康空也郭注康寔空貌康或作獻虛字也又通作康文選長  
門賦云委參差以棟梁李善注康與棟同然則棟梁卽康寔矣又  
通作荒釋文引郭云康本或作荒荒亦上虛之空無此蓋引郭音  
義之文康荒古通用故易包荒釋文荒鄭讀爲康云虛也詩具贄  
卒荒我居圉卒荒傳箋竝云荒虛也正義云荒虛釋詁文又引某  
氏曰周禮云野荒民散則削之唯某氏之本有荒字耳其諸家爾  
雅則無之據正義此引則知郭云康本作荒者正指某氏本而言  
毛鄭所見蓋亦此本是荒卽康之異文非康外更有荒字或疑郭  
本多一阡字少一荒字亦非也荒依正文當作穠說文穠虛無食  
也玉篇省作穠是穠爲正體荒乃段借也  
易泰釋文荒本亦作允允亦段借也



黎庶烝多醜師旅衆也皆見洋觀哀衆邴多也詩曰薄言觀者又曰受福不邴洋溢亦多

貌  
說文云衆多也从叀目衆意叀从三人按周語云人三爲衆易說卦云坤爲衆夫陰象爲民庶萌也地數爲耦耦合同也皆會衆意衆通作終終猶充也充滿義亦爲衆故雜卦云大有衆也釋文衆荀作終士相見禮注今文衆爲終又釋草衆梳貫衆之衆古俱音終亦其證矣黎庶者民之衆也說文云黔黎也秦謂民爲黔首謂黑色也周謂之黎民按黎民見堯典非起於周民不皆黑色舉其衆多而言也詩民靡有黎毛傳黎齊也鄭箋黎不齊也不同者齊與不齊皆會衆意也黎通作勑韓勑後碑云勑勑民又通作黎桐柏廟碑云黎庶賴祉又通作犂三公山碑云羣犂百姓是皆以聲爲義也庶者說文云屋下衆也从苙苙古文允字按允亦廣也允廣皆衆盛之意釋文云庶修也奢修亦衆多之意庶通作冊說文云冊與庶同意漢孔和碑庶卽作冊按冊本四十字數之積也故與庶意又同矣烝者氣之衆也說文云烝火氣上行也春秋繁露云畢熟故烝烝言衆也是冬祭之烝亦訓爲衆通作蒸詩天生烝民孟子作天生蒸民又通作媵易小過注則蒸而爲雨釋文蒸字又作烝或作媵按媵訓送女與衆義近廣韵烝媵同部則音又近矣醜者傳也類也傳輩羣類皆以衆言之也詩戎醜攸行以謹醜厲屈此羣醜傳立云醜衆也通作媿武梁祠堂畫像云無鹽媿女媿卽醜也按醜與媿雖俱从鬼而聲不相應醜訓可惡因惡生媿此則以義段俗不可以聲求者也師旅者人之衆也說文云

旅卒兩伍皆衆名也釋言云師人也入者槩乎衆之詞也廣雅云師官也官从自音堆自亦衆矣旅之爲言俱也俱亦衆意故樂

記云進旅退旅鄭注旅猶俱也詩旅力方剛殷商之旅傳並云旅衆也旅又敘也陳也陳列敘次其義亦皆爲衆也○多旣爲衆衆

又爲多互相訓也洋者匡謬正俗云今山東俗謂衆爲洋按以洋爲多古今通語故詩闕宮傳洋洋衆多也碩人傳洋洋盛大也衡

門傳洋洋廣大也大明傳洋洋廣也廣盛大俱與多義近通作穰執競傳穰穰衆也文選東京賦注穰穰衆多也穰聲同壤史記滑

稽傳云穰穰滿家貨殖傳云天下壤壤皆爲利往壤壤即穰穰也聲轉爲蠅蠅尚書大傳云禾黍蠅蠅蠅蠅亦洋洋也方言云蠅東

齊謂之羊郭注此亦語轉耳今江東人呼羊聲如蠅然則蠅蠅即洋洋矣又轉爲油油文選思舊賦注引大傳作禾黍油油詩河水

洋洋楚辭九歎注引作河水油油又轉爲繩繩漢書伍被傳張晏注作黍苗之繩繩繩繩亦蠅蠅也古讀洋詳同音故穆天子傳云

庚辰濟于洋水郭注洋音詳海內西經注亦云洋音翔洋讀爲詳則知繩繩亦洋洋之聲轉爾雅釋文以讀洋爲詳者非蓋未通於

郭音矣觀者郭引詩薄言觀者又適觀厥成奄觀銜艾箋並云觀多也永觀厥成釋文亦云觀多也聲同灌灌叢也叢聚亦多也釋

文云觀顧謝音官施古喚反古喚反者讀如觀兵之觀觀訓示也示於人必多於人也故訓多矣哀者上文云聚也聚則多矣故又

爲多詩哀時之對鄭箋哀衆也那者詩受福不那猗與那與傳並云那多也有那其居釋文引王肅亦云那多也通作難難那聲轉

故難有那音隰桑有阿其葉有難難即音那毛傳難然盛貌盛多義近是阿難即阿那也俗加女旁爲婀娜矣又通作難詩猗難其

枝猗難即阿那也受福不那說文鬼部作受福不難周禮占夢注故書難或爲難是難難那古皆通用又詩猗難其華楚辭九歎注



引作濟旒其華釋文郡本或作紉  
廣雅云紉多也紉蓋郡之或體耳

### 流差束擇也

皆選擇  
見詩

說文云擇東選也淮南本經篇云是以不擇時日高誘注擇選也  
呂覽簡選篇云與惡劍無擇高注擇別也通作澤禮射義云天子  
將祭必先習射於澤澤者所以擇士也曲禮云共飯不澤手鄭注  
澤謂撻莎也澤或爲擇按撻莎者詩葛覃釋文引阮孝緒字略云  
煩擱猶撻莎也然則撻莎煩擱皆去垢污以取精潔與擇義近故  
其字通矣流者釋言云求也求擇義近詩左右流之流宜訓擇毛  
傳流訓求筆訓擇者蓋以淺深爲義實則二義亦相成也大戴禮  
曾子立事篇云觀說之流盧辯注流謂部分漢書食貨志云朱提  
銀重八兩爲一流流謂流別蓋亦選擇之名故分別人物謂之品  
流也流之與離俱以分別爲義故晁旒衣旒俱从流聲其義亦近  
通作疏左氏昭廿年傳出入周流釋文流古本有作疏者疏有分  
離之義流是區別之名故於義得通矣差者詩穀日于差旣差我  
馬傳箋竝云差擇也旣夕記云差盛之鄭注亦訓爲擇爾雅釋文  
差楚佳反詩關雎釋文差初宜初佳二反初宜反者訓次也等也  
然等次與別擇亦近差聲近斯左氏襄十四年傳庚公差孟予作  
庚公斯釋言云斯離也說文云斯析也離析與別擇之義又近也  
柬者說文云分別簡之也从束从八八分別也荀子脩身篇云安  
燕而血氣不惰柬理也楊倞注柬與簡同言柬擇其事理所宜通  
作揀一切經音義五引坤蒼云揀擇也玉篇云揀力見反擇也又  
音簡亦通作簡詩簡兮箋簡擇也周禮趣馬云簡其六節禮王制  
云簡不肖以紕惡鄭注簡差也擇也文選東京賦及魏都賦長楊  
賦注竝引爾雅作簡擇也是簡東通方言云橋揀選也一矯騷兩

音一自關而西秦晉之間凡取物之  
上謂之橋梢按橋梢簡選聲亦相轉

戰慄震驚難竦恐懼也詩曰不難不  
竦懼即懼也

說文云懼恐也方言云懼驚也通作懼莊子天運篇云吾始聞之  
懼庚桑楚篇云南榮趯懼然顧其後釋文竝云懼本作懼蓋懼懼

竝从瞿聲瞿有驚遽之意也戰者廣雅云憚也白虎通引尚書大  
傳曰戰者憚驚之也法言云見豺而戰李軌注戰悸也詩傳戰戰

恐也孝經注戰戰恐懼釋訓云戰戰踰踰動也動亦恐動也與顛  
同玉篇云顛動也廣韻云顛四支寒動淮南說山篇云故寒顛懼

者亦顛高誘注顛讀天寒凍顛之顛是顛戰聲義同寒顛即寒戰  
矣慄者栗之俗體古止作栗說文肉部引徐巡說木至西方戰栗

論語使民戰栗是栗為本字通作慄廣雅云慄戰也詩惴惴其慄  
傳慄慄懼也莊子人間世篇云吾其慄之素問瘧論云寒慄鼓頷

王砭注慄謂戰慄調經論注慄謂振慄也按振慄即戰慄聲轉又  
通作凜說文云凜寒也素問氣交變大論云其變凜冽詩二之日

栗烈傳栗烈寒氣也栗烈即凜冽矣震者動之懼也下文云震動  
也說文云震劈歷振物者蓋震霆疾威故會意為懼周語云玩則

無震章昭注震懼也通作振書震驚朕師史記五帝紀作振驚朕  
衆又通作祗書云爾謂朕曷震動萬民以遷漢石經震作祗日嚴

祗敬六德史記夏紀祗作振治民祗懼魯世家作治民震懼蓋震  
懼祗敬其義相近震祗聲又相轉故古字通矣驚者說文云馬駭

也文選西京賦注驚憚謂皆使駭怖也羽獵賦注引宋衷春秋緯  
注云驚動也驚動與震動同意驚之言猶警也警訓敬戒與恐懼

義近故文選歎逝賦云節循虛而警立李善注警猶驚也驚者下  
文云動也說文云敬也皆與懼義近故詩不懋不竦傳云懋恐也



通作根報訓慙亦與懼近故楚語云否則報章昭注報懼也聲轉  
爲臙說文云臙見鬼驚聲讀若詩受福不難蓋慙從難聲臙從難  
省聲訓爲驚懼其義又同矣棟者惟之段音也說文云惟懼也从  
雙省聲引春秋傳曰鄒氏惟通作慙說文云慙驚也讀若棟又通  
作聳方言云聳棟也左氏昭六年傳聳之以行杜預注聳懼也漢  
書荆法志作樓之巨行晉灼注樓古棟字也按樓卽樓字從雙不  
省駟氏樓左氏昭十九年傳作駟氏聳文選廣絕交論注引爾雅  
亦作聳懼也又通作棟說文云棟敬也棟訓敬與慙同意故不難  
不棟毛傳棟懼也後漢書張綱傳云京師震棟文選長楊賦云整  
輿棟戍李善注棟與聳古字通又通作棟不難不棟家語弟子行  
篇作不難不棟一切經音義十三引字林云棟惶遽也恐者詩云  
將恐將懼素問藏氣法時論云善恐知人將捕之聲近供廣雅云  
供懼也方言云蚤供戰慄也一鞏恭兩音一荆吳曰蚤供蚤供又  
恐也按蚤供疊韵合之爲恐聲又近兇一許拱切一左氏僖廿八  
年傳曹人兇懼然則供兇合聲亦爲恐矣惛者說文云懼也讀若  
疊莊子達生篇云是故選物而不惛通作暈說文云暈失氣也逸  
周書大戒篇云大則驕小則懼曲禮云則志不懼鄭注懼猶怯惑  
樂記云柔氣不懼鄭注懼猶恐懼也又通作暈廣雅云暈懼也一  
一切經音義七云暈聲類作暈同止業反又通作熱說文云熱補也  
一切經音義九云暈古文熱或作驚說文驚失氣言傅毅讀若惛  
按惛古讀若疊亦通作疊詩莫不震疊傳疊懼也吳都賦云鈺鼓  
疊山劉逵注疊振疊也振疊卽震疊震疊又卽震惛俱聲同段借  
也字

痛瘖虺頰玄黃劬勞各頓瘡瘵鰓戮瘋癘痺痒疝疵閔逐痲瘳瘳痲

瘡瘵瘻瘳病也

杜預云黃皆人病之通名而說者便謂之馬病失其義也詩曰生我劬勞書曰智藏瘵在相戮辱亦可取

病也今江東呼病曰瘵東齊曰瘻禮記曰親齊色容不盛戮逐未詳餘皆見詩

說文云疾病也病疾加也釋名云疾疾也客氣中人急疾也病竝也與正氣竝在膚體中也按古人疾病連言病甚於疾故說文訓

為疾加論語鄭注病謂疾益困也包咸注疾甚曰病皆其義也病與秉通見士冠禮注秉與柄通見周禮鼓人注又與炳通見文選

與吳質書注蓋炳柄俱从丙病亦丙聲凡聲同者字亦通也痛瘳者說文竝云病也詩卷耳及鴟鴞傳同痛通作鋪爾雅釋文痛詩

作鋪詩釋文痛本又作鋪淮夷來鋪淪胥以鋪毛傳及王肅竝云鋪病也後漢書蔡邕傳注引韓詩作勳胥以痛云痛病也是痛鋪

通瘳通作屠廣雅云屠壞也壞與病義近爾雅釋文瘳詩作屠卷耳及鴟鴞釋文瘳本又作屠是屠瘳通詩正義引孫炎曰痛人疲

不能行之病瘳馬疲不能進之病也此蓋望文生訓知不然者鴟鴞詩言予口卒瘳彼非馬病故知此亦人病之通名耳杜預者卷

耳傳云病也釋文也說文作瘳按瘳字誤說文作瘳云病也引詩譬彼瘳木毛詩瘳作壞故傳云壞瘳也謂傷病也是壞當作瘳一

胡罪反一詩及爾雅之也俱瘳之段音類詩作瘳亦段音也釋文

讀說文作類按說文作瘳云禿兒隸作類通作瘳說文瘳下隊也釋名陰腫曰瘳氣下瘳也然則瘳瘳亦人病之通名詩釋文引孫

炎云馬馯不能升之病亦望文生訓耳且瘳瘳二字俱為段音漢書景十三王傳云日崔瘳集注崔瘳猶言蹉跎也蓋蹉跎與崔瘳

聲轉崔瘳又與瘳瘳聲近證知此等段借之字皆以聲為義也瘳瘳通作退見易繫辭釋文玄黃者卷耳傳玄馬病則黃爾雅邢疏引孫炎曰玄黃馬更黃色之病郭氏不從以為人病之通名是也按



易云其血玄黃詩云何草不黃何草不玄明不獨馬病爲然故素問五藏生成論云黃如蟹腹者生黑如烏羽者生史記扁鵲倉公傳云望之殺然黃察之如死青之茲又云胃氣黃黃者士氣左氏哀十三年傳肉奩者無墨是皆玄黃之義爲人病之通名矣劬勞者力乏之病也詩凱風及鴻鴈傳並云劬勞病苦也楚辭九歎云躬劬勞而瘖悴劬者禮內則云見於公宮則劬鄭注劬勞也鴻鴈釋文引韓詩云劬數也頻數亦勞也通作瞿素問靈蘭秘典論云窘乎哉消者瞿瞿王冰注瞿瞿勤勤也又通作懼方言云懼病也是懼瞿劬並聲義同勞者下文云勤也說文云勦也淮南精神篇云好憎者使入之心勞高誘注勞病也又云竭力而勞萬民汜論篇云以勞天下之民高注並云勞憂也憂亦病詩言維憂用勞蓋因憂思而成病矣谷者說文云災也災卽病也古人謂病曰災故公羊莊廿年傳大災者何大瘡也何休注瘡病也齊人語也是傳注俱訓災爲病今東齊人謂病爲災蓋古之遺言也詩或慘慘畏谷與劬勞盡瘁句意相對此卽爾雅谷訓爲病之義谷通作臯臯陶古作谷絲臯有緩義筋脈弛緩亦人之病故左氏哀廿一年傳云魯人之臯又云以爲二國憂臯之爲病又其證矣頽者說文云頽頽也荀子王霸篇云勞苦耗頽莫甚焉楊倞注頽頽頽也通作瘁詩瘁瘁日瘁邦國殄瘁毛傳並云瘁病也文選數逝賦注引蒼頽篇曰瘁憂也憂亦病也又通作悴說文云憂也方言云傷也傷亦病也釋文頽字或作悴數逝賦注瘁與悴古字通又通作萃詩出車及四月釋文並云瘁本作萃左氏成九年傳作蕉萃昭七年傳作憔悴一切經音義六又作憔悴而云三蒼作頽頽按頽俗字徐鉉所增說文作醺爲正玉篇引楚辭云顏色醺頽是矣瘡者說文云病也通作勦釋文瘡字亦作勦按勦卽勤字與劬勞同意故訓病矣瘡者詩胡俾我瘡交相爲瘡毛傳並云瘡病也通作瘡下

文檢勞也勞亦病龍龕手鑑四引爾雅舊注云瘡勞病也是瘡瘡

同又通作愈詩憂心愈愈釋訓作瘳瘳漢書宣帝紀注瘳或作瘡

是矣說文瘡訓病瘳蓋小瘳而猶病今以病瘳為愈可知詩之愈

愈即瘡瘡傳訓為憂懼似失之也愈瘳皆即瘡之或體字耳瘡之

聲轉為猶詩無相猶矣其德不猶箋竝云猶當作瘡瘡病也又轉

為過詩無過爾躬釋文引韓詩云過病也縲者亦段借字也經典

通作矜書有縲在下史記五帝紀作有矜在民間後漢書和帝紀

云朕寤寐惻惻矜李賢注矜病也別作瘳瘳瘳在正義引鄭注

瘳病也惻惻乃身鄭注刑罰及己為痛病按瘳字字書所無玉篇

廣韻有瘳字古頑切云病也疑瘳瘳形近而譌耳瘳者辱之病也

周禮序官掌戮注云戮猶辱也廣雅及晉語注竝云戮辱也說文

云辱恥也从寸在辰下失耕時於封疆上戮之也是戮取恥辱為

義訓為病者士冠禮云恐不能共事以病吾子鄭注病猶辱也是

戮訓病之證郭義所本又云戮未詳者疑未敢定也瘳者鼠之段

音也詩鼠思泣血箋鼠憂也憂即病也淮南說山篇云狸頭愈鼠

即今之鼠創病高誘注以為鼠齧人創非矣通作瘳詩瘳憂以瘳

傳瘳瘳皆病也中山經云脫扈之山有草名曰植楮可以已瘳郭

注瘳病也爾雅釋文引舍人云瘳心憂瘳之病也孫炎云瘳者畏

之病也按鼠貪而畏人孫炎蓋取鼠思為說舍人則本瘳憂為訓

也瘳者瘳之俗體也說又云瘳懼也引詩棘入瘳瘳今通作瘳詩

素冠傳樂樂瘳瘳貌箋瘳瘳也又通作瘳爾雅釋文引舍人云瘳心

憂瘳之病也蓋積憂成病骨體瘳瘳與毛鄭義合釋文又云瘳郭

作拘瘳同力專反蓋郭欲破瘳為瘳文選登徒子好色賦注引爾

雅即作瘳病也又據郭義追改爾雅此皆非矣瘳者瘳之俗體也

說文云瘳病也下文云憂也憂病義相成通作里詩悠悠我里傳

里病也云如何里箋里憂也釋文引王肅云病也又通作瘳爾雅



釋文引舍人云瘵心憂憊之病也玉篇引詩作悠悠我瘵十月之交釋文里本或作瘵後人改也雲漢釋文里本又作瘵爾雅作悝

今按爾雅憂病二義其字皆當作悝陸德明知悝憂作瘵爲後人改字不知悝病作瘵亦後人改字也宜據說文訂正焉瘵者說文

云瘍也瘍頭創也詩瘵憂以瘵稼穡卒瘵傳箋並云瘵病也爾雅釋文引舍人云瘵心憂憊之病也按瘵癘瘵瘵瘵四字舍人義訓俱

同蓋憂思煎灼氣血鬱蒸故或蘊而爲瘍或結而爲病瘵是道焉玉篇瘵與癘同非也癘字說文作疥云搔疥也或作癘通作瘵與

瘵聲同義別玉篇謂相通俗謬矣瘵者說文云病也玉篇渠支丁禮二切釋文底又音支詩祗自底兮俾我底兮傳並云底病也爾

雅釋文引孫炎云底滯之病也通作疲爾雅釋文底本作疲字書云无祗悔鄭注亦云祗病也又別作疲爾雅釋文底本作疲字書云

疲病也聲類猶以爲祗字按此則爾雅復有作疲之本說文云疲勞也勞亦病通作罷齊語云罷士無伍罷女無家韋昭注罷病也

是罷卽疲疲亦病爾雅古有作疲之本亦其證矣疵者說文云病也禮運云是謂疵國莊子逍遙遊篇云使物不疵癘疵皆訓病書

云知我國有疵馬融注疵瑕也瑕亦病也通作些漢書翟義傳云固知我國有疵災集注些病也又通作訾檀弓云亦非禮之訾也

鄭注訾病也又通作疝一切經音義二云疵古文疝同說文云疝瑕也瑕玉篇作瘕是瘕瑕疵疝俱字異音義同閱者說文云弔者

在門也玉篇云閱病也傷痛爲閱是閱兼疾病傷痛二義說文唯主後義玉篇爲長經典亦二義互見故詩觀閱旣多鬻子之閱斯

閱予小子及儒行云不閱有司毛鄭並云閱病也是皆玉篇前義本於爾雅也左氏宣十二年傳寡君少遭閱凶楚辭天問篇云閱

妃匹合又云舜閱在家杜預及王逸注並云閱憂也閱予小子箋閱悼傷之言也是皆玉篇後義亦與前義相成也通作文儒行注

閱或為文又通作憫淮南主術篇云年衰志憫高誘注憫憂也又

通作愍說文愍痛也一切經音義三引字詁云古文愍今作閱詩

載馳及儒行釋文竝云閱本作愍又通作潛左傳魯閔公史記世

家作潛公又通作潛范曄蔡澤傳云竊閱然不敏索隱引鄒誕生

本作潛漢書劉向傳注潛古閱字又通作潛廣雅瘠病也又通作

瘠詩多我觀瘠箋瘠病也然則觀瘠即觀閱古字通矣逐者通作

軸詩碩人之軸箋軸病也是軸即逐但逐軸俱段音未審孰為本

字也說文疔小腹痛从肘省聲一陟柳切一詩怒焉如擣釋文擣

韓詩作疔疔逐聲轉或古字通也疔者久之俗體也說文久貧病

也引詩熒熒在久通作疔釋名云疔久也久在體中也詩憂心孔

疚孌孌在疚傳竝云疚病也又通作究雲漢釋文疚本或作久又

作究召旻釋文亦云然也瘳者詩使我心瘳亦孔之瘳傳竝云瘳

病也通作悔十月之交釋文瘳本又作悔蓋瘳有悔音故亦通悔

爾雅釋文瘳兼味晦二音是矣瘳者詩天方薦瘳周語云無天昏

札瘳之憂毛傳及章昭注竝云瘳病也左氏昭十九年傳札瘳天

昏杜預及賈逵注竝云小瘳曰瘳通作瘳左氏釋文瘳字林作瘳

廣韻云瘳小瘳病也瘳者說文云風病也从非聲釋文引說文蒲

愷反者按陶注本草說蝦蟆云此是腹大皮上多瘳瘳者是也一

切經音義十五引字略云瘳瘳小腫也通作瘳詩百卉具瘳毛傳

瘳病也釋文引韓詩云變也變病義近聲又相轉文選戲馬臺詩

注引毛詩作瘳今本作瘳玉篇引詩正作百卉具瘳可知瘳古本

作瘳矣瘳者瘳之或體也說文瘳勞病也蓋據下文云瘳勞也因

勞致病故云勞病詩下民卒瘳史記扁鵲倉公傳云風瘳客胥毛

傳及索隱竝云瘳病也素問瘳論云名曰瘳瘳王冰注瘳熱也通

作瘳說文瘳黃病也玉篇瘳亦作瘳又通作瘳禮緇衣云章義瘳

惡引詩下民卒瘳鄭注竝云瘳病也詩板釋文瘳沈本作瘳爾雅



釋文引孫炎云瘡疫病也又通作瘡詩板釋文瘡本又作瘡桑柔  
釋文瘡本亦作瘡爾雅釋文瘡又徒丹反是瘡有瘡音亦通作瘡  
淮南覽冥篇云斬艾百姓殫盡大半高誘注殫病也又通作瘡土  
冠禮注古文瘡爲瘡縑衣釋文本作者下民卒瘡云瘡本亦作瘡然  
則瘡古作瘡後人加疒爲瘡耳瘡者說文云病也詩苑柳瞻仰傳  
同郭云今江東呼病曰瘡東齊曰瘡者一切經音義十引三蒼同  
是郭所本也通作瘡易天際翔也釋文引鄭注際當爲瘡瘡病也  
鄭讀瘡爲瘡故詩無自瘡焉箋云瘡接也是亦讀爲交際之際爾  
雅釋文瘡側界反字林側例反詩釋文亦兼二音蓋瘡从祭聲故  
二讀俱通矣瘡者詩亂離瘡矣瘡此下民傳竝云瘡病也方言及  
說文同通作瘡文選關中詩及爲范尚書表竝云亂離斯莫李善  
注引韓詩作瘡字薛君曰莫散也又求民之瘡文選齊故安陸昭  
王碑注引作瘡求民之瘡云班固漢書引詩而爲此瘡按班所引亦  
必三家詩也瘡者玉藻云親瘡色容不盛鄭注瘡病也通作瘡公  
羊莊廿年釋文瘡病也本或作瘡方言云凡物生而不長大謂之  
瘡又曰瘡郭注今俗呼小爲瘡然則瘡亦瘡小故其字通易說卦  
云爲瘡釋文瘡京荀作  
柴按瘡瘡亦聲轉義同

恙 寯 惺 盱 絲 慘 恤 懼 憂 也 今人云無恙謂無憂也寫有憂者思散寫  
也詩曰悠悠我惺云何盱矣絲役亦爲憂

也愁

憂者息之段音也說文云息愁也通作憂下文云憂思也按憂又  
患也病也病與憂相連故樂記云病不得其衆也鄭注病猶憂也  
孟子云有采薪之憂趙岐注憂病也爾雅憂病相次亦其義也憂  
與憂同楚辭抽思篇云傷余心之憂憂王逸注憂痛貌也恙者說

文云憂也匡謬正俗八引爾雅作恙憂心也此蓋爾雅舊注之文又引風俗通云恙噬人蟲也善噬人心人每患苦之御覽三百七十六引風俗通云恙病也凡人相見及通書問皆曰無恙是應劭以無恙爲無病郭氏以爲無憂義相成也玉篇恙字亦兼憂病二義楚辭九辯云還及君之無恙王逸注亦以無恙爲無憂矣通作養詩中心養養傳箋竝以養養爲憂也寫者今未詳詩泉水傳寫除也蓼蕭傳輸寫其心也郭注本此而云有憂者思散寫蓋失其義矣馬瑞辰曰管子白心篇云臥名利者寫生危寫當訓憂謂寢息於名利必多危險故憂生危尹注訓寫爲除非也惺者說文云病也病亦憂也通作里俗作瘳已詳上文又通作憇說文云楚頽之間謂憂曰憇一力之力置二音一方言憇作憇字形之誤也肝者忡之段音也說文云忡憂也讀若吁釋文肝本或作忡是也通作吁詩云何吁矣毛傳吁憂也又通作吁詩云何其吁云何吁矣鄭箋竝云吁病也病與憂義亦同也絲者亦段音也廣韻引詩我歌且絲絲蓋訓憂郭云絲役亦爲憂愁此望文生義耳下文又云絲喜也二義相反凡俗聲之字不必借義皆此例也絲蓋搖之段俗方言云搖憂也釋訓云搖搖憂無告也通作搖詩中心搖搖毛傳搖搖憂無所愬是搖搖卽搖搖故釋文搖本又作搖也搖又通絲故周禮追師釋文絲本或作搖明堂位釋文搖本又作絲又通作陶陶絲古音同廣雅云陶憂也詩憂心且妯一切經音義十二引韓詩作憂心且陶是陶訓憂之證聲轉爲悠詩十月之交傳悠悠憂也又轉爲愈詩正月傳愈愈憂懼也慘者慄之段音也說文云慄愁不安也詩念子慄慄釋文慄七感反說文七倒反通作慘說文云毒也毒有傷痛之意釋訓云慘慘慄也慄憂義近故李巡注以憂怒爲說也詩正月傳慘慘猶戚戚也抑傳慘慘憂不樂也北山釋文慘字亦作慄白華釋文慄慄亦作慘慘是慘慄通



戴氏震毛鄭詩攷正云詩中慘慘皆燥燥之譌今按燥慘聲轉古  
字通俗不必以爲譌也又通作慄詩勞心慄兮釋文慄七老反憂  
也廣雅同又通作慄說文云痛也詩胡慄莫懲釋文慄亦作慘慘  
不畏明釋文慘本亦作慄是慘又皆爲慄之段俗矣慄者與卹同  
說文竝云憂也經典亦卹慄通一切經音義九引孫炎曰卹救或  
憂也卹與慎同又與溼同方言竝云憂也宋衛或謂之慎陳楚或  
曰溼溼慎卹俱一聲之轉也卹者詩逢此百罹無父母詒罹我獨  
于罹傳箋竝云罹憂也通作離免爰斯干釋文竝云罹本亦作離  
亂離瘼矣傳亦云離憂也書不罹于咎史記宋世家作不離于咎  
又通作羅書罹其凶害釋文罹本亦作羅漢書于定國傳云羅文  
法者于公所決皆不恨集注羅罹也罹離聲同罹  
羅聲轉故其字通方言云羅謂之離離謂之羅

倫勤叩敕勤愉庸瘳勞也

詩曰莫知我勤維王之中哀我瘳人國語

勞苦者多惰愉

今字或作廡同勞來強事謂翦篲勤也

詩曰職勞不來自勉強者亦

曰迨其謂之

勞者說文云勩也上文云病也病勩義相成於易坎爲勞卦流而

不盈行險而不失其信可謂勞矣於人自力爲勞人勸勉之亦爲

勞爾雅之前勞爲自力後勞爲人勉也勞兼二義亦兼二音故玉

篇勞兼力刀力到二切釋文勞力報反欲將二義并爲一音失之

矣倫者郭以倫理爲訓亦失之倫蓋與論同釋言云淪率也郭云

相率使然則率率役使其義亦爲勞也洪頤煊叢錄引儀禮既夕  
記注古文倫爲輪易說卦爲弓輪釋文輪本作倫倫輪古字通用  
輪轉則勞故倫亦爲勞矣勤者詩莫知我勤傳勤勞也通作肄肄

習亦勤勞故詩既詒我肆毛傳肆勞也正義引孫炎曰習事之勞也莫知我勤左氏昭十六年傳作莫知我肆又通作肆肆力亦勤勞肆肆聲義俱近經典多通叩者禮經衣云維王之叩鄭注叩勞也詩亦孔之叩維王之叩傳箋並云叩病也病勞義亦近也叩與劬同意劬訓為勞劬勞又俱訓病劬叩亦一聲之轉也敕者說文云誠也教誠訓敕亦為勞苦通作飭釋文敕本又作飭釋名云敕飭也使自警飭不敢廢慢也經典敕勅勅三字相亂勅本音賚而讀以為勅敕本从支而強以从力廣韻因之而云敕今相承用勅又云勅與敕同玉篇亦云敕今作勅然則其誤久矣勤者諡法云勞也通作廛漢書文帝紀云廛身從事敘傳云賈廛從旅集注並云廛古勤字文選長楊賦云其廛至矣李善注引古今字詁曰廛今勤字也愉者蓋瘡之段音也上文云瘡病也病勞二義相涉俱通故勞訓病又訓勤瘡訓病又訓勞瘡亦訓病又訓勞通作愉瘡作瘡一切經音義引爾雅云瘡勞也凡七見皆作瘡疑本郭注愉或作瘡而生訓也但瘡字當作瘡說文瘡本不勝未微弱也讀若庚玉篇瘡勞病也是病勞之訓生於微弱郭以勞苦者多情愉蓋失之矣庸者說文云用也从用庚庚更事也用力者勞更事者亦勞故釋訓云庸庸勞也周禮司勳云民功曰庸庸亦勞也故荀子大略篇云庸庸勞勞是其義也詩我生之初尚無庸文選思玄賦云庸織路於四裔今鄭箋及舊注並云庸勞也通作用書帝庸作歌史記夏紀作帝用此作歌按今人言不勞如是作不用如是用之訓勞亦其證矣瘡者上文云病也說文云勞病也通作瘡詩哀我憚人憚我不暇我心憚暑傳並云憚勞也雲漢釋文引韓詩云憚苦也苦亦勞也大東小明釋文並云憚丁佐反徐又音旦字亦作瘡爾雅釋文瘡丁賀反本或作憚音同○勤既訓勞勞亦訓勤此勞讀為力報反是矣一切經音義九引舍人曰勞力極也力極



卽說文勞訓勩之意以言勞來則非也勞者謂敘其勤苦以慰勉之故詩序云出車以勞還杖杜以勤歸是其義也旱麓云神所勞矣孔子闕居云奉三無私以勞天下毛鄭竝云勞勞來皆與爾雅合來者勩之段音也說文勩訓勞此勩訓勤勤勞一耳通作來孟

子引放勩曰勞之來也此蓋古尚書文周禮樂師云詔來瞽臯舞鄭衆注來勩也言來卽勩字詩職勞不來昭茲來許適追來孝來句來宣傳箋竝云來勩也一切經音義十二引舍人曰來強事也釋文來本又作勩力代反本或作勩是賚又通矣強者亦段音也當作勞說文勞訓迫蓋迫猶勩也勩也勩勉之者所以作其勤也考工記梓人云強飲強會詩洞酌傳樂以強教之此皆強訓勤之意矣事者韓非喻老篇云爲也小爾雅云力也用力作爲其義俱爲勩也事之爲言勩也事其事者亦勩也禮儒行云先勞而後祿鄭注勞猶事也勞訓勤則事亦訓勤矣通作士又通作仕俱以聲爲義也或疑強事二字經典無訓勤之文邵氏晉涵正義因以強事本舍人注傳寫溷入正文今按詩云偕偕士子偕強也士事也此卽強事之義曲禮云四十四曰強仕強仕卽強事而云爾雅本無強事之文過矣謂者釋名云謂猶謂也猶得勩不自安謂謂然也廣雅云謂使也役使義亦爲勩也詩迨其謂之謂之何哉選不謂矣箋竝云謂勩也通作彙易泰釋文彙古文作萑鄭云勩也勩者猶言前也進也前進皆有勩意筆者通作肆文選東京賦云瞻仰二祖厥庸孔肆薛綜注肆勤也肆筆一聲之轉段氏玉裁

悠傷憂思也

皆感懷惟慮願念怒思也

詩曰怒如調飢

說文云息容也一容當爲容一从凶聲按从凶聲兼意凶嗇蓋也入從凶至心如絲相貫心凶二體皆慧知所藏人之思慮生於心

而屬於謔故善記憶者謂為謔盛多思慮者或言傷謔焉釋名云  
 思司也凡有所司捕必靜思忖亦然也按思兼二義心所蓄藏謂  
 之意思心所思存謂之思念爾雅前一條為意思後一條為思念  
 故郭於前條注云皆感思釋文音司嗣反而於後條不復加音明  
 讀如本音也悠者方言云鬱悠思也郭注猶鬱陶也按鬱悠鬱陶  
 俱雙聲字陶讀如遙也上文悠訓遠此訓思者遠之思也故詩關  
 雎傳悠思也重文亦然故釋訓云悠悠思也凡言悠者俱思而兼  
 遠通作攸詩悠悠我里爾雅釋文作攸攸我里又司農劉夫人碑  
 云極攸遠索亦以攸為悠也又通作遙詩悠悠我思說苑辨物篇  
 作遙遙我思悠遙聲轉遙訓為遠悠為遠之思亦其證矣傷者傷  
 之段音也說文云傷憂也釋文傷字書作傷是矣通作傷傷創也  
 病也與憂同意故同訓詩卷耳及澤陂傳箋竝云傷思也聲轉為  
 慎又為溼方言竝云憂也又云慎思也凡思之貌亦曰慎慎溼傷  
 俱一聲之轉也憂者已見上文又訓思者素問五運行大論云其  
 志為憂王冰注憂慮也思也聲轉為恁一如深切一文選典引云  
 勤恁旅力蔡邕注恁思也○方言云懷怒惟慮願念思也惟凡思  
 也慮謀思也願欲思也念常思也說文亦同俱本爾雅為訓也懷  
 者說文云念思也諡法云思也詩卷耳野有死麕南山常棣傳懷  
 俱訓思終風傳懷又訓傷楚辭悲回風篇云惟佳人之獨懷兮懷  
 又訓念念與傷亦俱為思也惟者詩載謀載惟淮南精神篇云惟  
 像無形鄭箋及高誘注竝云惟思也通作維詩維天之命釋文引  
 韓詩云維念也匡謬正俗云古文尚書皆為惟字今文尚書變為  
 維字是維惟通慮者上文與惟俱訓謀此又訓思故方言說文竝  
 云慮謀思也釋名云慮旅也旅眾也易曰一致百慮慮及眾物以  
 一定之也荀子禮論篇云禮之中焉能思索謂之能慮正名篇云  
 情然而心為之擇謂之慮是皆以慮為思也願者段借字也說文



願不訓思而別出願字訓謹按諡法云思慮不爽曰愿是原亦訓思愿與慎同意方言慎亦訓思說文慎愿俱訓謹是愿為謹慎之思也通作願大戴禮文王官人篇云言願以為質盧辯注願當為愿詩終風箋願思也二子乘舟及伯兮箋又云願念也念亦思矣怒者詩怒如調飢怒焉如擣傳箋竝云怒思也汝墳正義引舍人曰怒志而不得之思也說文及方言訓怒為憂方言又訓怒為傷為痛為悵然則怒為憂悵之思也故舍人以為志而不得矣通作慟說文云憂兒讀與怒同汝墳釋文怒韓詩作慟又通作慝文選洞簫賦云憤伊鬱而酷慝李善注引蒼頡篇曰慝憂貌玉篇音奴的切一切經音義十六云慝古文怒慝二形

祿社履戩被禧禔社福也

詩曰福履綏之俾爾戩戩穀被祿康矣禔禧書傳不見其義未詳

說文云福祐也釋名云福富也其中多品如富者也郊特牲云富也者福也祭統云福者備也備者百順之名也無所不順者謂之備言內盡於己而外順於道也故荀子天論篇云順其類者謂之福賈子道德說云安利之謂福皆無所不順之謂也道作富詩何神不富傳富福也易云福謙釋文福京本作富劉脩碑云鬼神富謙皆其證也祿者說文云福也古微書引孝經援神契云祿者錄也周禮天府注祿之言穀也穀訓善故廣雅云祿善也實則鄭注以穀訓祿即謂奉祿故大宰注祿若今月奉是也又福祿二字若散文則祿即為福故詩天被爾祿傳祿福也若對文則祿福義別故詩福祿如芡箋爵命為福賞賜為祿祿福聲近其字亦通故少牢饋食禮云使女受祿于天鄭注古文祿為福也社者易云以社元吉又云疇離社虞翻及九家注竝云社福也詩六月巧言皇矣傳箋同左氏哀九年傳社祿也祿亦福也聲近徵音止漢書律曆志云徵社也又近如周語云賜姓曰如氏曰有夏謂其能以嘉

社殷富生物也章昭注如猶社也履者釋言云祿也又云禮也說文云禮履也所以事神致福也然則禮亦訓履履亦訓禮說文訓禮為福本於釋詁也釋言訓履為祿亦本於釋詁也履通作禮故易坤釋文云履霜鄭讀履為禮詩率履不越韓詩及漢書宣帝紀蕭望之傳竝作率禮不越又通作體易繫辭云知崇禮卑釋文禮蜀才作體行其典禮姚作典禮詩無以下體韓詩外傳作無以下禮體無咎言禮坊記作履無咎言釋文體韓詩作履履幸也按幸者吉而免凶是幸亦福也說者方言云福祿謂之被說詩俾爾戩穀傳說福也說文引詩實始戩商而云戩滅也不同者毛詩戩作翦故傳箋云齊也斲也說文雖作戩而義仍作翦故云滅也但翦戩二文容可段借福滅二訓理難兼通疑不能明也被者說文云除惡祭也玉篇申之曰被除災求福也孚物切又方吹切福也是訓福之被音廢本方言郭音也通作第郭引詩曰被祿康矣毛詩被作第而訓為小不若鄭箋訓第為福合於雅義也又通作弗詩以弗無子箋弗之言被也正義引孫炎曰被除之福也福者說文云禮吉也吉即福目部寤字下云讀若爾雅福福是福訓福也通作釐說文釐家福也漢書文帝紀云祠官祝釐禮樂志云媼神蕃釐集注竝云釐福也釐讀曰禧賈誼傳云受釐坐宣室集注釐音禧又云借釐字為之文帝紀注亦云釐本字作禧段借音耳又通作僖僖字史記漢書俱作釐文選魯靈光殿賦序注釐與僖同也僖者說文云福也釋文僖音斯郭常支巨移二反東京賦云祈禱禳災思玄賦云蒙虺僖以拯民李善注竝引爾雅曰僖福也祜者詩云受天之祜見於信南山桑扈下武禮云承天之祜見於士冠禮帶運箋注竝云祜福也福稱天者即左傳所謂如天之福故一切經音義二引爾雅舊注云祜天之福也臧鏞堂爾雅漢注云祜字从上古字訓天周書周祝解天為古鄭康成竟典注古天也玄



鳥箋古帝天也故祜爲天之福今按臧說是也下文又云  
祜厚也舊注祜謂福厚也此皆因文註義依於雅訓也

禋祀祠蒸嘗禴祭也

書曰禋于六宗餘者皆以爲四時祭名也

說文云祭祀也春秋繁露云祭之爲言際也與察也說苑權謀篇云祭之爲言索也索也者盡也乃孝子所以自盡於親也御覽禮儀部三引書大傳云祭者薦也廣雅云祭薦也按薦祭義同而微別故穀梁桓八年范甯注無牲而祭曰薦薦而加牲曰祭然則祭可以包薦薦不可以包祭也禋者小爾雅云禋潔也周語云精意以享禋也說文兼茲二義故云禋絜祀也一曰精意以享爲禋書舜典釋文引王肅主說文前義馬融主說文後義孫炎爾雅注兼主二義故書正義引孫炎曰禋絜敬之祭也詩維清傳禋祀也書洛誥鄭注禋芬芳之祭大宗伯禋祀注禋之言煙周人尚臭煙氣之臭聞者書禋于六宗正義引鄭注與大宗伯同通作煙詩釋文禋徐又音烟書大傳云煙于六宗鄭注煙祭也字當爲禋魏受禋表云煙于六宗史晨奏銘云以供煙祀是皆以煙爲禋也祀者一切經音義二引舍人曰祀地祭也說文云祭無已也从巳聲按巳古有二音故詩維天之命正義引譜云子思論詩於穆不已仲子曰於穆不似斯于云似續妣祖鄭箋似讀如巳午之巳巳續妣祖者謂巳成其宮廟也證以說文巳巳也四月陽氣巳出陰氣巳藏釋名亦云巳巳也陽氣畢布巳也漢書律曆志云巳盛于巳史記律書巳者言陽氣之巳盡也是皆巳午之巳讀爲矣音之證孟仲子讀巳爲似鄭康成讀似爲巳因知古音巳亦爲似似亦爲巳其讀俱通後世上巳之巳讀詳里切終巳之巳讀于紀切分而爲二非古音也古讀巳之與祀似之與以音皆同而其字通何以明之說文佶从呂聲則以似同音故易明夷云文王以之釋文引鄭

荀向作文王似之漢書高帝紀注如淳曰以或作似是以似以通也

說文祀从巳聲則巳祀同音故詩於穆不已文心雕龍練字篇作

於穆不祀易損云巳事端往集解引虞翻作祀事端往云祀舊作

巳是巳祀通也然音隨世變讀從音轉祀通作祠似通作嗣似祀

二字俱讀詳里一音故詩斯干裳裳者華卷阿江漢傳竝云似嗣

也荀子賦篇云性得之則甚雅似者與楊倞注似謂似續則亦以

似為嗣是似嗣通矣詩生民釋文祠本亦作祀是祀祠通矣此則

祀似俱讀詳里切蓋今音也然據子思仲子論詩師弟已有二讀

安知今音之非起於古哉祠蒸嘗禴四者皆時祭之名詳見釋天

而此又單訓祭者蓋不獨時祭有此名而凡祭亦被斯名也知者

小宗伯云大哉及執事禱祠于上下神而鄭注得求曰祠女祝云

凡內禱祠之事鄭注祠報福大祝云一曰祠鄭注祠者交接之辭

皆不以為春時祭名然則祠之為言詞也故說文云品物少多文

詞是其義矣必知凡祭通名祠者公羊莊八年經云祠兵齊策云

楚有祠者釋文及高誘注竝云祠祭也說文祀字解云以豚祠司

命引漢律曰祠祀司命史記漢書竝云祠官祝釐顏氏家訓書證

篇云吳人呼祠祀為鴟祀是皆以祠為凡祭之通名故一切經音

義二及廿二廿三竝引舍人曰祀地祭也祠天祭也以祠祀為天

地祭名益知注爾雅者自郭以前皆不以祠為春祭之名矣蒸與

烝通亦單訓祭者詩信南山及賓之初筵傳箋竝云烝進也載芟

箋進子祖妣謂祭先祖先妣也然則烝訓為進進訓為祭亦不以

為冬時祭名故書洛誥云王在新邑烝大宗伯疏引鄭注云是非

時而特假祖廟故文武各特牛也然則鄭以洛誥之烝為非時特

祭證以楚辭天問篇云何獻蒸肉之膏而后帝不若王逸注蒸祭

也以其肉膏祭天帝是皆以蒸為凡祭之通名也祠蒸二文既有

明證推此而言嘗禴二義亦當相準而經典無文莫可取證月令



季秋大饗帝嘗鄭注嘗者謂嘗羣神也天子親嘗帝使有司祭於羣神然則鄭意亦以此嘗爲祭名而不以爲時祭之嘗矣唯禴未聞可姑闕焉郭以爲皆四時祭名恐未然也釋文嘗字又作常禴字又作內竝古字通

爾雅郭注義疏上之一

孫男聯

蓀伯愷  
薇近垣

校字

101311336



珍做宋版印

中華民國玖壹年拾月拾柒日贈送





國家圖書館



002452211

